

石遺室詩話

四



石遺室詩話卷二十五

弢庵太保詩多有本事。可資史料者如吳柳堂御史圍爐話別圖。爲張仲昭侍讀題云。侍御席藁爭失刑。一斥歸臥蘭山陁。當年廷議孰主者。斫伐直木新發硿。一廷議成祿罪名。疏稿已具醇賢親。王後至袖一稿以奉。合天時刺聽朝政。請謹言者衆愕然。某公奮筆署奏曰。王爺大中堂。小我從王爺。遂以上于通政。凌辰王理少家璧。疏爭不得。一寧期再出殉龍馭。秦良衛史公所型。同時四諫接踵起。欲挽清渭澄濁涇。曉曉牖戶及未雨。綱紀之正先朝廷。角弓翩反局一變。竄謫流散隨春星。忌醫廿載藥籠盡。疾亟永命尊豨荅。抱薪止沸國卒斬。騷魂九死誰能瞑。我交待御恨已晚。衰涕猶爲同宗零。談詩說鬼再寒暑。度語謂踏田盤青。一侍御以初元起廢。丁丑夏間。卽相過從。詩孫記爲戊寅。誤矣。其挽主庵聯云。是國家有用人。君不長年我偏壽。爲親朋輒作惡。別猶難遣死何堪。主庵蓋已謁假而病作也。侍御死之前。嘗語人將遊盤山。故其上陵不歸家人。

猶疑在田盤也。張侯居廬更歎逝。攤卷百感鰥鰥醒。薊祠既成次故宅。去後還往餘風螢。橫街每過輒掩袂。矧對遺墨憑精靈。黃童死孝骨早朽。一卷中有陶樓再同父子題作。肯念桑海吾伶仃。藏書掠徧獨脫此。呵護無亦關冥冥。一蕘齋藏書被兵掠奪殆盡。長言追記慰明發。永寶手澤揚餘馨。仲昭蕘齋子末故云。故宅橫街句。謂吳柳堂故宅在南橫街。仿楊椒山故宅例。以祀柳堂門前有扁額也。

近見黃晦聞近作兩首。筆意蒼老。亟錄之。晚過社稷壇。遲瘦公不來。遂成此作。云蒼然栝栢杉松地。得與遊人生夕涼。六月將秋仍病暑。衆囂宜莽一澆腸。晚來栖息能相過。舉國劬勞自未央。到此不無林木歎。士夫名節獨尋常。晨過社稷壇。將夕乃歸云。國事身謀兩不言。朝暾來此對風軒。經秋樹似陳人在。委地枝爲衆鳥屯。已著霜花近重九。舊過茶社有寒暄。餘懷今日都消盡。坐待林鐘照暝昏。

吾鄉鄭無辯布衣容。有無辯齋詩一卷。甚清真。余曾爲作敘。恨其老守鄉里。不肯出遊。詩境爲眼界所局。近余自都歸里。復出詩數十首。請爲去取。別將三年矣。詩境有進。多近誠齋放翁。時入四靈。有雜之木庵先生集中。幾不能辨者。如夏夜攜壯兒納涼作云。插花淪茗又焚香。父子相攜作道場。忙者得閒時亦暫。晝雖恆熱夜彌涼。漫憂國少三年蓄。翻喜身無一藝長。淡薄門庭冷。情性不妨世。我兩相忘。論詩云。性情早自絕。於詩無實。何能欺小兒。不襲陳言填故事。腹中寒儉有誰知。此首意有所指也。游深山居園有感云。門掩竟虛佳日過。園荒想見主人忙。老松不比閒花木。灌溉雖疏亦自長。能清蕪穢便良圖。小小園林可自娛。所植已繁難檢點。放他瓜蔓上高梧。夜吟云。莫怪年來少作詩。性情不與世相宜。羌無清興多孤憤。未足娛心且謾時。爲半野軒購鴛鴦。作此寄之云。好與鷗鳧作比鄰。池亭點綴助鮮新。爲渠伉儷謀安處。卻是人間獨宿人。眼前妙語時無辯。喪耦已三年矣。雜書二首云。山人任性真。非欲立名節。生本農家。

子簪纓。固不切。鈍坐類癡蠅。艱行同跛鼈。近習老與莊。不辨堯與桀。不切二字。佳。飢臥夢夷齊。醒來自欣忭。以古人爲歸。始不爲時炫。軒冕者誰子。譏我不善變。禽獸之富貴。寧敵人貧賤。禽獸二句。直說似海藏語。園中夜步云。旱後嚴霜至。仲冬木葉乾。竹松爭我健。星月助宵寒。宿鳥如多畏。高枝尙未安。獨行還獨立。何者解長歎。此首頗有杜味。宿鳥宿池邊。樹似乎過之。化城寺晚望云。百忙未忍棄秋晴。隨意來登舊化城。一片新經兵燹地。夕陽莫放十分明。雨夜寄枚生云。各將風雨作良宵。莫怪常人道寂寥。多此池亭三兩樹。比君書屋更瀟瀟。景屏軒海棠初開同大年作云。客去軒空水滿池。海棠初見兩三枝。願無風雨君常至。看到花開極盛時。根樓晚吟云。一樣江山又過秋。心情不似舊登樓。遙天黯黯看殘日。寒色淒淒入破裘。餘淚可能供世亂。無家何暇爲兒憂。哀吟自足仇茲體。醇酒婦人寧易謀。句如旱夜云。民禍不孤行。眚災兼兵戎。羣生共罹刑。禱祀久無功。謀修宛在堂云。責人肩風雅。孰謂此意狂。雨中登鏡湖。

亭云。湖天近暝。復迷離。飛橋遙樹。生寒姿。壽林怡山云。誦詩聲老。蒼酒貌紅。可掬。又布衣淨。無塵野菜。甘於肉。和沈濤園游龍塘云。大松合抱。色老蒼頑。石多年狀。堅固細泉。雖旱可供田。平磴無苔不妨履。送碧栖北行云。郡城未百里。十家五家士。士多道。乃微負販。相與齒。夏夜偶成云。徒具癡肥非道勝。卻羸窮拙未詩工。野行望橋云。橋實多於橋之葉。朝夕勢欲壓樹倒。

老友鍾壽若

大椿

二十餘歲時。神清如衛玠。腰瘦如沈約。益以終歲爲狹邪遊。

見者皆決其不壽。乃登第後。以庶常改官縣令。遂始終不謁選。里居治家人生。產年置數妾。賤價買某氏宅。百十間。雜蒔花木。俾羣雌粥粥。列屋居其中。妾亦不求甚美。惟價廉者。不如意卽開閣放之。於是當夕者。亦不過十數人。而三十餘年來。壽若乃益以精神煥發。體質強固。髮黃而面赤。殆有得於容成彭祖術也。時爲詩自謂不工。學白樂天。惟求嫗解。然十年前。余久客還鄉。與壽若常相見。適余生日。壽若贈詩云。百年初度幾逢閏。此日尊前須盡歡。浪迹可堪相闕。

久行裝況復欲留難。江湖風利帆誰落。梧竹陰疎巢易安。請淬青銅看鬢色。明年苦筭記鄉盤。此首竟是宋人體格。何嘗作嫗解語。末二句招隱之意甚切。故余次韻報之云。花前痛飲幾回耳。忽忽廿年前墜歡。百歲平分強半易。一生作事解人難。詩成漫比白太傅。老去欲從黃子安。賦就小園歸未得。種松待看老盤盤。時余與壽若不相見已二十年。余年五十有一。壽若四十有九。余屢醉壽若花樹下。自亦築成小樓。樓前皆花木。第六七句謂尙須遊武昌也。

沈甥雁南

贊清

以道員宦游桂管。不見者二十一年。中間一官轉徙。不出粵東。

西今年冬月。忽相遇京師。悲喜交集。萬千舊事。不知從何處說起。出示詩稿三卷。工力甚不淺。題一律於其詩卷上方云。不見吾甥二十年。萬千舊事一燈前。哀蟬玉袂同悽咽。石馬銅盤幾變遷。猶有朝雲將叔黨。可無山谷得師川。東南約略游蹤徧。陽朔羅浮獨各天。三句謂余與雁南皆喪妻。五句謂雁南姪人極得大婦歡。大婦逝時。言子女得付託。吾目瞑矣。雁南詩兼學坡谷荆公。不苦澀。

亦不滑易遣悲云。層院風酸不忍聞。子規啼徧黯愁雲。百思全福應先我。多難
頻年太累君。開眼極知難了劫。營齋總覺屬虛文。惟將早日松楸辦。蕭鬢隨緣
向晚曛。題南禪室主人遺像云。將無罪過坐之官。一用木庵舅氏句。黃葉虛
堂夢未安。起坐秋聲如雨下。可憐月好不同看。燈前如坐寫經人。一遺墨金剛
般若波羅密經一卷。遣此題詩意已塵。可惜小園營亂後。所栽花竹自精神。
覓句亭坐月寫懷云。聲名湖海直。未遂園廬感。逝先剩此孤。生還世役有
何歡。意入中年池波竊。比汪涵量。秋實應歸造化權。縞夜只憂兒輩覺。展經無
語向風前。賸有朝雲慰老懷。寒軒燠館屬量裁。賓鴻數子時通訊。直竹吾生總
寡諧。法藏未窺虛道牒。文名無分讓蘭臺。秋光何似春和悅。曾不長圓看這回。
桐軒落成云。九月南中未肅霜。桐柯蔭葉尙遲黃。旁人莫認秋聲館。生怕年光
近夕陽。極意裁琴只廢材。何如待葉換鱸灰。乍安四壁當風雨。偶一歸來坐幾
回。十一月十六日。南禪室主人歸葬。送至香港。望舟不見而返云。了知生滅理。

情至忌悲哀。心折餘經卷。魂歸脫劫灰。教兒負土去。待我看松來。冥想千層浪。當年共往回。以上皆雁南悼亡後之作。雁南服官廿餘年。子女極多。囊空如洗。僅於廣州城內六榕寺畔。營得一宅。名曰演廬。覓句亭。桐軒。皆其勝處。有演廬漫興四律。卜居近六榕寺。次坡韻八首。皆佳。次坡韻云。手香寫法界。局見等曹。膝劫餘明本。性一笑鑽紙蠅。南宗淪嶺海。傳照五百燈。入堂遠蚊蚋。聞說宿高僧。高僧曰達摩。宗法婆羅門。稽首寶藏嚴。培茲淨慧根。千佛造浮圖。百僧度夕殞。蕭梁去千載。意結復何云。塔高廿七丈。頓悟見處卑。重開永嘉石。井枯水不肥。佛牙瘞其下。神劍潛其機。李唐碑在亡。起予屬阿誰。厭離不淨相。所在隨生滅。遷謫何容心。六榕契幽絕。坡筆雄姿態。石工異庸劣。天馬信行空。早已脫羈縲。鐵禪堅定識。能挽眞宰權。大同遺佛像。蓮經呵護全。開會通三摩。悟性窮兩端。石丈還本處。敷座已忘言。南服蘊奇寶。忍使終晦盲。雕鏤覓天匠。西望慈雲橫。輦之自緬甸。眞面儼如生。福足慧亦足。所差累黍爭。結廬觀天演。借禪治一

心密邈六榕寺。海瘴了不侵。過從東坡界。許和東坡吟。如如小祇園。無取布地金。近寺先聞鐘。六根脫物外。我生恁麼時。佛法觀自在。長老龍象力。猶擔詩畫債。南海暢宗風。看取娑婆界。是欲學柳州。巽公堂五首者。詩題有晤鐵禪上人爲述佛教會緣起願力宏大云云。

雁南幼受業於木庵先兄。讀其第一卷詩。如雞歎。思荔。雨中與唐生叔點對坐。戲作各篇。皆與木庵作極相似。其讀舅氏木庵先生遺詩。泫然有作云。青山圓碣想靈暉。可但能詩世所希。七品宰官從薄暮。先生絕學直扶微。觀人子弟深自省。一先生訓言。對鏡風霜屢厚非。少日拊頭期宅相。此時胸臆祇重欷。七品句絕佳。薄暮二字用得。好。兄六十餘歲。始宰幾輔。未久卽歸道山也。

句如與室人對菊云。白髮齊生最公道。黃花畢竟屬名流。春陰云。幾番綠意滿人覺。終日黃昏迫夢沈。春晴云。寒重似愁羣。動伏陽回頗喜萬。機生和徐亭曾云。多緣成癖親愁藥。只坐無錢種雅根。寫詩云。諱說飢寒驅作客。託爲山水解。

留人寫真云。菊遲得雨探消息。燈瘦尋詩閱苦辛。先鳥起吟侵曉月。未花坐悵隔年春。答墨藻云中。歲弟兄幾相見。他鄉鴻雁不成行。南樓夜坐云。掃地招心爽。攤書養眼青。對句青字好。小雲巢閒居云。小樓分南北。清池當心畫。又高臺控天宇。振衣凌屋脊。迴眄千百峯。向我皆岸幘。又兒曹有福慧。不扶亦自直。余有小池。縱橫僅八尺。余既有賦千餘言。有詩五十六字。裝點之矣。而知交題詠益復不少。幾可成小池志一書。龔惕菴云。鳴禽習林樂。遊鯈愛水深。宴坐觀化者。眇眇洞此性。方庭不可樹。一勺聊寓興。欲從古井瀾。視彼潛鱗定。畚鍤戒經營。廉隅好端正。卦數占縱橫。一池縱橫八尺。一古度準分寸。一尺準周度。一形取玉水方。止兼仁山靜。永謝跋鼈入。亮無青蛙聖。見小論增減。源長足浥潤。一滴海可味。尺渾德愈瑩。是知物無小。意得境斯勝。主人障川手。袖中藏溟滓。如何老歸來。坳堂理清澗。出緒自作賦。粲發交輝映。偉詞餘千言。修綆貫九仞。山桂緬劉安。園菜吟庾信。未讀先已快。懸知走不脛。一先生賦小池餘千言。要

以詩成見示一鄰魚何足求。饋生聞尚靳有琴。可無絃有臺何必鏡。但得之濠
上。儘看星涵泳。饋魚句謂對門陳陀菴。許送魚未來。惕菴詩筆喜倔強不學時
賢。但工清雋語。此首足見一斑。

聲暨亦有小池詩云。晴窗蔭修竹。詩思上毫穎。初夏添數笋。對之塵慮屏。竹旁
小方池。日光射耿耿。金魚數十尾。頂水弄竹影。似疑是蓮葉。遊戲東西逞。又似
疑萍藻。唼喋弄愜愜。我昨遊湖西。數人共舴艋。愛其水令姿。有如泛清潁。王子
戲撐篙。失足幾沒頂。莫言水性懦。狎玩耍深省。家有快剪刀。剪取湖中景。縱橫
各八尺。一仞量短綆。三面繚闌干。步履皆坦境。時時此俯仰。方寸暇而整。風來
簷竹動。觀天笑坐井。風吹竹葉墮。竹網撈斷梗。愛看魚上水。餌之以光餅。聞聲
悠然逝。濡首尾見內。勿任青草生。紛紛鬧蛙黽。沈濤園以爲能學韓重甥。覲冕
用東坡獨樂園韻云。雨聲來庭間。泉聲來屋下。一池上有溝。雨時環舍簷溜。悉
匯溝入池。望之若瀉泉然。一池旁盛花竹。不數小秀野。一舅祖京寓小秀野草

堂。吳興有彌甥。時來侍杯斝。聽泉得幽趣。看竹忘長夏。主人老吟詠。賓客多風雅。詩事久荒寒。招邀偶結社。一里中諸詩人。結社請爲主盟。憶自十年前。几杖從長者。雖媿朱芷青梁衆異黃秋岳。索句亦不寡。法源松栝蒼。崇效牡丹。冶城南花事新。遊讌喧車馬。歸來罕文酒。結習久割捨。偶然呈近詩。獎借面深。格。一覲冕呈近作。謂有進境。還期藉風力。一振寒蟬啞。次韻均見自然首韻。尤寫得出。宗楊云。室前乙方庭。鑿之得新泉。其底本古井。並掘兩古甕。見池不見庭。回廊爲之堦。爲溝。匯檐溜。主人於檐前爲溝。待雨時。匯諸檐溜。迸瀉入池。觀之若瀑布。雨時一瀑。縣中夜。猛雨來。臥聽疑開先。舊在開先觀瀑。池上竹夏寒。照泉尤娟娟。主人喜觀水。眠食茲留連。主人喜拭竹。一拭一青妍。編詩坐池上。揮毫臨池前。繞池三面闌。照水雙月圓。臨池有一小室。門爲月式。尙當築高臺。登臨尤快然。此作時有結撰語。

合肥李曉耘

國柱

文忠妣孫。太史公所謂佳公子也。介胡詩廬。以年家子禮來。

見長身玉立。出詠史詩數首爲贄。力求請益。詩頗能翻案。勉其多讀書。以期深造自得。今冬余自里至都。復見於詩廬所。數日賦讀石遺詩話五言古一首。寄余。則視前所作氣體充適。音節較協矣。詩云。詩派如百川。勃興唐宋時。元明各有作。迤邐及今茲。先生籠萬有。吐欬成珠璣。感此生並世。錦囊藏貯之。鑑衡博而約。思深語復奇。瀏觀目爲眩。塊坐神忘疲。昨歲城東隅。一瞻鸞鶴姿。經年復相見。歲華如箭馳。公從閩嶠來。京洛同爲羈。清言若淪茗。雋永品武夷。向我索新作。一簣不肯遺。摹擬愧未成。茲編眞吾師。

久不見狷生。今夏同寓上海。索讀近詩。僅出三首。皆前數年之作也。匡廬之遊。遲梅生未至。賦寄云。名山若奇文。共賞意彌愜。顧瞻懷良儔。夢寐已可接。平生濟勝具。尙能奮登躡。淹留成蹉跎。念之頗歎悒。願因南飛鴻。便促過江楫。眞愁日月馳。人事更拘繫。巖姿映晴昊。招我展笑靨。白雲亦何心。歸山向人急。攜琴思不孤。窺石清可挹。憑君吐奇句。定有英靈懾。八月初三夜。登廬山牯牛嶺。寄

梅生云。晨鐘落前峯。我夢已自往。微雲翳薄日。嵐翠帶秋爽。輕輿亭午出。野色入蒼莽。高樹有晚意。衆蟬咽殘響。溪流稍迴曲。山徑漸東上。層巒紛我前。萬態結遐想。巖風作寒籟。吹面無塵埃。蒼茫暮靄間。瀾望忽開朗。錯落燈火繁。空碧樓閣敞。霜淒夜氣嚴。影寂情懷惘。佳人隔江海。此夕不同賞。相望成蹉跎。風雨忽疇曩。觀三疊泉云。探幽未度玉川道。我來卻在層峯巔。俯視巉岳勢。陡絕蜿蜒直下趨神淵。四山蕭森拱蒼翠。風號谷應淒暮天。化工何年構茲勝。鑿開巖腹懸奔泉。縞衣仙人控玉龍。空中縹緲生雲煙。循巖不作長驅勢。激流斷石遙相連。真成奇文恣歎賞。起伏波折咸臻妍。浩如巨浸朝百川。千秋寒潭鳴潺湲。谷簾峽泉定誰賢。久立駭愕卻不前。安得故人揮玉絃。坐對長使心塵澌。三首皆詩如其人。清澈見骨。東坡云。江山豈不好。獨遊情易闕。對名山而思良友。倍切於平時矣。共賞奇文。譬喻最肖。巖姿句層巒。句爲已入山光景。野色句爲未入山光景。循巖四句。寫三疊泉如畫。曾游廬山者方知之。

與宰平不見數月。見則告余。近讀香山詩。欲學其五言古。余謂學香山者。多學其七言律。七言古。七言律。可學。七言古。不可學。五言古。不易學也。東坡放翁。學之皆有善。有未善。未幾示余哀寒碧一詩。則學香山而善者。詩云。今年六七月。東游將戒程。倚裝得君書。勸我江南行。兼復寄新句。累紙連珠璣。紙尾字略辨。淡墨斜相縈。云作書至此。鐘鳴已四更。悄悄燈影子。遠聞荒鷄聲。眼昏腕復疲。投筆不復廣。我時正私念。晏眠實勞精。況君體非健。無以勤傷生。孰知一蹶間。遽致性命傾。不死於疾病。不死於刀兵。鈍初黃君。擊交飛彈成。碎瓊時亂多。殺機而君皆。弗嬰奔騰載。鬼車殺我絕。代英我初聞。君死時方在。東京初聞不敢哭。恐使鄰人驚。又疑死非君。或者同其名。溯初自滬至。告我君死情。已矣。今信然。天意誠難明。士衡文藻美。叔寶神骨清。君才用未竟。蘊蓄多恢宏。高矚涵衆象。抗志謝世榮。方秉誅伐筆。欲持世議平。波瀾浩壯闊。肝膽何崢嶸。惜哉命相妨。竟死終何成。而彼不死者。攘奪復縱橫。中八句末四句。是寒碧真相其餘。

皆鱗瓜而已。

余詩話中罕錄閨閣之詩。已逝者間及之。杭州徐仲可珂。其亡室朱蓉笙。有送春一律云。畢竟去何許。飄然忽欲歸。自驚顏色改。忍見落花飛。身世原同感。心情覺漸非。蝶魂誰喚醒。猶是戀芳菲。可入漁洋詩話中。仲可詩未見。著有純飛館詞。雋句殊多。

亮奇有四月十二日。薄曉出泛湖。憩北亭。凝感有紀云。凌晨泝團流。展棹覓清異。連坡徑蜿蜒。蔽築林羅織。遙峯隱凝思。滑磴阻洊至。澗曲越潛響。橋迴滿空翠。須臾光景開。彌覺山水膩。宿霧破參差。新日映明媚。涼煦雖倏遷。升沈豈異企。傲情總在墳。麗想媿入寺。暝如苔蘚光。靜得鐘梵氣。仙藏不可通。悠然假夢寐。從北高峯下。韜光庵外。憩石橋倚欄。看竹云。陰峯千轉此。凭欄萬竹參天俯。一寒絕憶扶持。噤無語。當時猶作畫中看。不見亮奇且數年。忽得其函寄數詩。與濤園共讀而異之。近相見海上。又讀此二詩。則一學大謝。一學宋人。而有其

意境者。製題亦學謝學。柳州前一首。可與蘇龕少作題西岡松林中者相彷彿。蘇堪詩云。適何海山客。投身溪上村。出門豁幽抱。日夕倚松根。寒巒閱葱鬱。微徑截苔痕。林暉耀楮葉。畦流響黃昏。落照衣上來。憮然閔中原。吾生期遂性。世難屬驚魂。玩景聊自放。撫臆誰與論。沈沈遂至暮。去去迹所存。時蘇龕方學謝也。

朱芷青之死。余既爲哀詞。哀之始終不得一詩。則以他人之哭芷青者。已多悲痛之作也。宰平云。寢門慟哭。今何及。詩句能傳。已可哀。颯颯銘旌。隨世事寥寥。泉壤論人才。騎雲欲款天。難問入夢相。呼子儻來。自有心光長不滅。未須傍佛說。輪迴秋岳云。入門失慟聲。先結此士凋。殘忍問天隔。宿豈期成死。別就書終以。天天世間緣。法君能了去。日朋尊倍可憐。一諾九原吾敢負。強揮哀淚校詩篇。君小疾自夢不起。遂作書訣親友。以詩稿屬衆。異及余保存。又雨中視芷青殮。歸復爲詩哭之云。餘春逗寒雨。苦潦恨礙轍。驅車展橫舍。入戶氣已

噎。芷青竟長往。天道那可說。平生冰雪姿。萬彙供一擊。吾生嗟望塵。載筆幸相結。寧知牖下燈。盡汝升斗血。聰明復何補。干莫每自折。京塵十餘載。才命兩磨涅。年來託傳經。學子仰綿蕪。丹鉛詎停晷。甄錄署以瞥。芷青所爲筆記。恆署曰警錄。一浮生本電。謝識語歎隱切。今年盛招邀。筵餞故屢設。名園共修禊。江亭乍話別。傷哉兩短詩。生死筆永絕。相看青鬢盈。疾痛固所蔑。匡牀小握手。何意及危憊。早知會面難。悔不乾唇舌。翻疑身在夢。拳幌日未昃。造物汝何仇。奄忽萎此哲。頗聞夢瓊瑰。毅豹理洞澈。心光長炯炯。浩氣百不滅。所悲高堂親。老淚濺清醖。星奔有孤嫠。馮棺缺一訣。爲君勃餘哀。梁月照鳴咽。諸詩不減義山之哭。劉蕢臨川之傷。王逢原也。憶此外尙有數作。無從尋檢矣。

貞長有四月三日哀邁詩。中數韻云。我雖強不悲。淚欲奪眶出。幾忘瘞在野。忽念抱置膝。我初聞汝病。得書恍有失。南還促宵征。入門不敢詰。見汝能笑啼。若脫械與桎。失子至逆事。況真長廬有此子乎。聞病南歸。余親見其急遽遂行也。

但尙是襁褓中物。骨肉之緣猶淺耳。出膝。極。三韻。最爲警痛。

詩有極悲涼不堪卒讀者。同邑陳桐卿梧慶有客窗雨夜云。儘有寒螿吟夜榻。

能無孤鬼哭秋墳。又悼亡云。憶曾金盡歸來日。尙說梅花慣耐寒。則怨而不怒。

矣。又小憩開化寺鏡湖亭云。夕照斜烘丹荔外。微濤靜度碧松間。寫松濤者多。

言其奔騰澎湃。無說及微颺細響者。此非心靜人不能領略。花朝云。留將春一。

半扶起。柳三眠。

關季華棠湖北漢陽人。以名孝廉爲羅田司訓。留心經世之學。未用而卒。士論

惜之。其門人陳仁先。朱強甫克柔。謝石欽鳳孫。其著者也。仁先爲輯遺稿。名師

二宗集者。印行之。有己丑十九日。由吳淞北行。海中遇風雪。二十四日大沽候

潮。用東坡出峽韻。同伯晉蘇生作云。千花滯春江。遵海得清曠。十日溷芳塵。登

舟寄孤暢。樵樵僕走下。牀牀客分上。乘桴九夷俱。望友三益訪。舊雨新喜見。今

游後難忘。笑語谷雷確。深談溪泉漲。房蜂雜主賓。坩鮓錯盆盎。宵臥紛酣夢。晨

興愕奇狀。蜺雨晝既。霾沙雪宿。加釀風排。羣足跛波。震余心蕩。膨腹雜若。糟泔頭眩。迷向屏息。求安穩。揮手謝供帳。屢簸豆。躍箕欲鎔金。失墮正命。知平生危想。入譎誑。水裂蛟窟。眠際落魚腹。葬杙枳歷昏旦。在險氣逾王。窺窗挂桅燈。欵枕打船浪。衆中能賭詩。病起詎扶杖。奪席肆幽探。倚壁接高唱。忠信愧波濤。顛連存想像。狂瀾世終迴。斯文天不喪。潮來丁字沽。矯首條尋丈。一起明秀以下。寫孝廉船擁擠之狀。及風浪顛簸眩暈諸變相。能澀而不滑。靜而不喧。故是雅音。丙戌下第云。山雲遙待片雲回。四月清和未熟梅。滄海萬重天。萬里乘風破浪。我歸來。下第能作壯語。故自可喜。

別仁先二年餘。海上相過。抱其蒼虬閣詩五巨册。使定之。已見與未見者各半。多勃鬱蒼莽。不可遏抑。一如挽李猛。尤極煩冤。肝鬲手腕。有余前敘所未及。道著者。嘗謂詩至曹子建。杜少陵。論者幾歎觀止矣。然使子建享大年。少陵至七十。其詩境不知更當何如。所謂進境者。只問其視前之同不同。不問其視

前之工不工也。前工於丹，後工於素。前工設色，後工白描。工同而所工不同矣。仁先此數冊，伯嚴蘇堪子培確士少樸樊山諸君各有評語。余謂以韓黃之筆力寫陶杜之心思焉耳。蘇堪云：哀樂過人，加以刻意。陶杜哀樂時復過人，韓黃則刻意矣。

仁先有夜夢作書畫真有契歲月來無窮二句，似翻后山詩意。偶有所會，遂成二詩云：新秋送殘暑，雨罷來清風。湖天出淨碧，盡爲窗几供。焚香展圖畫，往往名山逢。書畫真有契，歲月來無窮。但使妙明在，自有精靈通。千秋且暮遇，何必非我躬。得意已藏密，五家詎能公。知益卻傷晚，隘矣后山翁。高峯半雲雨，觀棋坐一老。楚天巫峽圖，千古一畫稿。天陰贊公房，壁潤龍鱗好。想爲宏偃筆，變化松矯天。山谷游落星，宴寢清香裊。小幅對寒山，妙絕無人曉。我讀兩翁詩，魂夢輒飛繞。何當逢解人，破祕一傾倒。君自注云：工部之楚天巫峽半雲雨，清簟疎簾看弈棋，固爲千古第一畫稿。宿贊公房之天陰對圖畫，最覺潤龍鱗。余尤愛

之意爲古壁畫松陰潤欲活古寺中坐雨深閱之妙境也山谷游落星寺見寒山拾得畫以爲妙絕無人知寒山之畫世不可見其高寒超妙殆可想見而不可想見予最爲神往故縷述之此段可作無聲詩讀可作有聲畫看

余嘗論仁先同李道人野步看月句夜色鍾柴門二人自成世鍾字稍喫力而無以易之仁先告余此本中已改作夜色柴門偏似較前爲自然然余以爲偏較鍾固勝讀來仍拗口以夜色柴門皆熟字鍾生字偏字單用亦生音亦不順若七字句則有幫襯字而不生矣鄙意欲只用夜色滿柴門或落柴門此起似以用律句爲諧如種豆南山下采菊東籬下皆律句也

仁先述菊句云此花宜賤貧賤貧得有身分哭松厂云好花留歲月君何不相待自注予養菊最耐久一日松厂相謂曰好花將歲月留住了予曰此極佳詩意也豈意松厂竟不相待耶戒壇臥龍松歌有云縫幽欲引陰蟄出承欬力負蒼崖危萬鈞壓空不危殆反走潛根疑過倍凍雨洗幹未濡足眼底渾河犯高

塏承欵句不說崖因松重而危先說崖得松負而不危萬鈞句不危殆之危驟
看似與上句複細看乃將松重當危意反放在此處說反走句乃以托根之長
遠解明之眼底句說渾河水滿似欲犯及高處之松而先以凍雨句反托之皆
透過一層寫法非深得老杜三昧者不能

余在武昌編商務雜誌時請日本人河瀨如何

儀太郎

司繙譯如何一字長定

高等商業學校畢業生通漢文學唐宋八家善飲喜爲詩文勝於詩余從學經
濟理財學者數年譯書十餘種雜報百十萬言皆刊板行世相得甚歡回國時
余賦五言長古送行有云嗟我乏謀人貧弱乃無匹萬端待經緯予手据以拮
百廢當具舉欲汲苦短繻豈知韞匱者寶藏固充溢坐茲金銀氣染指甘如蜜
又云如君經濟學雅抱計然七相從日討論要旨迨纖悉竊思挽時局財政宜
秩秩硬貨定本位紙幣相輔弼中央集散法制限屈伸術股券若泉流國事理
如櫛又云平生慕鴟夷志豈在簪鞞於國既不施於家寧遑恤茫茫東海水戰

血將淳。潘主人不執兵。纓冠望同室。暉臺謀方殷。曹社聞調諫。吾行爲蟲沙。相見未可必。別酒慘不歡。贈策聊一述。此日俄未戰。以前作厥後。不幸言皆中矣。如何有留別詩云。五年爲客楚江頭。知己推君第一流。經國文章原絕類。育英樂事更無儔。北風飛雁傳邊警。東海浮鷗賦別愁。明日片帆揚子路。殷勤回望鄂城樓。又將游蜀賦呈云。三歲夢勞巴蜀遊。今春得暇欲銷愁。巫山雲雨神應媚。浣水漣漪花定浮。已逐東風馳逸想。又招西日託佳謀。明朝揚子江頭路。回首思君望鄂州。北風東風二聯。竟不似東人詩。又蜀游歸疊韻奉呈云。十有三旬。巴蜀遊山迎水送。不知愁。峨眉月色禪心淨。柏廟風聲忠憤浮。萬里泥鴻疎客恨。半生書劍拙身謀。歸來忽得瓊瑤贈。借照扶桑八十州。又中秋與二三子江上賞月云。扁舟江上月。把酒賞中秋。萬里殊邦客。幾人今夜遊。天高黃鶴度。潮湧燭龍浮。回首英雄迹。蒼茫鸚鵡洲。以上二首。頗有唐音。又在美洲讀石遺室詩。次韻呈石遺先生云。男子功名萬戶侯。摩霄健翮未全收。美洲風俗金銀

氣。禹。域。文。華。錦。繡。秋。回。憶。舊。游。空。對。月。繙。來。新。著。急。登。樓。塵。埃。滿。地。雲。山。隔。愧。
我自甘爲楚囚。君家營釀業。復游美洲學農務。日美本多違言。君書來於華美。
二國有所左右。第二聯云云是也。

日本東京石田羊有子夜續歌云。郎如木綿縷。儂似春蠶絲。異質理成匹。及今
不可離。一旦理成匹。經緯不復離。欲求布質美。宜先擇其絲。春花競初榮。春鳥
發初鳴。天生吾爲女。但當慎初情。道路一何惡。春泥不可之。君須慎出入。莫復
污新衣。念彼美之人。思慕誰不同。屏牆高鬱鬱。此心安得通。不敢適富家。與郎
同牀蓐。郎貧非不知。郎志潔如玉。春風吹入懷。懷歡不可歇。黃鳥語梅花。吾鳴
使汝發。朔風舞飛雪。途澀無行人。與歡同榻坐。嚴冬氣如春。別歡處。空房儂思
如淵冰。一凝不復解。其厚。日夜增。適步華洛道。遙認郎長身。三喚不一應。所思
在何人。向晚獨當戶。所歡來不來。人若異。問我但云。月色宜不故作容媚。君當
領區區。打金覆銅釧。外豔奈內麤。竊貽瑋簪意。欲使儂思子夜非。男子此心。

不可移怨慕不違義子夜有真情堂堂六尺士還輸巾幗誠意能曲達極得子
夜讀曲三昧置之傳青主集中不復能辨

石遺室詩話卷二十六

吾鄉永福黃莘田先生。雍乾間甚有詩名。所著初爲十研軒。既而有秋江集。最後曰香草齋。香草齋六卷。計九百六十餘首。而七言絕句居六百餘首。爲古今所希有。蓋專學義山。牧之。飛卿。東坡。俊逸處。故杭堇浦以爲最工絕句。袁簡齋以爲唐代詩原中晚佳也。然先生人品高潔。五言古實有近王孟。與常建。劉沓。虛者。或傳先生西湖雜詩有云。祇今耆舊無新語。風月□□四百年。浙人恨之。於時堇浦道古堂集中。有與黃莘田論詩書。刺摘莘田詩疵。累殆盡。以爲報復。而香草齋集首。有會稽傅玉露錢塘陳兆崙桑調元諸人序。稱美莘田不遺餘力。則又何耶。傅擬莘田詩於陶靖節。又謂集中弔虞卿。過樂毅。墓歌李陽冰。般若臺篆書。及三君詠篇。直欲躋韓碑。晉石而上之。陳稱其越王臺詩。磊磊塊塊如山。鎖紙桑與許廷鑠。稱其築基賑粥諸篇。彷彿元道州春陵之作。白香山秦中之吟。實則莘田絕句。有突過漁洋者。如楊花云。行人莫拆柳青青。看取楊花。

可暫停到底不知離別苦後身還去作浮萍時以此得名稱黃楊花先生答高
 薑田太守詩云升堂相見無餘語誦我楊花七字詩是也春日雜思四首之二
 云橘花和露落青苔鏡檻無風暗自開涼月不知人已散殷勤猶下畫簾來其
 第一首百折紅欄云云前已論過贈顧二娘云一寸干將切紫泥專諸門巷日
 初西如何軋軋鳴機手割徧端州十里溪莘田青花硯銘云余此石出入懷袖
 將十年今春攜入吳吳門顧二娘見而悅焉為製斯硯余喜其藝之精而感其
 意之篤為詩以贈並勒於硯陰俾後之傳者有所考焉顧二娘居閩門專諸巷
 故次句云秦淮云露涼江月初弦魄風動秦淮正頂潮春水方生君早去更無
 人倚木蘭橈他如西湖虎邱諸絕句皆風神絕世彭城絕句七首亦足以方駕
 阮亭彭城之作古體則築基行賑粥行二篇實服膺元道州施愚山不得專美
 於前矣築基行云築基本護田賣田為築基哀此眼前瘡却剗心肉醫綏邑之
 井稅兩圍大籬籬隄防一以潰千頃皆汚池今年困淫潦衝決勢不支粒食望

已絕。預算金錢糜。縣帖昨催築。先相度土宜。原隰測深淺。形勢分險夷。其閒腰
底面。高厚。頒定規。按田派力役。多寡等有差。遂令計稅畝。疆界爭毫釐。仍有不
均。怨弱肉。強食之。亦有游惰民。而舍業以嬉。里正來下狀。喋喋相警訾。董之宜
扑。作欲扑。還沈疑。蚩蚩子來前。長吏勤致辭。長吏實不德。災害余所貽。古風有
讓畔。汝忍相凌欺。好德好風雨。與汝蒼天祈。三冬急畚。過此便失時。上官有
嚴限。羽檄催紛馳。勞汝乃活汝。未可生怨咨。基長冬日短。促迫憂稽遲。夜役以
繼晷。及老羸。妻兒或有募壯士。傭直傾家貲。隄上月皎皎。堤下水漪漪。綿亙百
千丈。官誇如京坻。豈知一丸泥。千萬人膏脂。築基復築基。築完亦傷悲。今年筋
力竭。歲修無了期。田園斥賣盡。安用築基爲。擬上河渠書。言高嫌位卑。誰是采
風者。爲吾陳此詩。賑粥行云。今年米價高。乃自二月始。其時東作人。尙未及耘
耔。綆短井水深。轆轤接不起。展轉七八旬。十室濱九死。苟活始自今。登場十日
耳。相傳此十日。艱苦更無比。譬彼行路人。九十半百里。一春發倉廩。賤價實倍

蕤。奈今已懸磬。一錢亦坐視。甦我三閱月。難免須臾斃。此語痛至隱。使我抱愧。
鄙。急令煮饘粥。歡呼徧村市。其日正赤午。千百若聚蟻。大半老羸多。肩摩足跛。
倚。叟叟與浮浮。津津于頰齒。長吏未朝餐。先汝嘗旨否。次乃恣蠶食。流歎等波。
靡。癡嫗強其兒。不肯輟箸匕。老翁不量腹。哽咽顛有泚。僉云傷飢腸。徐徐乃可。
爾。明發當復來。漸漸平瘡痂。揮之不卽去。不去察其旨。問官賑幾日。好共妻兒。
止。官卑俸錢薄。能辦幾斛米。官云汝無慮。瓶罄罍之恥。計較兩歲祿。兼旬供食。
指。亦有懿德士。告乏助爲理。待汝刈穫聲。此舉我乃已。東郊一以眺。堅好惟糜。
芑。望歲如望梅。額蹙變色喜。歸衙持簞瓢。餘瀝飽稚子。蓋雍正丁未。四會水決。
蒼峯豐樂等圍基。奉憲檄修築。戊申四會大飢。賑粥濟活。先生時方宰四會也。
句如少不及人。今已老樹猶如此。我何堪極自然可喜。二女皆能詩。次女佩紉。
詠梅云。風定月斜。霜滿地。西樓人靜一聲鐘。陳勾山太僕最賞之。謂謝女柳花。
不是過也。故先生有東蘭女句云。上巳清明都過了。不論時節好歸寧。又云。賓。

客漸稀。兒女密。汝來知有柳花詩。先生絕句可供吟。諷者美不勝收。另編香草箋一集二卷。凡香草齋中香奩之作皆在其中。幾欲追微之。冬郎而及之。王次回不足道也。

吾鄉曾卽菴先生

燦垣

明末清初高士也。有詩八卷。已佚其半。王雁汀尙書序

云。幽居三十首。步武少陵。其云沈心見古人。眉目盈尺幅。高吟起夜半。筆墨如有聲。蓋自道所得親切如此。其論詩云。相格以謀。篇因句而及。字出入慎。筆端簡嚴如老吏。則又不惜度金鍼矣。大略古體多仿漢魏六朝。近體頗刻意求工。言閩詩者多未數及。爰特表之。如燈將光俱微。心與道相見。倦雨花三月。高人竹半牆。退雨巖花重。將秋木葉輕。一葉動微雨。數花聚小寒。單句如心定。身如借水明。遲鳥宿萬木。洗秋山皆佳句也。

昌黎南山詩固未甚高妙。然論詩者必謂北征不可不作。南山可以不作。亦覺太過。北征雖憂念時事。說自己處居多。南山乃長安鎮山。自小雅秩秩斯于幽

幽南山後無雄詞可誦者。必謂南山可不作。斯干詩不亦可不作邪。

昔人謂曾子固不能詩。是一恨事。殊不知子固守福州頗多題詠。見府志。又榕陰新檢載其數詩。皆清逸有致。出郊云。菖葉催耕二月時。斜橋曲岸馬行遲。家家買酒清明近。紅白花開一兩枝。登西樓云。海浪如雲去却回。北風吹起數聲雷。朱樓四面鉤疎箔。臥看千山急雨來。過仁王寺云。雜花飛盡綠陰成。處處黃鸝百轉聲。隨分笙歌與尊酒。且偷閒日試閒行。余嘗論古人詩文合一。其理相通。斷無真能詩而不能文。真能文而不能詩。自周公孔子。以至李杜韓柳歐蘇。孰是工於此而不工於彼者。其他之偏勝而不能兼工。必其未用力於此者也。否則並其所謂偏勝者。亦實未勝也。子固第二詩的是吾鄉天氣。

往寓上海。與蘇堪至書肆。見有楊誠齋全集二十餘冊。問其價。曰二十餘餅金。未之購也。後在武昌。爲蘇堪詩集作敘。報書謂結構在姜白石。楊誠齋之間。白石自敘詩集。歷舉並世名人之評賞其詩者。以爲言。余敘蘇堪詩。略仿其意矣。

若誠齋文。則實未之見。後讀福山王氏所影刊黃御史集。前有誠齋一序。中段云。御史公之詩。如聞新雁。一聲初觸夢。半白已侵頭。餘燈依古壁。片月下滄洲。如遊東林寺。寒三伏。雨松偃數朝。枝如上李補闕諫草。封山藥。朝衣施衲僧。如退居青山。寒帶雨。古木夜啼猿。此與韓致光。吳融輩並游。未知其何人。徐行後長者也。宋人喜爲詩話。往往卽以詩話爲文。爲今世講古文義法者。所詬病。余叙中雜舉古人名句。與誠齋無意相似。見者必多非笑之。擬刪改以入詩話。亦卒卒未暇及也。

亮奇旣死。余乃得於雜報上。連日讀其遺詩。皆幽秀不薄。又使人歎惜無已也。籃輿長行。茹里草。逕裏湖。卉篁入岫。云出郭。趨十里。迴湖俄已晴。午陰鬱無喧。蒸日時漏明。峯出朝靄散。泉迷暗香生。草徑往無際。籃輿疑未行。緋花淫滴滴。翠篠垂盈盈。意會異探討。耳目殊經營。惜余病微質。未足當炎兵。稍觸喧燠氣。便苦拘墟情。強振釋形勸。靜趺培神經。還思早春候。徐接羣芳清。鑄夫味三雨。

樵諸君子招讎圖書館樓。背山面湖極饒。卉樹之盛云。枕權赴嘉招。對樓資小
凭層峯俯深眇。宏宇羅青冥。結構豈造就。逍遙自始媯。朝雲凝不散。夏羽矯還
輕。連漪揚清颺。嘉樹當列屏。玫瑰溢芳氣。素馨送微醒。儼坐藹清吐。駢筵偕列
星。雖無肌鬢香。亦動簧絲情。按序已逾屆。宿意還當醒。二首皆登康樂之堂。製
題亦逼肖。前首尤嘖其哉。煞筆妙極自然。次首朝雲二句。音節落陳隋。列屏列
星嫌複。畏暑入湖。得行嚴京國。書却寄云。夜氣猶荒曙。未明枕樓無。際待風生
病中千態。君能寫湖外雙眸。我最清漫喜較量。篔與舸乍應問訊。雨還晴濕雲
不散。鷗先倦何取。烟波狎此盟。次答默菴十五疊山韻示篇并呈貞長云。愛看
荷光浸綠山。竹篔花舸恣飛還。一懽儘覺朋儕盛。羣往寧知嘯傲閒。會有詩篇
供汗漫。可曾酒袂記清斑。相逢不悔今來別。好語秋從桂樹姍。(是夕余將去
杭。貞長留飯齋中。與默庵同有秋來探桂澗谿之約。)上北高峯下瞰竹徑。諸
方云。水遊已盡愛山遊。得得籃輿午未休。來冒雲光銷短氣。去隨嵐翠雜清流。

儲糧坐使羣猜釋。告策寧知獨返謀。更向北峯凌絕頂。俯窺層竹眇千籌。湖泛口占示貞長云。晚風翼翼浪吹衣。涼水鱗鱗翠入微。借與詩人隨一舸。枕流看樹。憺忘歸。近體却儘有宋人思致。嫻韻未解。檢舊篋忽得苴荃兄所書絹筴。把玩久之。題此爲寄。並示釋堪。上有論書長句。云。古書書法絕深嚴。筆後意先羅。衆有近人下。筆主流動一往行。間每自負詎窺意。態出澹定可遺規。模去宏厚當年石室信。有傳勿信人間非。受授疾風橫雨出。臨川近代更有海藏叟。兄亦躡步渺追蹤。合向都門看聖帚。書家變法微可玩。豈必區區範徐柳。近聞閉戶殊整暇。木石山中盡黑否。兄書標置早成體。比似安西歎高手。飄飄奇字薄軒轅。漠漠閒文寄岫嶼。吾書晚作乏功用。自詭生天永謝後。每從遲鈍抑性情。偶得參差試評剖。兩年日力送無盡。一事從容難以苟。強持此意來作詩。枉近墨池一回首。五言學選體者。往往七言喜作轉韻歌行。君七古僅見此一首。却從事韓蘇。亦可謂不落前人窠臼矣。

久不與子培相見。今夏寓滬訪之。登樓伯嚴先在坐。未定。子培與伯嚴大講。責余近來詩話不甚譽其詩。余曰。譽則喜。毀則怒。雖孔子不外人情。但區區之言。果足爲典要乎。伯嚴又謂余譽其子師曾詩過於乃父。余曰。此正吾輩求之不得者。恐君詞若有憾。實乃深喜之。向在都嘗與林宰平推究古今聞人。其子往往趕不上。此與家學濡染之說。豈不大相反。宰平曰。此殆諺所謂近廟欺神之故也。相與大笑而罷。近讀子培秋齋雜詩八首云。秋氣迥蕭瑟。潛波漠西南。浩然風露性。一往寥天參。殘暑強蒸雨。薄雲不成曇。巾車招近局。嘉樹藏詩龕。有酒趣非醉。得朋見不談。情忘中夷惠。世衰隱彭聃。歸路遯超忽。微行蔽松杉。林陰漏光景。仰見雙魚吮。一亥宮姬訾。九執曆日雙魚。西域至今用此名。一我有蘭百本同心盟。十年托根不藉地。保種寧非天。秋庭肅清蔚。孤英發幽妍。杳然空谷思。阻絕懷香緣。流宕夙疾負。衰疾歲月遷。尋芳過鄰畹。予美懷悁悁。江霧晨漠漠。江流靜洄洄。鼉華絢五采。隱陰遙空來。蜃氣結層標。虹梁冠崇隈。飄搖

海童遊。玃青鸞。偕目鷺。洞光景。神行軼。埏垓。若有羽衣人。星冠集靈臺。我乘
升降烟。天漢凌。昭回却倚白榆柯。眇延松喬謀。香城一瞬隱。龍漢千期哀。與可
廣長舌。子瞻眇禪師。客語偶相示。夢迎端不疑。礪竹八風受。池光千波隨。頗復
相識。不過河老波斯。秋葉無研思。秋燈無顯跡。樓前老槐樹。根幹日撼撼。寒塘
蒲葦短。澹日乾坤白。解衣視陰情。蒼莽遠行客。宿春嗟已晚。輸載助誰役。幸自
可憐生。爾牛來角尺。客至亦何見。主言自抒懷。非人色相盡。衡氣天倪薶。水石
強磯激。木火相摩揩。居然吹比竹。亦或砰神椎。語默孰司契。合離兩非佳。蟬休
客亦去。止止還心齋。作詩必此詩。詩亦了無住。偶然眼中屑。搆此空中語。七始
變宮角。六情淆喜怒。太虛暫點綴。流水無焦蠹。筆汝急來前。寫我非雲句。一雲
句非雲句。見伽楞經。一碁局慰虛腹。隱囊倚頽顏。茶香鼻有守。鼎靜丹方還。樓
外天漠漠。樓前雨潺潺。無心蝸篆壁。有情鶴歸山。生年鶡冠子。杜句納息迦。
旃延事往。悔吝盡秋成。天野寬我不著一法。而法循無端。王孫歸去晚。叢桂期

同攀以平原康樂之骨采寫景純彭澤之思致卽以詩中蜃氣虹梁十句還狀此八詩昔王子安張燕公以所作相示各有不知出處者余向和子培山居圖五言古四疊其韻子培出示李畬曾以爲頗迷所指今余讀此八詩亦時時欽其寶莫名其器四疊韻續集只刻三首其一首一時檢不出

子培博於佛學在武昌日嘗作病僧行深喜自負詩云病僧病臘不記年臆對或自風壇前蒙戎敗葉擁牀敷支離痠木撐風煙六師派別謬占度休糧恐是金頭仙毗藪紐天攝不得首羅三目貽相看洗心竭來歸佛祖縛律非律禪非禪含生大期百二十四百四病根荖全水氣爲瘖木氣瘡娥綠斧性裘寒膏梁奧博物有致此理未可通窮瘵華子中年病忘久明心晦惑來無緣假從毗耶示化儀不爾五行同人天婆婆世界一音隔安有萬二千衆天龍八部相周旋檀闕失莊嚴忍虧無強堅貪欲羸老基噴恚疾災牽得非夙因招現果突吉羅業雖有懺悔猶沈綿給孤獨園崢嶸山雁王鹿女遊其間小花正如普陀白

高窟。或是毗沙。刊臘休雪嶺。夏熱泉一瓶。一鉢疲往還。或有造其關。草枯木石
頑。九十六道諍。研研六十四書文。複繁莊嚴。刼過星。刼未來。恒沙譬喻。不可罄
像法。五百盡末法。三千延病僧。病久心茫然。蘇迷廬山芥子小石女行歌。木兒
笑嵐風。撼松藤。裊裊幻師善。幻五色。宣畫師作畫。一筆圓瘦骨。秋嶺。屹條條。野
鶴巢。其顛。後來合有。棱伽傳。讀此作。誰謂蔬笋酸。餽之可與言。詩哉。子培嘗令
汪社耆貌。己相爲病僧圖。蒙戎牀。敷支離。痲木中。首戴圓笠。周圍之簷。或肉倍
好。或好倍肉。或肉好若一。或匿笑。其不圓。余曰。此正所謂畫師作畫。一筆圓。乃
成。其爲病僧之笠也。

自謝康樂山水名作。半出永嘉。永嘉遂爲古今詩人淵藪。黃迂。迂居鄰雁宕。
喜爲詩。示余全稿。專采其幽秀者。如後復戡書來。問訊近作。戲酬云。有人夜半
負山去。驅使桐嚴落。紙飛一復戡。近得詩頗多。皆于役睦州作。一只恐龍湫。同
被刼。苦思雁蕩。未能歸。書來翻問有詩否。別後深知羈宦非鵬也。無厭搜句盡。

肯留待我。遂初衣。此詩以取勢見工。立春日作。微雨不成。雪荒城。又早春山中。風俗舊。却後歲時新。盤菜猶歌社。桃花豈避秦。土牛長寂寞。無復勸耕人。除夜云。尋常節物已心驚。况聽山城爆竹聲。歲歲光陰如此了。星星毛鬢可憐生。燈前涕淚兼家國。海內風塵幾弟兄。三載天涯游子夢。白頭愁絕倚閨情。尋常眼前語。而情自真。非曾經除夜作客者不知。遂陽雜詠云。小小飛泉亦自奇。譬如無佛。獨尊伊。龍湫以外難爲瀑。強爲靈巖賦。短詞鑑塘活水亦尋常。却爲題詩憶紫陽。俯仰祠堂雲已散。瀛山一角晚蒼蒼。第一首第三句用得恰好。自平陽鼇江至桐山道中作云。不喜江行喜陸行。一輿載夢到山城。誰知落日桐山驛。又趁疏星問水程。末句清氣可挹。夕照寺云。出城不及里。晴巒迎人媚。沿隄信幽步。曲折不復記。雷峯塔插雲。翹首忽已至。透迤轉蒼麓。所歷漸杳邃。湖光搖空碧。嵐影落寒翠。隔水鳳林鐘。一杵雲外墜。丹霞出林樾。隱隱佛廬寄。頽垣剝聖粉。金碧留題字。(寺額雷峯夕照寺五字。許貞幹書尙存。)入門覓宮殿。草

草十笏。芘裙屐。誰肯到久矣。山靈懟。我來遲。夕陽孤冷。契山意。日暮僧不歸。蒼涼詩滿地。首二句的是游湖詩。大凡山水遊。山水去城遠者。必將近山。而後見嵐翠。撲人。惟西湖則一出城。滿眼山水矣。靈隱寺云。日日權小舟。湖光覽已飽。尋山恣幽攀。清夢早破曉。出門問何之。路入雲林窅。犖确循山椒。曲曲幽篁繞。峯迴見前村。粉垣出林篠。崔嵬山寺門。排雲俯大道。春淙流潺湲。一橋兩澗繚。古木參天蒼。林杪墜飛鳥。靈鷲何岌岌。怪石狀夭矯。穹然架佛屋。鬼斧鑿鐫巧。石腹一線裂。漏破天光小。迴旋出窅洞。疑又一蒼昊。何人鬪山骨。佛像立深窈。高下森怪詭。刻畫到髮爪。泠然一泓泉。禪心冷亦好。一亭獨裴回。煩襟滌熱惱。忽聞壑雷鳴。濤聲答松杪。俯石覓洞口。呼猿猿已杳。疊翠圍古剎。入門乍舌撻。殿礎架虹棟。厥木大十抱。仰睇百尺高。突兀立雲表。巨材輦邏迤。不憚萬里渺。誰其檀施者。懺悔求自保。巍巍盛尙書。媚佛甚村媪。豈知賣國孽。千載招舌討。徽福于杳冥。毋乃行顛倒。梵王華嚴境。四大空浩浩。偉哉龍象力。劫灰撥再造。

禪壇百級上。脚底烟嵐繞。空塔淨氛埃。落葉和雲掃。所托地既高。幽巒看未了。林花撲人媚。吟魂悅縹緲。沈沈爐烟靜。一磬詩心裊。此首入後幾欲作師子吼矣。春日山行絕句云。東風似虎惜花殘。戀戀羔裘欲卸難。嶺上凍雲山下瀑。一般努力作春寒。以努力說雲說瀑。下語極肖。句如題壁云。病不知茶味。貧惟識菜名。庚子感事云。庸人每自擾。無事宰相還。當用讀書都門書。感云。夜雨追陪碣石館。晴泥蹀躞海王村。夜別榕城云。江湖努力催人別。漁火多情照客行。曉發臺江云。萬疊好山隨夢去。一江春水送行來。大觀亭望海云。孤嶼中懸荒塔立。大江東去亂帆飛。君詩筆雅近香山。北征二哀諸長篇。皆清真可誦。

又點向工填詞。詩頗少作。近年肆力治之。漸下筆不能自休矣。舊歲攜其姬人捧檄皖南。宰婺源。山城政簡。日事苦吟。屢寄梅生轉示余。刻意求工。一字不輕易放過。驟暖開梅。次日大雪云。窮冬忽妍暖。旁舍梅遂開。羣蜂趁一閨。聚噉歡如雷。非時乃發散。潛氣浮根荑。端倪會有異。步履聊徘徊。中宵朔吹動。洵若無

埏垓曉瓦顯同色。連峯埋作堆。循牆覓昨燠。慘閉餘枯苔。梅殘已不復。蜂去亦不回。陰陽事數化。儻蕩誰能裁。窺荒懷異候。微感滋清哀。一詩三日凍融滴。猶相催。循牆二句一回顧。必不可少。收亦站得住。二十三日途中雜成云。一川石氣薄。青冥峽束林。迴勢未停老。去厭逢奇特。事幸無溪雨。鬪龍霆。千家醃菜官鹽淡。四月焙茶烟。火清鹽淡菜酸人。得喫兩年茶事夢。昇平橋頂鋪茅障。暑塵我來三歎坐。通津經幢不辯何朝物。行擔同爲有役人。甘醪易飲真鄉愿。佳墨難求似古愚。猶有溪山門面語。千山虹井在城隅。（文公誕時虹井有光故名）四詩的是皖南道中語。峽束林迴七字好。勢未停三字尤好。投効後送姬人先歸云。生世有百役。居官賤者倫。貧來冒賤事。既賤未免貧。回頭問所得。銖兩亡千鈞。半年一夢了。送汝寧沾巾。鄉邦重田作。時節盤食新。汝歸空庖側。取水酬汝唇。蓬蒿出日月。亦有昏與晨。藥餌大婦狎。書冊諸孫陳。隨宜得將護。有喜無悲嗔。猶勝閉板閣。惻我秋蟲呻。歸歟我未遠。江路方熟蕪。其姬人既歸。語余云。

又點在縣中。日日作詩。到底詩何如。然則板閣二語。固所謂破涕爲笑矣。哭庵近年詩。多冶遊之作。爲人所訾點。然殊有清俊可喜者。買醉津門雪中成詠云。焉知餓死。但高歌。行樂天。其奈我何。名士一文。值錢少。古人五十。蓋棺多。訪戴尋梅意。略同。樓臺寂寞。水晶宮。小車出沒。飛花裏。疑是山陰夜。雪篷雪水。斟來置竹爐。歌姬院裏著狂夫。平生陶穀韓熙載。乞食烹茶畫兩圖。君信日者言。壽不能過五十九。益縱情於舞榭歌場。故有第一首第三首云云。第二首寫雪中坐東洋小車。情景如畫。

近讀次公數詩。全無前此艱澀之態。甚可喜。亟錄之。長至大雪獨酌江亭云。斯亭疑爲雪所閉。璀璨光中。我能至。驅車聊愛避繁喧。玉戲還教入吾袂。作亭者誰遽覲此。招手江郎可能致。翻疑用意薄。蘆漪儻藉饜。風發奇思。西山藏頭正深睡。挂眼却憐雲脚闊。但令含意掠鬢邊。何惜迴光入窗際。老僧今年大解事。煎雪烹茶饋酒餌。濃斟惘惘入枯腸。冷跡荒荒墮孤寄。歸來歸來非夢寐。笳吹

背城亦小異。冰輪試碾月昏黃。入室梅花看嫵媚。同放舅過法源寺看栝。其一
枯矣。遂作歌云。去年但逢淨髮僧。今年忽覩顧甌客。一寺寮居人殆盡。一頗疑
入寺似入廚。便欲過門恣大嚼。長廊齋磬棄不用。白日齏鹽苦相覓。火雲墜瓦
變鬱蒸。此事遂令栝不臘。撐空恍疑菩薩臂。擎露猶訝仙人擘。可能逃世踵庚
桑。却遣同龕笑彌勒。亦有溪山足舒獻。亦有園林足敷席。世兒孟浪百不求。賃
廡荒寮豈長策。獨憐此栝懼羶穢。著糞佛頭恐見厄。孤飛遼鶴去不歸。矯首玉
龍。遂長蟄。豈復粧樓記瓊島。豈復國花話極樂。西來插閣幾丁香。小榭藤花墮
吟鉢。棗東槐西那足數。碩果慈仁振雙鬢。陂塘新柳補秋陰。一翁覃谿題萬柳
堂句云。廉相陂塘新柳色。已公茅屋舊書聲。阮文達嘗約朱野雲布衣。補植柳
株。見關隴輿中偶憶編。一韻事先民最能說。祇今故物百何有。到眼差同朱幻
碧。奚須眞宰護空擎。照影娑婆夜深月。昌黎昔爲芍藥歌。杜陵廟前吟老柏。古
人用意各有取。我今追蹤忘踣躓。百年華屋感山邱。何況銅駝換荆棘。劉郎重

不遺室語詩卷二十六
到莫歎嗟不待種桃今非昔第二首下半稍趁筆

過滬上拔可示寄觚齋湖上別業兼懷仁先侍御一律甚佳云世事年來觚不
觚猶留風雨守菰蒲光黃有客能招隱吳越相望比具區夢裏溪流繞腸胃尊
前湖影浸眉鬚徘徊一壑將安老欲效臨川捨宅無（觚齋青溪有樓辟地以
來不歸者兩年矣）中四語雅切可喜

畏廬近來詩境大進在自然不假做作自都門寄余福州云長安扇暑風市塵
翳尋丈兒女趣園遊偶出意頗強時彥集若蝟戢足禁交往石遺書斗至今我
發遐想明月照流水夜打西湖槳雛柳纔敷陰尺葦若成蕩亭榭固非多受月
頗宏敞脫衣去鞢韉船臥至蕭爽閉目擬蹇態幻境出俯仰如絕詩人福羈客
詎堪仿其二云我昔居瓊河繪春園半蕪種芋拔梅花斫竹闌雞雛丹荔幸無
恙盈盈絳羅襦積渴久思甘天海爲之區石遺獨飽啖口腹誰則如方回非常
奴絕技能烹魚供養萬書堆用此酬勤劬我但食餽飪誰復憐清癯其三云年

來詩力堅脫手難顛撲恣爾所欲語初不患禿屑章句加絺繪輕若被紗縠近
詩和耕煤飄然墊巾角自關功候永無罅足尋目海藏貽近著洒洒富篇幅雜
詩至工妙燈下恣百讀時時見淳蓄道貌日襟肅蕭寥龍州作鬼氣出篁竹白
蓮清夜明足爲阮亭續持以較石遺莫辨絲竹肉同譜獲二妙襟靈冠閩族韓
孟真雲龍拭目看追逐承接轉捩處殊見手腕是以文家畫家法作詩者君尙
有詠史五古十餘首寓意時事極爲工切自謂仿余作法余實不如其隸事之
淵博也抄得當續登之

秋岳有病中寄余絕句云。觥觥一代陳夫子。書局隨身亦自閒。叢竹小池饒管
領。更攜笠屐賞湖山。病客秋城有所思。思陪杖履共談詩。近來瘦到心頭血。欲
乞囊方試一醫。第一首第二句亦自閒。須改不自閒。余總通志局事極忙如列
傳。查檢出處。藝文志加提要。添纂金石志。方言志編通紀。刪併封爵各門。皆自
尋煩惱者。第二首第四句。句法與第二句複擬改。安得尋醫一療之用。詩尋醫

意則瘦到心頭血亦就作詩言不然余非曾飲上池水者安能洞見垣一方乎
門人劉哲廬錦江山陰人美質好學翩翩年少僑寓上海家貧筆耕養母數年
所入有廬一區在成都路亦已難矣近復添構一閣顏曰問字將以為余行窩
余今年息影鄉山未知何日得至也畏廬自都中為繪一著書廬小立軸寄贈
之並題一絕句云萬疊松濤百眼窗二分秋氣逼銀缸那知中有丹鉛手絕代
銷魂劉錦江首二句逼肖上海樓屋哲廬方開設函授學校故有丹鉛手句所
異者畏廬與哲廬初未相見何以知其文而美秀而以前人贈王阮亭之句移
贈之也

宰平送嘿園之廣西云八載滯京邑局束轅下駒宙合浩蕩內守此寧非愚君
有萬里行壯哉七尺軀而我不得去相送徒增吁桂林山叢叢客路多崎嶇歷
險見致遠歸愚得夷途况君富佳句風物堪追摹從來賢達士自有邱壑娛鳳
凰獨飄翔所集與衆殊羞從鷄鶩爭坐為世故驅蹉跎顏休低才力時所須美

酒出深巷。照耀溟海。珠但行。莫惆悵。離合無時。無此詩。頗得贈言之體。

石遺室詩話卷二十七

余前謂詩敘而體似詩話者。有如楊誠齋之敘黃御史集。後細閱誠齋文集。乃知誠齋屢作此體。其頤菴詩集序略曰。昔暴公譖蘇公。蘇公刺之。今觀其無刺之之詞。亦不見刺之之意也。乃曰二人從行。誰爲此禍。使暴公聞之。未嘗指我也。然非我。其誰哉。外不敢怒。而其中媿死矣。三百篇之後。此味絕矣。惟晚唐諸子。差近之。寄邊衣曰。寄到玉關應萬里。戍人猶在玉關西。弔戰場曰。可憐無定河邊骨。猶是春閨夢。裏人折楊柳曰。羌笛何須怨楊柳。春光不度玉門關。三百篇之遺味。黯然猶存也。近世惟半山老人得之云云。又唐李推官披沙集序略曰。晚識李兼孟達于金陵。出唐人詩一編。乃其八世祖推官公披沙集也。如見後。却無語。別來長獨愁。危城三面水。古樹一邊春。月明千嶠雪。灘急五更風。燈殘偏有燄。雪甚却無聲。春雨有五色。洒來花淚成。未醉已知醒。後憶欲開先。爲落時愁。讀之使人發融冶之懽。于荒寒無聊之中。動慘戚之感。於談笑方澤之

石遺室詩話卷二十七
初國風之遺音。江左之異曲。其果絃絕而不可煎膠歟。

詩人往往好爲已甚之言。如少陵云。厚祿故人書斷絕。恆飢稚子色淒涼。官高交廣事忙。疎於通候自有之。或本不數在故人之列。或不往彼亦不嗣音。否亦何至真斷絕。稚子飢或不免。亦何至於恆此幼子飢已卒。杜園說杜所以力辯之也。若郎君官貴施行馬二語。則實有其事出於有因矣。

漁洋於古人好句。巧偷豪奪。必須掠爲己有。而後已。如題虞伯生詩後云。愛詠君詩當招隱。青山一髮是江南。不知虞伯生此句。亦從套來。東坡澄邁驛通潮閣詩云。杳杳天低鶴沒處。青山一髮是中原。此則兩人並驅。未知鹿死誰手者。又伏波將軍廟碑云。南望連山。若有若無。杳杳一髮耳。

竹詩娟秀者多。雄渾者少。丁辛老屋詩有云。秋老風烟瘦。山深節目全。可謂雄渾。又遊右安門外飲王氏園七古亦佳。

石林詩話云。楊大年劉子儀皆喜唐彥謙詩。以其用事精巧。對偶親切。黃魯直

詩體雖不類。然亦不以楊劉爲過。如彥謙題漢高廟云。耳聞明主提三尺。眼見愚民盜一坏。雖是著題。然語皆歇後。一坏事無兩出。或可略土字。如三尺律三尺。喙皆可。何獨劍乎。耳聞明主。眼見愚民。尤不成語。蘇子瞻詩有買牛。但自損三尺。射鼠何勞挽六鈞。亦與此同病。六鈞可去弓字。三尺不可去劍字。此理甚易知也。云云。石林一代通人。而未讀過漢書。殊不可解。漢書高帝紀。吾以布衣提三尺。取天下。尺下並無劍字。史記則有之。史記自有漢書。自無師古注。曰三尺。劍也。下韓安國傳所云。三尺亦同。石林何未之見耶。

竹坡詩話云。林和靖賦梅花詩。有疎影橫斜。水清淺。暗香浮動。月黃昏之語。膾炙天下。殆二百年。東坡晚年在惠州。作梅花詩云。紛紛初疑月掛樹。耿耿獨與參橫昏。此語一出。和靖之氣。遂索然矣。張文潛云。調鼎當年終有實。論花天下更無香。此雖未及東坡高妙。然猶可使和靖作衙官。政和間余見某司業和曾公衮梅詩云。絕豔更無花得似。暗香惟有月相知。亦是奇絕。使醉翁見之。未必

石遺室詩話卷二十七
二一
專賞和靖也云云。此直是全不知詩之言。黃魯直評和靖詩謂雪後園林二語勝於疎影暗香。猶說得去。若月掛樹參橫昏則用典而已。有何工夫。至調鼎云云。更用到陳腐之典俗不可耐。終有實三字。尤呆笨可笑。絕豔二句亦小兒語。所見如此粗淺。看使人齒冷。

古今文人不知凡幾。而真能文者實無幾人。年來承乏通志局。欲求志中各列傳事實載明出處。遂多翻唐宋以來文集。日百十卷。往往卓然大家爲人作墓志銘。神道碑。而始終不載其人籍貫者。有始終不識其人名字者。甚至有突插一人稱其字。稱其號。不知其姓名者。如葉水心作鄭景元墓志。後幅突云。始行之游陳鄭間。後壻鄭氏景元云云。又云。時行之以龍圖閣待制知福州。書來云云。試問此行之姓甚名誰。上文初未提及也。有是理乎。水心爲永嘉文派之卓卓者。而竟若此。

門人江陰章黻雲

廷華

去年出宰吾鄉南安。自免回省。出近詩一小冊。並介其

友謝君治盦

鼎銘

作見示。鹹雲詩清穩。中時多警句。如九溪雜詠云。鳥道羊腸。

外天然。水一方。族居千百戶。犄角十三鄉。地比雄關險。人依土著強。詳稽開始

者。頌白亦迷茫。自序云。地在南安縣西北隅。與同安接壤。層山峻嶺。環以溪。溪

越九曲。而地乃盡周遮。十三鄉地味膏沃。人口約十萬。自昔沈姓雜居於此。民

蠻蠢寡識。不知國家條教。爲何物。官亦鮮有過問者。比年競種鶯粟。屢禁不止。

省長發兵嚴辦。余有地方之責。未忍遽置之法。先家喻而戶曉之。根觸賦。此次

首有云。之無還。未解詎易說。馴良三首有云。官將甌脫視。又云。我來桑孔後。著

手亂如絲。四首云。除暴安良策。盤桓總未成。又云。宵來佳寐少。萬慮集魚更。南

安號稱難治。詩與序多關心民瘼語。與武健嚴酷者迥乎不同。所以自行投効。

去也。近感呈荔盦云。花縣沈沈靜不波。簿書高共筆嵯峨。民因寇退鳴官少。邑

爲兵驕設備多。部勒虎胥難似將。剔除苛政苦於魔。從知瘴雨蠻煙地。未合吾

儕捧檄過。答治盦兼呈荔盦云。我輩羽毛都愛惜。窮途饑餓肯號鳴。夜坐云。插

足方知天下險。息肩才覺一身輕。閒雲傍岫常思出。倦鳥歸林不計程。皆肝膈中真實語。他如過洪文襄故里云。山脈清。雄水脈肥。地靈人傑。七字寫得出。又云。勳名曠世無。儕偶公論人間有。是非夜飲招治盃。晉江竟至喜極結聯云。天涯高會少。今夕要千杯。質語的是唐音。過唐學士韓偓墓云。錦繡才華。薇蕨志干戈。身世海天槎。小園晚眺云。小園春到否。挈僕當呼朋。試綆逢枯井。栽花障薄冰。寒生歸樹鳥。雲護在山僧。驀地鄉愁起。詩來也有稜。游清源山云。將行還踐遊山約。要把清源寫我心。開元寺云。天高塔可捫。謝君詩有性情。與馘雲作殆。相伯仲如贈異。三七古末云。英雄肝膽佛心腸。獄成怕聞響。銀鐙寒衣都是下官棒。囚徒挾纊恩不忘。囚徒樂時心亦樂。掀髯一笑風雨作。哭平湖徐大起云。入冬氣不揚。朔風含餘悽。元卿閉三徑。崦嵫日苦西。審賢歸道山。龍首路徑迷。南皮輟懽晏。敢眎彭殤齊。矧乃車笠交。指天以爲期。向笛忽吹來。發音生淒其。能無肝腸摧。風雨相涕洟。滿紙皆淒風苦雨之聲矣。中間云。曾記辛亥歲。君

語我一言。阿兄蒲柳姿。自知無夙根。期頤遠莫致。瞬將歸邱原。何妨作豪舉。稍紓心煩冤。卜晝兼卜夜。晝舫明春燈。管絃奏噉嘈。淮水沸且騰。世有解事者。定知不我繩。哀樂相承應。有之節奏也。句如泉州道中云。老屋楮於火。叢榕綠到天。海從雲際立。山向樹巔眠。移不到他處。去晉江縣署云。采風時覺壽。張甚折獄還防聽。斷偏是循吏。語清源山題壁云。三台高拱羣峯列。一徑中分萬壑懸。城南公園云。茗語忘春寒。皆可誦。

尙有一詩。不專爲余小池作。而亦繩及小池。不可不爲小池補錄者也。陳子言歲暮讀石遺室詩話奉寄云。松舒夜叉臂。楓蘊陸渾火。奇哉先生詩。妙論至繁夥。低徊太山詠。寂寞秀野坐。有酒可澆愁。當年曾著我。浮雲一飄散。偃蹇各坎珂。冰雪燕寺花。風雨五湖舸。微聞選佛場。色相音聲哥。歲晚忽懷歸。遮夢山堆垛。小池功德水。淨如玉色瑳。醞醞穆說醴。翳翳禪參籥。孤吟賈浪仙。一龕思證果。三月三十日華陰道中作云。河流已束潼關隘。雲影遙遮嶽帝祠。婀娜東風

數株柳華陰道上送春時。淡朴數語却是詩人之詩。

近見劍丞兩詩。酷熱中讀之。頗有涼意。信宿金山下曹氏園。用東坡金山寺涼字韻。答貞長云。東臯盤散月孤涼。分領僧徒下舍香。風露入秋侵坐冽。莎蟲專夜織愁忙。得安短榻依初地。無住疏鐘出上方。獨有沈哀勞夢寐。與君商酌到微茫。三次前韻戲調貞長。栗長伯蓀云。八月西風江上涼。薄棉知暖飯知香。客中一一連牀好。詩後紛紛入睡忙。不覺寺鐘穿屋破。誰看山月下庭方。吾衰未解安心法。夢踏秋橋夜更茫。

長樂施熙。余年家子。悼其亡室林婉儀。有四哀詩。頗足酸臆。窺園哀云。認汝舊遊處。遺跡猶井井。亂花頽欲哀。頑竹立如哽。殘照蒸啼痕。積翠逼晚景。一園有積翠山館。遺襯厝焉。一手攜稚子歸。不見伊人影。當食哀有云。幼子環坐食。食遲誰復詈。休訝人何稀。只當汝未至。此與余今日花開人不見。當他曉睡未粧梳二句。有同意。林氏與余家人常來往。甚雅善也。

復檢得壽若舊贈一詩云。小閣面烏石。新篁依短牆。落成開壽寓。遇閏展春陽。聚散偶形迹。行居皆卷藏。今生各半百。所貴在徜徉。後數句皆安心有得之言。行居五字尤獲我心。

癸丑里居有秋社之集。里中諸子相從爲五七言。旋又北遊。社中人每有見懷之作。龔惕菴云。早及長公門。請業日造席。子由一日至。眉宇輝棟壁。談間視所業。獎誘辭有溢。俄然隔江海。十稔還暫覩。悠悠執鞭意。時日祇勞積。比來更喪亂。歸人萃鄉邑。轉幸得瞻依。廷叩期昕夕。碧栖老好事。結社月再集。弟子學攢眉。先生聊擲鼻。使反而後和。率馬示之的天。不放公閒。因緣促征楫。冬去今已秋。欲從苦無翼。長恐強學志。終已難求益。沈沈廿年事。動足傷心肝。因公泝懷來。非爲詩事惜。見公如見師。何當話疇昔。林大年云。去年秋日題襟處。長記酖顏照酒卮。一路荔陰兼棗樹。月明風細沈公祠。汐社滄桑又一年。迢迢閩海隔幽燕。定知杖履談經暇。回憶鄉關舊月泉。香山教主法門開。主客圖中鑄衆才。

我亦中衢曾問道。神風引去倘吹來。

東人詩多絕句。喜押十一尤韻。河瀨長定。能爲古體。詠竹云。修竹何漪漪。清陰同四時。斐然而成章。君子有令姿。圓通其德量。勁直其操持。小字稱龍孫。綠籜護新肌。長成號凌雲。翠葉鬱參差。賢者此樂志。孝子曾致頤。憂玉風細細。篩金月離離。梅花結清伴。鳳凰療調飢。此君常平安。我心自怡怡。閒來一長嘯。琅玕生涼颺。可以詩中斐然句。移贈之。

中國師範學堂。首開於武昌。延日人戶野周二郎。充教育教員。要余贈詩。次聯云。萬里琴書雙伉儷。一家師範兩先生。其夫人亦教育家。時武昌創設女學堂。幼稚園。充保姆教習也。戶野書此聯爲楹帖。

先室人有哀漸兒一詩。極爲悲痛。向以不忍卒讀。將稿夾在書堆中。致編集時漏收。今補錄如下云。我生不忍殘。一蟻我子乃以飼豺虎。我子於我果何人。三宿空桑聊爾汝。茫茫無天那有道。咎以不仁彼無語。干將莫邪剛必折。弱居六

極。又。無。取。不。剛。不。柔。是。底。物。玉。碎。土。崩。日。旁。午。黃。土。搏。人。偶。兒。戲。調。水。和。泥。滿。
寰。宇。成。例。既。開。遂。莫。禁。土。滿。人。浮。孰。能。禦。大。荒。大。疫。及。水。火。萬。不。去。一。何。足。數。
惟。有。生。人。能。殺。人。以。一。殺。萬。疾。風。雨。此。時。乃。信。弱。者。亡。脆。女。稚。男。膏。野。土。本。無。
魂。魄。又。何。知。萬。里。關。山。夢。亦。阻。解。脫。之。理。甚。足。忍。痛。錄。之。

又。檢。得。絕。句。數。首。皆。有。寓。意。云。任。圜。何。盡。豸。董。龍。何。雞。狗。承。嗣。與。三。思。疥。癬。亦。
何。有。傾。蓋。已。如。故。白。頭。尙。如。新。視。聽。此。耳。目。前。後。寧。兩。人。富。貴。詘。於。人。貧。賤。轉。
肆。志。求。伸。乃。螻。屈。抗。志。匹。夫。事。李。廣。不。後。人。無。功。緣。數。奇。自。念。豈。有。恨。二。者。誰。
敢。知。夫。婦。以。義。合。無。義。則。可。離。孔。光。慎。言。人。此。論。乃。敢。持。荷。鍤。既。須。埋。馬。革。亦。
還。裹。髑。髏。南。面。王。莊。生。誠。知。我。

又。檢。得。一。斷。句。云。香。烟。雨。泡。都。沈。鶩。竹。節。魚。鱗。欲。化。龍。此。二。語。均。有。故。實。似。是。
竹。有。幾。節。魚。有。幾。鱗。云。云。記。不。清。作。者。不。知。何。指。然。機。鋒。隱。約。亦。欲。化。雲。烟。飛。
去。矣。

昨檢亡友劉紹庭遺稿。尙有斷句可采者。如登古吹臺云。荆華西南轉。河汴東北流。雪嶺行聞滇。警作云。天子未將玉斧揮。羣公休上珠崖對。皆穩切。夏日感懷云。晚殮已飽捫腹坐。暝氣四合天蒼茫。遠峯漸匿星斗見。高霄拭幕銀河長。寫無月夜景。逼真。夜泊云。荒灣漲落妨。頽岸高木煙深壓。小邨。

林葵雲解元

傳甲

今之教育家。長於算學輿地學。久客卜奎。喜爲詩。屢寄示余。

有龍江秋興八首。筆勢壯往。其一云。萬柳羣松蔚北林。興安嶺表氣蕭森。龍江秋色來天地。燕塞浮雲變古今。風急九邊思猛士。月明幾處動鄉心。支離飄泊三千里。嘯傲猶爲梁父吟。似集杜。非集杜。亦可謂俯拾卽是不取諸鄰矣。君有龍江近體詩三十八首。題胡氏地圖。妥帖翔實。可作蒙求歌訣讀。詩多未錄。君已自有印本。

近又見晦聞一詩。甚清婉。急錄之。南歸經滬。寄京邸舊游云。繞道江皋計早迂。經行湘曲又旬餘。無多懷抱將銷歇。已換寒溫問起居。聽曲再來當暮雨。題詩。

還寄及春初。遲歸別有沈綿意。難爲臨風。一一書讀第三句。使我慨歎無己。人之有懷抱者。本已無多。而富有懷抱者。更少。至懷抱無多。則一經頓挫。遂爾銷歇矣。胥天下無懷抱之人。安能忍而與終古哉。

林天遺蒼。有獨坐。煖春園。夜向半矣。命車出湖上。遇還爽。太古湖亭。看月出。詩云。獨遊興味。易闌珊。道左忻逢素所歡。夜半西湖。如我醒。月中清景。當詩看歸人。欲盡心。逾爽。寂處相容。地尙寬。生受涼風。無一頃車塵。明日又漫漫。天遺最工詩。鐘長於爲寒瘦之句。近亦常作古近體。此首則闖入宋人藩籬。喜而錄之。舊和乙菴山居圖詩。四疊韻。失其一首。昨忽檢得。亦不自憶是底言矣。但覺次韻尙妥。姑錄之。云。三炎昔方燿。四隩乃分宅。有肌公孫垂。有眼波斯碧。良禽各自命。總總枳句覓。蠶叢猿狖峽。魚鼈鼉窟窟。九江步故智。遂楮嘉魚壁。降表雖屢修。何嘗果。屈膝襄陽與合肥。重鎮空自昔。蹶然投袂起。霍若失故疾。輕裘爾何事。遽博龜頭石。帛鬚大領輦。糟粕填胸膈。童童札樸下。期期五丁迹。建業水。

石道室詩話卷二十七
七
斯飲武昌魚。既食冠玉善捐金。此輩真陽翟。安樂復歸命。把臂共茲席。出亡法自弊。詢謀情終隔。公等其休矣。安用逐諸客。

丁未攜家由京漢鐵道入都。半夜過武勝關。黑無所見。己酉臘月。復攜家過之。則在日中。刻意欲作一詩不成。只得兩句云。向北諸峯皆積雪。出關一道是中

原。

由武昌入都時。廣雅督部囑有詩寄閱。甚賞滎澤渡河一律。余不自愜意。續刻詩集時刪去。惟前四句云。春水桃花浪未生。滎波如掌御風行。中州忽盡荆河界。歷塊猶存鄭衛名。尙有氣勢。以下則祖詠所謂意盡。可以藏拙矣。

前數年和劉景屏運使覃韻詩云。士人不挈兼不擔。地肥坐食有如蠶。吾鄉劉晏投袂起。欲振財賦雄天南。平生經營不稱意。三戰三北鬢毛毳。計然之學吾所講。舊臘日夕來深談。牢盆禹筭惡棄地。管篇桓論君常探。盈科漸進供挹注。子布乞食能無慚。錢流地上非妄語。山海官府原潭潭。鄂中廢墜昔稍舉。七策

未及行。二三天龍地馬。不利用王面。充斥將何堪。司農知人租稅理。但願樂歲人聲含。有田且歸游倦矣。方生春水濃。拖藍濡魚趨獸讓。健者種秫釀酒杯。猶貪此作嫌。上半句用四字排偶太多。故未刻集中。而後數韻又有可存者。子布乞食。謂革命後財政不理。惟屢求助於華僑。三堪韻。謂籌辦貨幣事。至無田不歸爲詩人習慣藉口。語余常闕之。

敷菴近將其年來所作寄正於伯嚴。伯嚴評點還之。復以示余。使重加評語。敷菴專學后山山谷。余於其詩屢有評騭矣。此卷伯嚴少密圈而多密點。余意欲改密點者皆爲密圈。如會祭陳后山集法源寺云。心香一瓣屬彭城。行集朝朝徹案橫。每惜盡情寒到暝。祇今懷往事。如生人窮未必詩能累。官小何因晚始成。尙有餓夫謝文節。隔隣吾欲薦蔬羹。二聯四聯皆可密圈。能累欲易作爲累。何因欲易作還教。丙辰三月三日。壩河修禊。賦呈弢老。暨同遊諸子云。清明上巳併茲辰。百歲能經見幾春。近郭祇應桃李笑。勝遊寧必管絃陳。栖枝燕忘危。

巢覆。戀水鳧依野艇馴。暫把一尊收節物。莫嘲吾輩強吟呻。此遊余不與。適以
此日挈眷南下也。聞同遊者皆有詩。而惟見此一首。故亟錄之。諸同遊中。揆東
最喜觀劇。敷菴絕無此嗜好。故第四句的是敷菴之言。非泛用蘭亭序意也。
近人爲詩。競喜學北宋。學劍南者少。余舊曾提唱香山劍南論詩送觀俞。有云
樂天善閒適。柳子工嗟歎。奇兵雙井出。短劍渭南鍛者也。顧應之者少。去年夏
日。與揆東同遊社稷壇。夜倚石橋。談放翁七言近體工妙。閱肆可稱觀止。古詩
亦有極工者。蓋蒼萃衆長以爲長也。揆東極以爲然。並云近方肆力讀劍南全
詩。欲抄錄千百首。隨意評點。自備翻閱。今年冬月。忽以劍南詩選十大冊抵余。
請爲之序。翻之。則胥鈔學揆東書法。作北魏體。終始一律。朱圈細整。如眞珠如
珊瑚。書眉評語。則親筆小行草。茲采其圈點評騭。確當者如下。

寄酬曾學士學宛陵先生體。比得書云。所寓廣教僧舍。有陸子泉。每對之輒奉
懷云。庭中下乾鵲。門外傳遠書。小印紅屈蟠。兩端黃蠟塗。開絨展矮紙。滑細疑

卵膚首言勞。良苦後問逮。妻孥中間勉。以仕語意極。勤渠字如老。瘠竹墨淡行。
疎疎詩如古。鼎篆可愛不可摹。快讀醒人意。垢癢逢爬梳。細讀味益長。炙轂出
膏腴。行吟坐臥看廢食。至日晡想見落筆時。萬象聽指呼。亦知題詩處。綠井石
髮麤。公閑計有客煎茶。置風爐。倘公無客時。濯纓亦足娛。井名本季疵。思人理
豈無。居然及賤子。媿謝恩殊幾。時得從公舊。學鋤荒蕪。古文講聲形。誤字辨
魯魚。時時酌井泉。露芽奉瓢盂。不知公許否。因風報何如。評云。放翁自壯至老。
服膺宛陵集中。凡五六效其體。心折極矣。放翁詩鮮新俊妙。闊大閒曠無美不
備。而其精深處。乃自宛陵得來。世之論放翁者。尠道其學宛陵甚矣。真能讀放
翁詩者。之不易造也。僕謂放翁詩固無所不學。而此首實規撫宛陵。
霽夜觀月云。雲重真愁無散時。可憐不奈一風吹。清輝如此那休得。誰誤虛空
作許癡。評云。此詩亦著意學宛陵者。

聞武均州報已復西京云。白髮將軍亦壯哉。西京昨夜捷書來。胡兒敢作千年

計天意寧知一日回。列聖仁恩深。雨露中興赦。令疾風雷懸。知寒食朝陵使。驛路梨花處處開。評云神似少陵聞官軍收河南河北之作。

過林黃中食柑子有感。學宛陵先生體云。博士得黃柑甚愛。不忍擘。持獻太夫人。遠附海上舶。故山饒氛霧。可使酒盃窄。豈無荔枝好。饜飫恐不摘。相去三千里。無異娛旁側。乃知母子意。更遠未嘗隔。我昨往見君。從容弄書冊。藥分臘劑香。茶泛春芽白。主意顧未厭。筐筥自搜索。敢謂甘旨餘。亦及此。下客霜包纔。三四氣可壓。千百重。是慈孝物。不敢吐其核。甘寒雖遠齒。悲感已橫臆。半生無歡娛。初不爲溼阮。評云得宛陵之深。到而自饒寬博之致。

馬上云。燈前薄飮。陳鹽齏帶睡。強出行江隄。五更落月移。樹影十月清霜侵。馬蹄荒陂噫噫已度雁。小市喔喔初鳴雞。可憐萬里覓歸夢。未到故山先自迷。評云寫曉行逼真。合眼遇之。

蟠龍瀑布云。遠望紛珠纓。近觀轉雷霆。人言水出奇。意使行人驚人驚。我何得。

定非水之情。水亦有何情。因物以賦形。處高勢趨下。豈樂與石爭。退之亦隘人。
強言不平鳴。古來賢達士。初亦願躬耕。意氣或感激。邂逅成功名。評云極似宛
陵析理洞情。文能見道。

題梁山軍瑞豐亭云。我行都梁窘風雪。史君喜事能留客。瑞豐亭上一尊酒。渺
渺郊原水初白。峽中地褊常苦貧。政令愈簡民愈淳。本來無事只畏擾。擾者才
吏非庸人。都梁之民獨無苦。須晴得晴雨得雨。史君心愛稼如雲。時上斯亭按
歌舞。歌闌舞罷史君醉。父老羅拜豐年賜。聖朝尙實抑虛文。縱產芝房非上瑞。
評云通首卷舒自如。神完氣足。大似坡老。

岳池農家云。春深農家耕未足。原頭叱叱兩黃犢。泥融無塊水初渾。雨細有痕
秧正綠。綠秧分時風日美。時平未有差科起。買花西舍喜成婚。持酒東隣賀生
子。誰言農家不入時。小姑畫得城中眉。一雙素手無人識。空村相喚看鑠絲。農
家農家樂復樂。不比市朝爭奪惡。宦遊所得真幾何。我已三年廢東作。評小姑

句云雋鍊。

和高子長參議道中二絕云。豐年食少厭兒啼。覓得微官落五谿。大似無家老禪衲。打包還度棧雲西。評云極清亮。

送劉戒之東歸云。去國三年恨未平。東城況復送君行。難憑魂夢尋言笑。空向除書見姓名。殘日半竿斜谷路。西風萬里玉關情。蘭臺粉署朝回晚。肯記麤官數寄聲。評云全首能不脫送別。亦合分際。

南沮水道中云。磴舍臨湍瀨。瘦船聚小潭。山形寒漸瘦。雪意暮方酣。久客情懷惡。頻來道路諳。家山空悵望。無夢到江南。評第三句云。用字極精。五六兩句意已極足。再著家山二句。徒詞費耳。僕不以此評爲然。五六句平常。末兩句謂家山終是空望。連夢也不必到矣。宋徽宗詞云。無據和夢也。新來不做放翁。似套其意。

長木晚興云。沮水嶓山名古今。聊將行役當發臨。斷橋煙雨梅花瘦。絕磴風霜

榭葉深末路清愁常袞袞殘冬急景易駸駸故巢東望知何處空羨歸鴉解滿林評三四句云最傳之句僕謂第二句眼前語說得動情首句豪壯

劍門道中遇微雨云衣上征塵雜酒痕遠遊無處不消魂此身合是詩人未細雨騎驢入劍門評云劍南七絕宋人中最占上峯此首又其最上峯者直摩唐賢之壘僕謂以細雨騎驢劍門博得詩人名號亦太可憐况尙未知其是否乎結習累人至此然此詩若自嘲實自喜也

羅江驛翠望亭讀宋景文公詩云撲馬征塵拂不開高亭欹帽一徘徊蜀山地曠稀逢雪閩歲春遲未見梅陂水近人無鷺下烟林藏寺有鐘來宋公出牧曾題壁錦段雖殘試剪裁評云鮮新雅健亦極自然此種律句惟放翁最擅長矣僕謂五句從山谷近人積水無鷗鷺句來六句從摩詰不知香積寺四句來閩歲句反用江春入舊年意然自鍛成放翁之詩也

游漢州西湖云房公一跌叢衆毀八年漢州爲刺史遠城鑿湖一百頃鳥嶼曲

折三四里。小菴靜院。穿竹入危榭。飛樓壓城起。空濛煙雨媚。松楠顛倒。風霜老
葭葦。日月苦長身。苦閒萬事不理。看湖水向來愛琴。雖一癖觀過自足。知夫子
畫船載酒。凌湖光想公樂飲。千萬場歎息風流。今未泯。兩川名醞避鵝黃。評中
數韻云。矯健挺拔。字字生鐵鑄成。直入浣花之室。收稍弱。僕謂收處不可謂弱。
凡七言古通體不轉韻。未二句。四句。六句。忽用轉韻者。每用律句收煞。山谷多
有之。至此篇後半。本無深意。特借一琴一酒作伴。結束懷古之情而已。
夏日湖上云。烏帽筇枝散客愁。不妨胥史雜沙鷗。迎風枕簟平欺暑。近水簾櫳
探借秋。茶竈遠從林下見。釣筒常向月中收。江湖四十餘年夢。豈信人間有蜀
州。評云。前半酷似半山。凝鍊雋宕。僕憶似一本作預借秋。記不真不敢斷。但作
預固淺。作探對不過平。

同何元立賞荷花。追懷鏡湖舊游云。少狂欺酒氣吐虹。一笑未了千觴空。涼堂
下。簾人似玉。月色泠泠透湘竹。三更畫船穿藕花。花爲四壁船爲家。不須更踏

花底藕。但嗅花香。已無酒。花深不見畫船行。天風空吹白紵聲。雙槳歸來弄湖水。往往湖邊人已起。卽今憔悴不堪論。賴有何郎共此尊。紅綠疎疎君勿歎。漢嘉去歲無荷看。評云。清折明麗。以太白之雋。兼飛卿之縵。可謂佳絕。

怡齋云。東湖仲夏。草樹荒屋。古無人亭。午涼萱房。微呀不見日。筍籜自解時。吹香野藤。蟠屈入窗罅。溼菌扶疎生。屋梁跨溝數椽。最幽翳。漲水及楹。雨敗牆靜。涵青蘋。舞藻荇。閒立白鷺浮。鴛鴦芙蓉。雖瘦亦瀾漫。照眼翠蓋遮。紅粧水紋珍。簞欲卷。却團團。素扇嬾復將。天風忽送塔鈴語。喚覺清夢遊瀟湘。評云。多用對偶。益覺濃厚。

初到榮州云。乳山缺處。城樓呀。雙旗蕭蕭晚。吹笳煙深綠。桂臨絕壑。霜落殘瀨。鳴寒沙廢臺。已無隱士嘯。遺宅上有高人家。鈴齋下榻約僧話。松陰枕石放吏衙。盃羹最珍。慈竹筍餅水。自養山薑花。地爐堆獸熾。石炭瓦鼎號。蚓煎秋茶。少年遠遊無百里。一飢能使行天涯。豈惟慣見蓬婆雪。直恐遂泛星河槎。故巢肯

作兒女戀異境。會向鄉閭誇一盃。徑醉幘自墮。燈下髮影看鬢髻。評云。對句到底亦瘦勁。亦沈厚。僕謂少年遠遊以下。正沈厚處。所謂力透紙背也。特爲加密圈。

花時遍游諸家園云。看花南陌復東阡。曉露初乾日正妍。走馬碧雞坊裏去。市人喚作海棠顛。爲愛名花抵死狂。只愁風日損紅芳。綠章夜奏通明殿。乞借春陰護海棠。花陰掃地置清尊。爛醉歸時夜已分。欲睡未成欲倦枕。輪困帳底見紅雲。枝上猩猩血未晞。尊前紅袖醉成圍。應須直到三更看。畫燭如椽爲發輝。重萼丹砂品最高。可憐寂寞棄蓬蒿。會當車載金錢去。買取春歸亦足豪。絲絲紅萼弄春柔。不似疎梅只慣愁。常恐夜寒花索寞。錦茵銀燭按涼州。評云。此十絕句皆清麗高響。僕謂最勝者此六首。今錄之。

書懷云。武擔山上望京都。誰記黃公舊酒壚。宿負本宜輸左校。寬恩猶聽補東隅。一官漫浪行將老。萬卷縱橫只自愚。甫里松陵在何許。古人投効爲萼鱸。評

云豪宕流逸。集中最勝境也。

六月十四日宿東林寺云。看盡江湖千萬峯。不嫌雲夢芥吾胸。戲招西塞山前月。來聽東林寺裏鐘。遠客豈知今再到。老僧能記昔相逢。虛窗熟睡誰驚覺。野碓無人夜自舂。評云。一氣卷舒。却能凝鍊。穩重。宋人惟半山最擅勝場。僕謂此放翁之極似東坡者。其所以能成大家在此。

兩夜偶書云。高臥空堂風雨來。更闌頻看燭花摧。新涼蕭爽秋期近。多病侵尋老境催。萬事極知終變滅。一官那得久低回。牀頭幸有楞伽在。更炷爐香手自開。評云。高朗。

橋南納涼云。曳杖來追柳外涼。畫橋南畔倚胡牀。月明船笛參差起。風定池蓮自在香。半落星河知夜久。無窮草樹覺城荒。碧筒莫惜頽然醉。人事還隨日出忙。評云。變換酣足。放翁七律之最者。

婺州州宅極目亭云。尚書曳履上星辰。小爲東陽作主人。朱閣凌空雲縹緲。青

山繞郭。玉嶙峋。似聞旋教新歌舞。且慰重臨舊吏民。莫倚闌干西北角。卽今河洛尙胡塵。評云。沈重又極慷慨。惟老杜有之。

老去云。老去時。時病春來日日陰。文書有期會。山水負登臨。倦客風埃眼。孤臣狗馬心。餘寒欺短褐。莫惜酒盃深。評云。學杜而得其神似。

大雨踰旬。既止復作。江遂大漲云。一春少雨。憂旱嘆。熟睡。湫潭坐。龍嬾以勤。嬾。嬾護其短。水浸城門。渠不管。傳聞霖潦千里遠。榜舟發粟敢不勉。空村避水無雞犬。茆舍夜深螢火滿。評云。沈著似杜。放翁集中最用力者。

桐廬縣泛舟東歸云。桐江艇子去乘月。笠澤老翁歸放慵。一尺輪囷霜蟹美。十分澹灩社醅濃。宦遊何啻路九折。歸臥恨無山萬重。醉裏試吹蒼玉笛。爲君中夜舞魚龍。評云。意換句靈。放翁最完滿之作。僕謂中四句乃放翁學蘇處。

夏日云。病退身初健。時清吏更休。渴蜂窺硯水。慵燕息簾鉤。碁局每坐隱。屏山時臥游。眞成愛長日。未用憶新秋。評云。著意學少陵。

雨後露坐小酌云。閉門誰與樂頽年。旋掃桐陰近酒邊。病久一春稀見蝶。雨多六月始聞蟬。官倉求飽真聊爾。山野懷歸每惘然。從此讀書仍復嬾。惟留白眼望青天。評云。清雋。

漁浦云。桐廬處處是新詩。漁浦江山天下稀。安得移家常住此。隨潮入縣伴潮歸。評云。結語雋。

大雪歌云。若耶溪頭朝莫雪。鴉鵲墮死長松折。橫飛忽已平。屐齒亂點似欲粧。簾纈放翁憑閣喜。欲顛摩挲拄杖向渠說。莫辭從我上嵯峨。此景與子同清絕。銀盃拌蜜非老事。石鼎煎茶且時啜。題詩但覺退筆鋒。把酒未易生耳熱。扶衰忍冷君勿笑。報國寸心堅似鐵。漁陽上谷要一行。馬蹄蹴踏河冰裂。評云。頗似坡老。

九月三日泛舟湖中作云。兒童隨笑放翁狂。又向湖邊上野航。魚市人家滿斜日。菊花天氣近新霜。重重紅樹秋山晚。獵獵青帘社酒香。隣曲莫辭同一醉。十

年客裏過重陽。評第二聯云。高宕自然。

督下麥雨中夜歸云。細雨闌村墟。青烟溼廬舍。兩兩犢並行。陣陣鴉續下。紅稠水際蓼。黃落屋邊柘。力作不知勞。歸路忽已夜。犬吠闔籬隙。燈光出門罅。豈惟露沾衣。乃有泥沒胯。誰憐甫里翁。白頭學耕稼。未言得一飽。此段已可畫。評云。真景描得出。

蔬圃云。山翁老學圃。自笑一何愚。磽瘠財三畝。勤劬賴兩奴。正方畦畫局。微潤土融酥。翦闌荆榛盡。鉏犂磊塊無。過溝橫略約。聚甃起浮屠。隙地成瓜援。餘功及芋區。如絲細生菜。似鴨爛蒸壺。此事今真辦。東歸不爲鱸。評云。真朴。

幽居書事云。莫歎人間若不諧。清時有味是歸來。已因積毀成高臥。更借陽狂護散才。正欲清言聞客至。偶思小飲報花開。紛紛爭奪成何事。白骨生苔但可哀。評云。清雋絕倫。

雜興云。漲水入我廬。萍葉黏半扉。日出水返壑。念汝何由歸。評云。深雋。

雜興云。萬物各有時。蟋蟀以秋鳴。我老自少眠。那得憎此聲。評云。見道語。

寄題朱元晦武夷精舍云。身閒剩覺溪山好。心靜尤知日月長。天下蒼生未蘇息。憂公遂與世相忘。評云。贈遺極得本人身分。如此詩真不苟作也。

狂歌云。少年雖狂猶有限。遇酒時能傲憂患。卽今狂處不待酒。混混長歌老巖澗。拂衣卽與世俗辭。掉頭不受朋友諫。挂帆直欲截烟海。策馬猶堪度雲棧。枵然癡腹肯貯愁。天遣作盜盛藜藿。髮垂不櫛性所便。衣垢忘濯心已慣。眼前故人死。欲無此生行矣。風雨散差爲塵土。伏轅駒寧作江湖斷行雁。評云。作盜句趣語。僕謂寫得至無聊。正其至倔強處。此亦學宛陵者。

書生歎云。君不見城中小兒計。不疎賣漿賣餅活。有餘夜歸無事喚儔侶。醉倒往往眠街衢。又不見隴頭男子手把鋤。丁字不識稱農夫。筋力雖勞憂患少。春秋社飲常歡娛。可憐秀才最誤計。一生衣食囊中書。聲名纔出衆毀集。中道不復能他圖。抱書飽死在空谷。人雖可罪汝亦愚。嗚呼人雖可罪汝亦愚。曼倩豈

卽賢侏儒評云。古今同歎。僕謂中道句。真正書歎。

感憤云。今皇神武是周宣。誰賦南征北伐篇。一家天曆數兩河。百郡宋山川。諸公尙守和親策。志士虛捐少壯年。京洛雪消春又動。永昌陵上草芊芊。評云。次聯雄闊似盛唐。收能提開。僕記陳同甫次東坡念奴嬌赤壁懷古雄姿英發韻云。吾皇神武。踵曾孫周發。與此首首聯極相似。

幽居感懷云。偶傍楓林結數椽。東歸也復度流年。汀洲雁下依殘水。墟里人行破夕煙。十月風霜欺客枕。五更鼓角滿江天。散關清渭應如昨。回首功名一愴然。評云。俊逸自賞。

甲辰仲秋無月。十七夜獨噉然達旦云。老覺人間無一欣。窮閭掃軌謝紛紛。已憑白露洗明月。更遣清風收亂雲。棲鶴揀枝寒未穩。斷鴻呼伴遠猶聞。病羸慵踏梧桐影。倚柱長吟夜向分。評云。樸老清新。逼真浣花。格律尤爲嚴整。

病中云。風雨暗江天。幽窗起復眠。忍窮安晚境。留病壓災年。客助修琴料。僧分

買藥錢。餘生均逆旅。未死且陶然。評次聯云。字字千錘百鍊。却極自然。
步虛去。曩者過洛陽。宮闕侵雲起。今者過洛陽。蕭然但荒壘。銅駝臥深棘。使我
惻愴多。可憐陌上人。亦復笑且歌。世事茫茫幾成壞。萬人看花身獨在。北邙秋
風吹野蒿。古冢漸平新冢高。評云。所感獨深。右數十首。可爲欲讀陸詩者。一小
餉遺。所選尙多。不能盡錄矣。

石遺室詩話卷二十八

說文之學。至有清而攻之者衆。至唐本。北宋本。續發續見。講許學者。又添出故事矣。苗先路變讀段氏說文解字注。心部慝字下。知徐楚金繫傳。姑蘇顧氏黃氏。各有影鈔。北宋足本。假觀之願。形諸詠歎。有詩云。生平私淑心。亭林多纂輯。韻學接孔周。(自注。洪洞李子德語也。)亭林得唐韻舊本。於雁門。關淮安張力臣校寫。潁川陳上季刻之。序引李處士謂亭林韻學。直接周孔。(一語亮能執世無揚子雲。鬼笑倉頡泣。天未喪斯文。)洵長秦灰拾。南唐徐楚金繫傳成四十汪刻。落葉多。破碎不完葺。(自注。每部少字。每字少說解者。不計其數。)段茂堂謂姑蘇顧氏黃氏。有影鈔。北宋足本。(一影宋聞顧黃藏之等什襲。何當一借來。)萬拜與千揖。補天同媧皇。動地笑驚蟄。九泉誰修文。此舉登幾級。神爽秋毫顛。主賓闐風立。祁文端次韻云。洵長說六書。古文賴哀輯。亭林纂五書。音學允能執。俗儒鄉壁造。汗簡吞聲泣。古音與今韻。錯愕難收拾。休文變古音。得一遺其

十平水變唐韻部分不可葺審音以定韻顧氏豈勦襲君守小徐傳上追復下
捐抗聲段金壇王高郵間如雷啓冬蟄善本吾亦慕升階必由級會當求雙璧
幸勿嗟孤立苗詩少佳處九泉以下數語頗費解祚作中數韻言古今音韻錯
悟之弊至當不易亭林已改吳才老部分段氏又改顧氏為十七部殊不可從
蟄韻殆亦不以段氏為然也錄苗詩志其緣起耳

文端又有次韻贈王萊友孝廉筠云析疑為我證羣書咀嚼菁華棄土苴夢覺
雲雷動科斗笑看楊柳貫魴魚（自注君頃與何子貞為余撰祁大夫字黃羊
說又與張石洲釋毓季子白盤銘見示）通經合稱無雙品載筆空慙第七車
但許從君問奇字雄文奚必慕相如此皆當時學人賞析之雅見之於詩者葺
友湛深許學幾冠有清一代苗其亞也

說文故事之見於詩者莫如莫子偃先生友芝之得唐寫本木部殘帙一時題
詠恍然莫有湘鄉相公命刊唐寫本說文殘帙箋異且許為題詩歌以呈謝云

黜侯贈我唐人寫本書。乃是許君說文之斷帙。中唐妙墨無雙經。動色傳看叫
神物。本朝樸學一叔重。六籍盡起基乾隆。錯牋鉉疏競拾補。勤矣區區諸老翁。
唯唐明字科。課試必先通。一代義疏家。取攜若殞饗。少溫謬悠在斥廢。說之碎
綴還網籠。爾時此本若到眼。定詔鴻都捐蔡邕。汴京祕藏盡六紙。紙縫增銜紹
興璽。自從寶慶落人間。幾閱劫灰換朝市。百八十篆歸尙完。界宅分曹爛仍理。
顛預只作書畫傳。千載何人究端委。邵亭嬾頽藥不悛。奇文入手如笞鞭。鐙昏
力疾草箋記。整亂鉤沈坐無寐。湘鄉相公治經如治兵。號令罷茶齟齬皆晴嶭。
莫府軍間結習在。刊徐左許時鏗鏗。謂余此卷雖晚出。試數四部官私誰第一。
元鈔宋刻總奴隸。爲子性命耽書報。良值子箋好成爲子歌。中有大義數十不
可磨。卽呼鐫木印萬本。把似海內學者豈在多。感公盛意惜晚莫。悠悠志業餘
兩幡。無聞守此當如何。湘鄉詩云。插架森森多於筍。世上何曾見唐本。莫君所
得殊瓌奇。傳寫云。自元和時。問君此卷有何珍。流傳顯晦經幾人。君言是物少

微識殘牋黯黯不能神。豪家但知貴錦裘。陋巷誰復憐綦巾。黟縣令君持贈我。始吐光怪干星辰。許書劣存二百字。古鏡一掃千年塵。篆文已與流俗殊。解說尤令耳目新。乾嘉老儒耽蒼雅。東南巖段并絕倫。就中一字百搜討。詰難蠱起何斷斷。暗與此本相符契。古轍正合今時輪。乃知二徐尙鹵莽。詒誤幾輩徒因循。我聞此言神一快。有如枯柳揩馬疥。我昔趨朝陪庶尹。頗究六書醫頑蠢。四海干戈驅迫忙。十年髀肉銷磨盡。卻思南閣老祭酒。舊學於我復何有。安得普天淨機槍。歸去閉戶注。凡將莫又有湘鄉爵相惠題唐寫本說文卷子。次韻奉答云。禮薦菁茅芹箔筍。一箔用忘音。一貌羸羽鱗。含樂本野蟲。毛菜豈自奇。現琢乃登朝。祭時世間何物有定珍。升沈顯晦聽中人。李唐破卷洩長字。斷零黯黹失精神。湘鄉相公見咤絕。尤物不許巾箱巾。刊傳學人重題詠。千載一遇驚昌辰。相公昨日平江南。荆揚薄海靖煙塵。定推此意向幽側。拂拭頓使周行新。中興求闕及此補。相業武功同絕倫。凡將說注豈公事。要勵賤子加勤斷。賤子

卅年坐坦率。不信今與非古輪。表書常覬著作式。一江式一試吏竟忘陽羨循。
一賀循一。把公大句發雄快。如飲天漿豁心疥。坐思巢經鄭小尹。安得西來奪苗
蠢。公命致書招鄭子尹。提倉酌雅佐軍饒。懷抱鏗訇向公盡。從公且及飲至
酒。小技雕蟲愧無有。剗山紀績護儲槍。引筆猶堪韋仲將。其始未詳先生所著
箋。異引中云。同治改元初夏。舍弟祥芝。自祁門來安慶。言黟縣宰張廉臣。有唐
人寫說文解字木部之半。篆體似美原神泉詩碑。楷書似唐寫佛經小銘。誌。栝
栢諱闕。而柳印不省。例以開成石經不避當王之昂。蓋在穆宗後人書矣。紙堅
緊逾宋藏經。蓋所謂硬黃者。在皖見前代名蹟近百。直無以右之。余則以謂果
李唐手蹟。雖斷簡決資訂勘。不爭字畫工拙。特慮珍弁靳遠假。命其還必錄副
以來。廉臣見祥芝分豪摹似。蒼猝不得就。慨然歸我。明年正月將至。檢對一二。
劇詫精奇。莫春寒雨。泱旬不出門戶。乃取大小徐本。通讐異同。其足補正。夥至
數十事。前輩見戴侗。引鼂記。唐本許書。雖刺謬。猶貴重。近人獲蜀石經殘拓寶。

過宋槩元鈔矧此千歲祕笈絕無副迤徑須冠海內經籍傳本何僅僅壓皖中名蹟也廉臣名仁法陝西山陽進士權黜未一年撫綏凋黎守死禦軼寇威惠最皖南北貧瘁卒官黜人言之零涕珍貽僅在摩挲黯然其授受久近末從質詰裝池草拙絕非彊有力盛交游人賞真挾異寂焉未顯校成亟思流傳與海內學者共庶以不孤循吏之惠立夏日引此外作跋者有儀徵劉毓崧南匯張文虎皆攷證詳覈先生箋異既成尙有遺義命令子彝孫述於卷末云

文虎字孟彪又字嘯山有舒藝室詩存七卷詩平平少味惟失子二十首質樸不俚餘有攷據者多可采四卷以後漸工

鄭莫並稱而子偲學人之詩長於考證與子尹有迥不相同者如蘆酒詩後記一二千言遵亂紀事廿餘首哭杜杏東亦有記千百言附後皆有注可稱詩史

祁春圃相國有題縵劬亭集詩及自題縵劬亭圖詩并序已見前第十一卷證據精確比例切當所謂學人之詩也而詩中帶著寫景言情則又詩人之詩矣

有次韻樹齋夏夜步月越王山麓云。江路微茫見遠郊。山城睥睨俯危巢。萬家得月樓臺出一徑。連雲草木包坐客。胡牀聊與共參軍。蠻語漸能教何人。爲寫仙屏句。記取森森碧玉梢。蓋寫景之工者。與柳州城上高樓一律。有不似之似處。第二聯尤寫得出。

溫州玉環戴女士禮字聖儀。受業於余者十年。而初未見面。績學能文。著有戴禮集注十三卷。清列女傳七卷。以外女小學雜文之類尙夥。惜故見自封不知公天下之理。拘於白虎通三綱之舊說。而不知其非聖人之言。年三十尙未適人。值前清革命。遂自命亡國遺民。必欲得一舊官僚而不事民國者。而後嫁之。於是誤適非人。終爲所棄。亦大可憫矣。事詳余文集中。禮所著女小學。早上學部。清列女傳。早上國史館。皆章棫代呈。大戴禮注已行世。爲詩頗長。集句但仍多舊思想耳。如集元遺山句。題吳蓮溪太史述懷集唐詩後。七律六首。云天門筆勢到閑閑。詩在巖姿隱顯間。白帽枉教淹晚節。深居那得似禪關。燕雲義

俠風流遠。相國文章玉筍班。集有陸太保題辭。後日山陽養衰疾。繫舟山是讀書山。吳籍山陽。今尚寓京未歸。書林頭白坐吟呻。元是中朝第一人。文字誰如祭征虜。伏膺先就楚靈均。黃圖赤縣風流在。酒榼書囊浩蕩春。卻恐聲光埋不得。今年天壤姓名新。一師擬刊其詩。正始風流一百年。題詩端爲發幽妍。半生與世未嘗合一讀丹華似有緣。世外華胥誰復夢。竹溪衣鉢有真傳。玉堂人物今安在。落日孤雲望眼穿。紙尾題詩一慨然。素風纔到此公傳。風流肯落正始後。詩印高提教外禪。庾老未應妨嘯詠。莊周陰助想當然。知君不假科名重。下筆須論二百年。元祐諸人次第來。醉吟應在釣魚臺。尋芳自分無閑日。信口成篇底用才。楚客登臨動歸興。淵明此意亦悠哉。亭中賸有題詩客。梁父吟成白髮催。一回拈出一回新。難狀靈臺下筆親。日月難淹京國久。書生只合在家貧。雞豚鄉社相勞苦。淞社諸公恆縱酒。賦詩相慰藉。王後盧前盡故人。天上近來詩價重。巖姿洲景盡天真。又五律二首云。偃鬼跳梁久。優伶伎畢陳。

膏梁無急變。巧僞失天真。天地憐飄泊。山林有外臣。殷勤詩卷在。同詠舞雩春。
几案滿書史。長吟有所思。跼中無曠迹。意外脫艱危。摧割詩寧寫。猶爲談者資。
相招有仙掌。到日更題詩。

又蓮溪先生集唐句四首見贈。賦此酬之。集王漁洋句云。麥穎風爐手自烹。一
枝筇杖萬緣輕。玉峯學士數相見。紅杏尙書枉擅名。何日高樓尋紫閣。未能采
藥入青城。定知妙不關文字。六代淫哇總廢聲。水部風流似鄭虔。亂書堆裏日
高眠。何山往事思求點。弘治文流競比肩。誰嗣篋中冰雪句。分題都在浣花牋。
詩名流播雞林遠。遠道風花蜀國絃。

玫伯師屬題後凋草堂集漁洋句云。青蓮才筆九州橫。與世聳牙古性情。花底
自成金葉格。踏歌終怨石頭城。直從州里尋真隱。且傍浮丘畢此生。抗跡何妨
五湖長。杖藜隨處有泉聲。回首觚稜別紫宸。青鱸紫鱖正時新。深憐謝客吟詩
好。莫訝王郎斫地頻。辟穀真從赤松隱。行吟休擬楚靈均。杜陵乍喜歸三徑。不

逐唐羌驛路塵。國破憐哀郢。淒涼古佛前。還登江上祠。卜築蔣山邊。泥飲從田
父。巖居傍善泉。卷書卽垂釣。拾橡此中眠。我愛堯峯叟。琴書雜坐眠。田園非阮
曲。雲壑更相鮮。卻尋廬鴻宅。應逢謝尚賢。予懷在三益。白首話燈前。

又集唐句云。故壘蕭蕭蘆荻秋。劉禹錫。長安不見使人愁。李白。漢家故事
如流水。李嘉祐。晉代衣冠成古邱。李白。樓角漸移當路影。白居易。山形
依舊枕寒流。劉禹錫。食隨鳴磬巢鳥下。王維。閒客觀花夜未休。姚合。盡
說歸山避世塵。韓偓。思量名利孰如身。李山甫。千春碧樹藏深院。韋莊。
永日垂帷絕四隣。王維。獨有淺才甘未達。司空曙。暫憑盃酒長精神。劉
禹錫。不辭萬里長爲客。杜甫。同有詩情自合親。薛能。值迴逢高駐馬頻。
盧綸。未知何路到龍津。李商隱。文章已冠諸人籍。皎然。詩句能生世界
春。熊孺登。陰德自然宜有後。司馬禮。道光誰不仰清塵。劉威。閒雲不繫
從舒卷。靈一。鸚鵡才高卻累身。紀唐夫。馬上題詩卷已成。法振。乍拋衫

笏覺身輕（姚合）明時尙阻青雲步（陸龜蒙）小隱能忘世上情（高駢）歲老
豈能充上駟（韓愈）身閑不夢見公卿（王建）退公祇傍蘇篔竹（皮日休）兩
綬通侯總強名（陸龜蒙）

上某夫子集唐句云一曲南歌此地聞（劉禹錫）人間唯有杜司勳（李商隱）
只言啼鳥堪求侶（高適）除卻巫山不是雲（元稹）才子舊傳何水部（韓翃）
詩家今得鮑參軍（楊巨源）招攜每感雙魚遠（曹唐）紅燭先教刻五分（皮
日休）天香飄戶月枝春（王初）季子如今有德隣（韓翃）翰墨已齊鍾大理
（韓翃）女中誰是衛夫人（劉禹錫）尊中美酒常須滿（朱慶餘）家有驪珠不
復貧（元結）洛浦風光何所似（沈佺期）恩榮佳話合書紳（司空圖）獨來惆
悵水雲中（李羣玉）兩地飄零氣味同（白居易）一徑穿緣應就郭（方干）十
年書劍任飄蓬（許渾）辭鄉且伴銜蘆雁（盧肇）往事曾經問塞鴻（羅隱）知
愛魯連歸海上（楊巨源）布帆無恙挂秋風（李白）水冷紅衣白露秋（許渾）

不遺室詩話卷二十一
六

每憑飛夢到瀛洲。胡宿回心願學雷居士。韓翃上客親隨郭細侯。司空曙。白馬走迎詩客去。白居易。清言還待玉人酬。權德輿亦知官罷貧。應甚。姚合。幾向斜陽嘆白頭。胡曾。

琇甫先生以詩見贈。賡此酬之。集遺山句云。滿紙清風月旦評。忍窮尤喜見工程。長留北海文章在。萬古東方有啓明。世外衣冠存太朴。亂來歌吹失權聲。百年世事兼身事。莫惜題詩記姓名。朱詩多不書名。就中愁殺庾蘭成。朱籍江南家極貧。乏。地老天荒恨未平。寶劍沉埋惜元振。詩中只合愛淵明。百年人物從公論。十丈寒潭照膽清。海內文章有公等。縱橫詩筆見高情。

又集漁洋句云。別後俱爲萬里人。楚山鬱鬱水鱗鱗。歸心便逐江鴻去。玉版聊堪結淨因。作貢當年事已陳。也須料理苦吟身。一官長物吾何有。感逝傷離涕淚新。雨笠煙簑送此生。惟君不愧隱人名。春風遠岸江離長。感此傷人今古情。瞥見丹青眼暫明。知君解脫萬緣輕。劫灰歷後昆明在。又少旗亭酒共傾。赤甲

山頭雲氣蒼。早聞憂國鬢如霜。一杯遙酌襄江上。回首中原。泣數行齊雲樓上。望京師。劫罷猶爭一局棋。何日西南消戰伐。虎溪橋畔去遲遲。朱萼新抽萬卷書。梅花林外跨青驢。望衡乍喜相鄰並。珍重新詩獨起予。恐是當年汐社人。朝衫猶自染京塵。故家零落遺民老。爭效先生折角巾。慶曆文章宰相才。市中遊戲亦悠哉。淋漓大筆千年在。鬪取旗亭畫壁來。歷落嶽崎可笑人。祇應牛斗不能神。蘭成剩有江南賦。一代高名孰主賓。

余今年息影歸來。於敝廬後面闢一小園。字之曰匹。有記云。屋於吾會城光祿文儒衣錦三坊間。將於所屋外斥餘地多蒔雜花木。小構亭館。則四鄰皆強有力者。而何斥之可言。此吾匹園之所以撒揭而乃闢也。吾以中歲奔走四方。無往不與先室人偕。勞苦三十年。日思弛其負擔。室人嘗言願築樓數楹。竹梧立後。花樹仰前。既營一樓。具體而小。衆花陵於高樹。不能自存者。一桃三棠。獨老梅。倔強與抗。餘皆日瘠。乃於正屋後院。伐一巨桑。一諫果。夷東西二廂。壞三仞。

橫牆七丈。後直牆丈餘。東邊牆三丈。又東橫牆一丈。積土千餘擔。成數小阜。夷橫牆外廚屋雜屋數間。割偏東地徙焉。鋸正屋後檐。深五尺。廣七丈。退其戶。牖以展南址。於是有地東西寬七丈。南北深偏西三丈。有六尺。偏東絀八尺。牆其東南西北。則舊門其儘。南西面蓋全形扁方。而東北缺其角。東南呀其口。逼肖匹字焉。乃位一樓於西北隅。西南隅位以小樹。東北隅位以露臺。其下室焉。偏東則廊。南行抵門。臺與樓複道屬焉。隙地則徧種花木。噫斯樓成。先室入已亡。十有一年。余爲匹夫久矣。前六年營葬先室人於梅亭之文筆山。坎地橫九丈。有奇。直六丈。有奇。山徑從右入。亦具匹形。匹夫臥樓上。匹婦長臥地下。所謂鰥寡而無告者也。不以匹名吾園。而何名邪。其樓曰皆山。亦有記云。環樓皆山。樓之能盡其才者也。而求諸里巷闌溢屋宇鱗比之中。則樓之才。往往而屈。吾匹園之樓。崇不過丈有三尺。吾正屋之崇。互乎前者。且二丈有二尺。而羣山巒巒獻狀。不受拒於前屋之屋山。能騎危以自進。何哉。凡人之自卑。視崇漸遠。則崇

者漸卑。於是視其尤遠者則反是。今吾樓丈有三尺。加人焉。崇丈有八九尺。以視二丈有二尺之屋山。猶以卑視崇也。然吾樓之距前屋屋山。則三丈有奇。二者相爲乘除。則屋山之崇於樓者。僅樓之遠於屋山者多矣。距自屋之屋山。遠距他屋之屋山。益遠。雖在里巷闐溢。屋宇鱗比。中吾自有不闐溢鱗比者。故樓之能盡其才。亦吾之能盡樓之才也。樓成將爲詩寵之。卒卒未成。僅有數聯。斷句云。移花分竹。剛三徑。聽雨看山。又一樓。涪翁楹帖。蘇翁扁。亞字闌干。已字紋。亭臺都占。空中地。風月教低。四面牆。生平喜聽雨。春秋則好樓。居喜遊山。尤喜樓上看山。遊山勞看山。逸而聽雨看山。又童時居鼇峯坊。于麓山樓。習慣也。又一樓云。者家中已有一樓。所謂具體而小者也。此聯實套弢菴聽水第二齋聯句來。句云。聽泉看竹。無餘事。擅壑專邱。又一齋。余樓成已過初夏。非栽種花木時。尙好前院花竹。過稠就近遷移。可以無恙。高尋丈者約數十本。亦足敷衍三徑矣。移花分竹一聯。乞弢菴太保書作樓前聯。弢庵書似黃皆山樓扁。乞蘇堪。

書似蘇也。闌干用亞字卍字紋。皆古法。世久不行矣。余特爲復古。園地不廣。故樓臺外無他屋。非於空中占地。不可。四圍牆皆與樓臺地平。易於風來。月到也。初露臺未成。而臺下粉壁先墜。連旬大雨。屋漏痕遂如縻綆。惟有請愈。予心愈就勢爲畫古松老梅。方擬作書。乞畏廬繪園圖。而畏廬詩來云。卷簾是處是青山。用放翁句。目力應無片晌閒。何用四時將竹轎。居然萬綠滿柴關。我疑清福歸前定。天許先生隱此間。一事最教人健羨。看山兼看鳥飛還。第二句第八句好。第二句謂余在志局。日翻百十冊。稍空。又看山也。故余次韻兼以乞畫云。敢云隱。几日看山。只擬千忙博一閒。聯扁分書已。坡谷畫圖傳本待荆關。誰知五柳孤松客。卻住三坊七巷間。循例吾家懸榻在。何妨上冢過家還。嗣又得秋岳自都來一詩云。一牋經歲意寧忘。爲覓新詩落草堂。想拓廊腰容月色。定憑樓角飽山光。琅玕夏課曾添否。湖海高文許寄將。今日匹園疇得匹。可應著筆辨興亡。題爲喜得石遺文續集。卻寄題匹園次聯狀。吾樓極肖。故錄之。冠生詩。

云武昌歸借園樓住。庚子舅祖自武昌歸，偕舅祖母蕭夫人借居濤園東樓。覲冕時年十四，初次謁見。今日樓成，願稍違。舅祖母嘗言：願築樓數楹，竹梧立後，花樹仰前，雖曾築一樓，尙嫌樓前地小，花樹不多。此其第二樓也。而舅祖母不及見矣。玩月興高，容老子。舅祖自撰楹聯，有待月安排老子牀句。樓蓋向南也。戴花影在閉空幃。舅祖母額所居曰戴花平安室，遺像今懸樓中。小池題詠前遊，乍秀野林亭舊夢，非比似環滁山色好，望中文筆翠依微。舅祖母墓在西郊文筆山。此首中多本事而起，結特佳。林耕煤詩云：平生見慣名山客，歸築高樓日臥遊。萬卷叢殘爲老伴，一場結束謝時流。城中佳處何人得，眼底奇觀不外求。自笑誅茅無尺地，滿胸邱壑可勝秋。亦起結佳。余坐樓中，面對烏山鄰霄臺，其下稍左，則石壁巖。因憶仲毅有寄題石壁巖舊讀書處一詩甚佳，檢讀之，則云：齋鐘不聽十年強，苦憶城南草樹岡。一徑裂雲松突兀，數峯藏寺月昏黃。舊隨洗鉢僧成塔，誤記尋詩夢墜廊。誰信出山仍面

石道室詩話卷一十八
九
壁。此心曾誓佛前香。

林可山題匹園一古云。昔者顧徵君。名不挂仕籍。自命雖匹夫。興亡與有責。先生略與同。市隱城南宅。著書高等身。一卷手不釋。衆芳零落秋。恃此後凋柏。老作林逋。縲紙帳無當。夕匪惟故劍。情泥水惡著。述禪楊杜樊。川詩話。姜白石平生湖海襟。今謝金門客。抗志猶古希。欲奪鄭樵席。賤子辱素知。追隨文字役。濤園久不歸。左海匹園隻。全就匹字著筆也。鄭星帆一絕云。匹夫天下興亡責。況我先生百尺樓。屋上青山下流水。忍將獨樂換先憂。陳義甚正。豈知余愚賤。衰朽久已與世相淡忘乎。鄭天放題詩云。窗圍萬岫翠。嶒嶸光景當前得。未曾聊以自娛園。可小遁而無悶世。誰能雨喧高屋檐。懸瀑月隱疎林電。上燈慚愧敞。廬有重屋。一敞居有樓而痺也。從湖海跋陳登葉觀兪同年云。棄官近十年。玉川有老屋。料量拓數弓。糞除謀小築。樓高面好山。徑幽蔭嘉木。據案實齋翁。編纂紛卷軸。文獻足搜羅。朋舊助考錄。長夏暇日多。日涉曠心目。顧君記茲園。

於意別有屬象形義自新感逝情尤篤哀樂逾中年於境尙棖觸嗟余傷匏瓜
廿年如轉轂自憐脫屣歸敝廬苦局促感此更慰君無煩詹尹卜一畝小園勞
諸君刻畫無鹽不能不向五都而陳賄矣

今年已七度月圓矣未作過一長篇詩殆才盡矣昨喜姚君慤

梓芳

劉洙源

復

禮至卽送其行得二十六韻云君慤家嶺南洙源家西蜀何來共名刺到門雙
剝啄主人倒屣迎客子兩獨速狂喜兼驚疑乍見措兩目言從潮汕發浮海詣
滬濱中途入閩港下椀寄一宿乘閒謀升堂趁潮急登陸語言苦不通問路空
躑躅鄉人多閩商幸與借一僕南園引遨遊西湖導瞻矚短衣便游行免誚熱
慣觸洙源去年來嶺外舊遊續家山避豺虎友朋卽骨肉南方又兵亂相將亟
裝束坐定語遂繁拉雜不可錄方知前歲書浮沈枉答復方知丑歲書刻本始
翻讀沃盥稍撲塵湯餅暫果腹一見慰已深一談意未足看山攜登臺下榻指
重屋肯作十日留文酒小追逐如何逼生事去去太迫促臨歧無可贈數卷聊

壓簾尚約爲題詩。君慤有新築。吾衰已漸甚。倦游戀鄉曲。風塵方瀕洞。後會果可卜。

又檢得先室人殘稿爲余戲作命名說足資一噱錄之以殿此編君名衍能談天似鄒衍好飲酒似公孫衍無宦情惡銅臭似王衍對孺人弄稚子似馮衍惡殺似蕭衍無妾媵似崔衍喜漢書似杜衍能作俚詞似蜀王衍喜篆刻似吾邱衍喜通鑑似嚴衍喜今古文尚書墨子似孫星衍特未知其與元祐黨人碑中之宦者陳衍何所似耳請摹其字以爲名刺何如此說可謂得未曾有之奇文失去十餘年復得之不勝狂喜余請爲畫蛇添足之言曰中年喪偶終不復娶又絕似孫星衍而非先室人之所及知也

石遺室詩話卷二十九

光緒初年。福州有三狂生。皆林姓。一畏廬。一述菴。崧祁一某。述菴乙酉舉於鄉。

早卒。輓林少溪云。牽裾惘惘去遲遲。便是人間死別時。篋裏剩將慈母線。扇頭留得阿兄詩。龍蛇嫁阨天難問。烽火橫江病不知。搔首爲君添一慟。可憐生是好男兒。少溪畏廬弟。航海死臺灣。述菴與畏廬摯交。故痛切。若此。送許蓮蓀之臺灣省親句云。天憐孝子帆無恙。海畏才人浪不狂。一事不才容我倦。萬山如箭送君行。與鄭璧侯云。黃金鑄膽真如水。白髮盈頭屢望雲。花朝東陳績齋云。百歲幾人常對酒。千金欲換更無裘。蕭蕭風雨相如壁。落落乾坤太白樓。皆雄而雋。豔體絕句云。背人小綰髻了。又隔著床帷六幅紗。隱隱衣裳作雲氣。水晶簾外望梨花。殊有元微之風味。

述菴令子涼生。之夏軍人也。兼文武才。比來深自韜晦。隱於淞帥府。參謀者十餘載。地有湖山之美。益以出遊。聞有詩數千首。未之見也。從榦寶處錄得數首。

橫豆坑云。閒客關心處。方隅驗廢興。亭傾茅不葺。橋斷樹爲凭。貧戶疏防盜。荒城易見僧。齋民元有術。今日亦何曾。自注坑天台縣屬。歸途行亂山中。半日云。亂峯無結束。磅礴盡南趨。樹轉初藏寺。泉奔輒礙途。遠樵知虎善。新墾見牛劬。一自傳劉阮。荒寒閔海隅。二律極見結構。次首一起。卻有亂頭粗服之致。或傳其多振筆直書者。妄也。登瓊臺未過桃源洞云。瓊臺南去飯胡麻。雲物娟娟仙子家。我自閨中有荆布。不須溪上見桃花。忽放出道學面孔。榦寶與涼生至交。不啻昆季。嘗數千里奔赴其病。有春望懷涼生云。江海千重路。雲天一片情。相思似春草。到處自然生。竟是唐賢風味。

涼生久寓杭州。所與共爲詩者。諸貞壯外。只知有同鄉林鼎燮。步瀛余與鼎燮

初相稔於都門。自以鹽官薄宦之江。遂罕得消息。惟四年前。匆匆一晤於西湖。余明日行矣。時余編近代詩鈔已出版。未得鈔鼎燮詩爲憾。茲從榦寶謙宣。覓得數首。亟錄之。寄懷涼生杭州云。逆旅停車夜月涼。年時詩酒有清狂。湖樓猶

在波光裏。林樹蒼蒼。高過牆。同謙宣秀淵集澄瀾閣云。此閣何妨。當作家羣山。
罨畫水。交叉層層屋瓦青。依樹簇簇。園花馥入茶屢至。難於詩句好。久談忘卻。
日光斜。舊交散盡。新知少。石帚天民各鬢華。寒雨旬日未出門云。斷酒蕭綱辦。
飯羹兼旬積。兩廢街行。江春猶瘦。難舒柳花信。因寒恐病。鶯心已忘機。從訕笑。
詩惟追古不。聲名汾沮鄙。儉僞牽跼。何日龜陰負耒耕。自定海寄□□杭州云。
微官莫療半生貧。海角閒居負盡春。幾樹垂楊無賴雨。十年倦翮未歸人。陰凝。
不信關天意。著述相期愛此身。長憶樓臺燈火夜。何時重與一杯親。贈幹寶云。
無本於昌黎。未識氣先感。吾聞蘇幹寶。書味長醞醞。去歲誦其詩。蛟龍欲手攬。
今夏湖上舟。杯酒見肝膽。作詩本性情。詞句謝鑿鑿。氣勢任自然。盤硬無不敢。
吾荒年且衰。一室廢鉛槧。子詩成來商。謂我辨精糲。問道於青盲。食味嗜昌歎。
湖之水溶溶。湖花開菡萏。一笑掉扁舟。詩與遠山澹。句如次韻林十二謙宣云。
故人書到吾無事。急遞筒開中有詩。時對寺門僧坐久。行詢鄰舍菊開不。石浦。

石道言詩話卷二十九
山游云。山南山北春光好。桃花李花隨意開。又云山形到處雖有異。真意在靜語可賅。山游山游得山意。四時不礙矧春回。以上皆有靜者機。故是詩人之詩。除夕感言云。邊雲如墨壓滇城。英法議探七府礦產。萬戶猶聞爆竹聲。鄉誼每從爲客摯。年光緊向此宵更。勞生悔不同樵牧。薄宦何堪問姓名。笑指陌頭繁拂草。也隨名卉共春爭。能於一年將盡夜。萬里未歸人外別。抒悲慨。

癸亥甲子間。數至廈門。所識詩人以周墨史

殿薰

黃雁汀瀚稱最。嘗招遊萬石

巖。水石樹木。遠勝虎溪鹿洞。余紀以五古十六韻。雁汀和作云。鷺島乏名區。幽巖但一二。生是懶散人。游踪亦罕至。先生今后山。魏寇業請肆。經年蒞此邦。趨謁今始遂。逢迎上萬石。載酒因問字。是晨秋風厲。颯颯雨沾袂。山靈欣杖履。午霽相獻媚。中巖在咫尺。松榕晚逾翠。拾級穿林入。泉石倍清致。追隨到太平。延平挾册地。當時百惡戰。涉想猶心悸。俛視萬瓦間。拔易紛幾幟。衽席何年登。巖壑偶然寄。瑤章賁隔日。洛誦不忍置。鸞音引蟀吟。老去乏才思。執贄勉成章。請

益從此始。

墨史和作云。廈島山皆拔海出。剝盡皮膚見山骨。就中山石何處多。萬石巖前羅萬笏。我從黃石幾來遊。據石當關相齟齬。（曾與雁汀仿施鴻葆奪關事）茲遊添得老詩人。萬石低頭一石凸。此石乃自太古遺。鍛鍊功深光發越。早聞蹤跡徧寰區。五岳歸來脫布韉。不嫌此地山如拳。翻愛茲巖頗突兀。相逢一笑訂石交。歷險探幽窮洞窟。忽到延平讀書處。懷古幽情觸石發。不周天柱有時崩。太平古剎猶崔嵬。劃然長嘯山谷鳴。擲地石聲久未歇。更有王郎（謂孝泉）斫地歌。苦恨山石時見伐。嗚乎廈島山皆拔海出。海島山根萬仞沒。奇石奇才淪海濱。安得詩人一一爲揚挖。此詩以余號石遺。遂煉成一塊五色石。仍以擲地作石聲。還贈此詩。雁汀哲嗣錚字傲民。亦有一律云。山靈如素識。喜聽足音來。撰杖從先輩。談詩無棄才。亂雲時作雨。頑石不容苔。無限興亡事。蒼茫付劫灰。今年避兵。又至廈門。墨史館余於鎮南關外一公廡。有花木之勝。門對鴻山。山

上刺桐。經冬猶蒼翠。臥齋中望之。恍如吾家。皆山樓之對烏石山也。墨史先以詩至。句句雅切。遂更唱迭和。幾成一集。墨史詩云。樂安懸榻待周璆。夏間有至省之約。愧我愆期負九秋。今日真成反賓主。重歌杖杜肯來遊。大難邂逅。歲寒時。棲息休嫌屈一枝。預種梅花待高士。堂邊老梅數株。先生故喜居此。安排紙帳。乞新詩。淨土寧無一片存。鷺門舊號小桃源。龐公此日攜家至。合便更名小鹿門。余亟次韻云。交馳函電捧荆璆。小別情懷恰隔秋。此是望門投止日。卻疑會合上文遊。差勝燂湯剪紙時。南飛衆鳥得安枝。翻於賓至如歸後。東道先來七字詩。松菊故園聞幸存。平安日報盼源源。皆山樓與黃樓近。慙愧當年通德門。雁汀次韻云。渴思玉趾步鳴璆。盼斷蒹葭候一秋。邂逅相逢忘慰藉。轉欣杖履得從遊。避地重來益感時。蓬蒿徑乏碧梧枝。高岡雖好無鳴鳳。慨誦青衿學校詩。丈方辭厦門大學講席。大雅於今歸獨存。時賢麀至叩心源。春風我亦樞衣者。私喜登門免掃門。前數年余避兵至上海。有絕句述朱古微同。

年戲言渴望余至云。故人情重託。詼諧果爾相逢笑。口開回首三年飢渴意。只除祝汝避兵來。雁汀第一首末二句。可謂貌異心同。墨史又疊韻三首。第二首云。敢比空堂奉客時。屋椽仍舊是卑枝。盤殮有幸供高士。又入彭衙工部詩。雁汀疊韻云。澗泉萬石響琳瑯。不到於今又幾秋。尙欲招邀雲頂去。留雲洞裏紀清遊。奈此風聲鶴唳時。安巢慚愧屈低枝。倘教移向吳莊住。吾浩堂添別集詩。(紀石青寓吳莊著有吾浩堂詩集)場老空留釣石存。(禾山有陳場老釣磯)

衣冠族望尙追源。(廈門志有云陳氏衣冠族)能紆長者來遊轡。地以人傳並一門。唐陳黯以久不第稱場老。此詩原唱。廖韻難押。余疊韻不工。乃避而倒次原韻。(今不錄)碩士柯榮試。亦公廨居停主人。故第三首次韻云。冬來臥病困蓬門。至誼能敦讓子源。函電交馳嗟不與。願公諒我失溫存。語朴質可感。或疑溫存字近纖。不知司空表聖詩云。地爐生火自溫存。不過送煖之意而已。墨史第三首云。邱陵從上叩禪門。海闊天空悟性源。小坐鴻山懷雁侶。高攀雲頂約

猶存。此首言同遊鴻山寺。末指雁汀約遊雲頂巖也。碩士又疊韻第三首云。洪濟山高峙鷺門。涪翁聞說約探源。讓君捷足同登去。休笑良夫一跛存。或疑跛是卻克。不知穀梁定本作良夫。

雲頂巖爲廈門衆山最高者。雁汀招同墨史文典。

陳沙

往遊始以小車走十里

至禾山。一路彌望稻田。間以陂塘。頗有江南風景。過陳場老釣磯。憩商業學校。肩輿入山。數里先造雲頂寺。俯視衆山。皆撲地如土。自雁汀載餅餌鼎肉。飽飯於寺僧。復行數里。登絕頂觀日臺。歸各有詩。余云。百怪千奇石。刺天九溪十澗。恍鳴泉。初入山。極似杭州九溪十八澗。平橋忽向蘆碕轉。仄磴剛容竹轎旋。拔地衆峯都俯伏。有亭絕頂尙高懸。一層更上觀雲海。始信巖名不浪傳。墨史云。正是晴明作好天。雨餘來聽四山泉。短筇直上身。差健衆壑迴。看眼欲旋。古寺峯腰原陡絕。方臺巖頂更孤懸。茫茫雲海開奇境。要仗詩人筆與傳。雁汀云。海外林巒別有天。遙從樹杪走流泉。剛欣陟巘翻原降。每到臨崖又折旋。古寺

已無平地著高臺。直向半空懸。衆山覽小披新詠。岱嶽端憑杜老傳。文典云出遊。恰值好晴天。杯飲欣陪試聖泉。臺迴日斜猶映帶。洞幽雲住若周旋。人登絕頂山。皆向石聳危。屏樹半懸不爲催。歸風雨急僧樓題句早。爭傳於雲頂巖之高。皆寫得出墨史旋韻較新。碩士句云。高臺下視芳洲小。大海中分白鷺旋。余有雲頂巖回謝雁汀詩。雁汀和韻佳在前四句云。爲上禾山第一山。高軒特地過柴關。分齋何敢方前哲。擅壑猶堪老此間。墨史和韻佳在後四句云。片雲應爲猶龍至。石丈生丙辰自言登山多遇雨。余曰雲從龍固應爾。細雨能催倦鳥還。頗怯詩筒傳絡繹。難將步韻比躋攀。

圖題門勝之作。本不足傳。有時詠史詠物。亦有能見其大者。墨史有張良絕句云。菹醢韓彭繫鄒侯。毒於烏喙敢夷猶。五湖盡入炎劉地。不託游仙何處游。李繡伊禧句云。陰符季子椎朱亥。那比興劉與報仇。

閩南吟人介從墨史者。有南安蘇警予魁。晉江謝雲聲龍文。遠寄合刻絕句一

册蘇名隨天付與廬雜詩野望云河山破碎入黃昏一段荒城鳥雀喧極目蒼
茫雲水外盪胸浩氣接中原除夕和雲聲句云詩人竟比催租吏剝啄催詩到
五更謝名靈簫閣雜詩聽雨句云添花催柳小樓東但覺寒生萬點中鄭延平
水操臺云英雄無限傷心事易代猶翻鼓浪潮(臺在鼓浪嶼日光巖左)野望
云悄立蒼茫何所事四郊暝色迫人歸

鷺門能詩者尙有柯伯行

徵庸

陳丹初

桂琛

余雨農

煥章

李繡伊

禧

蔡維中翁

純玉

兆全

諸君伯行和余留別詩云尊酒消寒聚一堂敢云祖道送行裝憂時

詞客陳同甫造士經師馬季長海鶴高飛標骨格泥鴻印爪盡文章可容籍湜
韓門附浪獻蕪詞笑大方繡伊以萬壽巖古鐘影片贈行亦和前韻云未聽松
聲過佛堂聊將搨本壓歸裝千年神物鐘無恙一代詞宗壽共長春訊江干隨
杖履離情席上抒篇章名園知近烏山麓惆悵梅花隔一方(舊曾讀書烏石
山十三本梅花書屋)雨農丹初維中純玉詩手邊覓不出呼負負矣

在厦識朱鐸民。鏡宙。諗爲太炎女夫。年少喜藏書。至福州。有石遺前輩招飲。有作云。吾愛陳夫子。詩盟主。建安一樓山。萬笏三徑竹。千竿海內存知己。一成句指太炎岳丈。平生薄熱官。濁醪澆塊壘。世事等閒看。第二聯眼前語。非常雅切。余與君皆嗜飲。

南安蘇樂天

鴻圖

教授鼓浪嶼學校。屢至厦島訪余。著樂天齋文錄一巨冊。體

糅新舊。而鬯茂條達。所見時有警闕。處贈余七言古一首。推挹太過。茲摘錄其中數語云。著作恢弘世所稀。更搜殘闕壽千祺。餘事旁溢爲歌詩。雄渾俶詭泣蛟螭。騷壇品藻析豪釐。海內爭傳一字師。一當代陳弢菴趙堯生俞恪士梁任公羅揆東諸公有作。每就商定。一我聞其名久傾葵。今秋始幸得見之。神光鐔鐔。貌魁頎。和氣接人。春風吹飽。飮言論療腹。飢餘有傷時處未錄。

張揚芬者。自號抱膝翁。江都人。遠寄小照屬題爲書二十字。翁次韻和五首。第二首云。山中亦世界。惜少新道德。促膝抱梅妻。冷覩嫦娥色。第四首云。夙聞陳

太邱四方仰道德。老來風趣多想見。嬰兒色。

有翰隱者不知何許人。寄贈二律。警句云。蕭寺看雲扶瘦杖。秋堂聽雨滅疏燈。詩心妙比琴無索。宦味閒於鳥脫矰。又遺老襟期梅偃蹇。通人胸次竹低昂。疏燈句最佳。惟余甚不主張遺老二字。謂一人有一人自立之地位。老則老耳。何遺之有。

吳興王戟髯樹榮。未與會面。偶以詩筒來往。已採數首。入近代詩鈔。後始見其題葉小鸞遺蹟一百韻。直是一篇孔雀東南飛。前有序。後有跋。過長。未能錄。欲讀者可求其單行印本也。

當塗奚無識。詩語奇崛。余嘗敍其詩。以爲近於散原一派者。然前數年。余避兵滬上。無識有寄懷一律。則甚似拙作。云。能窮能健百。無求筆硯平安。更不憂豪氣。欲吞黃歇浦。詩鄰如卜海藏樓。在天羣刺。供談笑。起世孤懷付校讐。何用短箋慰羈泊。知公心已養空游。豪氣出以健筆。真欲吞黃歇浦矣。末句是補注。

老莊者口吻。君有此二著。君嘗寄紙索書對聯。侑以莊子補注。余大書現成句八字寄之云。濠濮閒想。羲皇上人。頗覺切合。蓋君方絃歌江浦縣。以爲三徑之資也。無識治小學。用力甚深。有淇漁集殷契文爲詩。見懷賦一首。詩係五古。並自注約二千餘言。斑剝陸離。得未曾有。以太長未錄。茲再錄其不甚似散原者。九日登北極閣云。叢林翳翳掩城阿。延賞寒空又一過。野氣蒼涼秋日瘦。山靈憔悴劫灰多。五年抗迹欺雲壑。何處高翔避尉羅。照影分明後湖水。心池猶恐有風波。審言臥病滬上。有書來賦寄云。李先發藻儒林者。分手遲迴七歲年。不信著書天雨粟。長愁窺戶海成田。故人消息能窮餓。絕學商量見愛憐。讀一緘忘不得。白頭病肺滬江邊。辛酉守歲云。酸風飄雨漏聲殘。宿雪連階燭影寒。尙覺啼呼滿郊野。寧容歡喜對杯盤。壯懷漸惡仍今夕。淺醉初消又萬端。占歲明朝要晴旭。東窗揩眼幾回看。此首儼具先憂後樂懷抱。句如雪浪石云。愛力相續壽乃久。中有百代詩人魂。諦視文理極奇詭。如瞿塘峽灑預根。雞鳴寺

云癡哉。凡夫心學佛。昧真諦。所以六道中。乃有餓死。帝高。淞荃。爲敍。莊子補注。賦呈云。世且囂然疑。此意誰相知。者定吾文。春郊云。春風滿地難收束。一尺天。桃已著花。

南通馮善徵。有達廬詩錄一厚冊。前有馮夢華撫部一序。曾同宦四川也。詩甚雅健。多古體。長篇有黃河鐵橋歌。最工。不靠新名詞。能將新題目。寫得逼肖。因長未錄。欲讀者求之本集可也。

近賢詩。清脆者多。雄俊者少。潮安石銘吾。維巖。潮州劉仲英。仲英。閩縣曾履川。

克端。皆可以走僵籍。混者履川。胤叟。宗魯後更名福謙。孫胤叟字伯厚。以卽用知縣。

官蜀。兩袖清風。遺子孫以清白而已。履川少幼學。閒關數千里。自蜀至京師。請業於一時聞人。肆力詩古文辭。前歲余有子之喪。至都。履川來見。出示舊作散體文數首。則才氣有餘。範以方姚。渠燧。並撰五言古三首。爲贊。兀傲不羣。讀之使人氣王。其一云。老去亂屢經。名高禍踵至。頗哀石遺翁。看盡湖海氣。索句有。

閉門。四海馳姓。字廿年騰驥子。微傳未憂墜。豈意高明家。天故不子惠。欲使窮
愈工。憂患巧位置。嗟哉骨肉親。終學形骸僞。闔棺如欲語。一瞑竟長棄。淚盡思
子亭。萬里猶馳轡。浩劫行且來。蒼生日凋瘵。哀此垂絕軀。衆手爭一試。死所誰
復知。瞪目視諸帥。其二云。怪奇鬱文字。萬世寧能滅。沉瀆感意氣。翻疑造化設。
大羣委末化。慘痛紛顛蹙。橫流跳猛獸。未足方其烈。夫子吾鄉彥。聲譽照江國。
忍淚餘看天。震名咸播舌。抱一式天下。餘事包孔墨。神慮迴濤瀾。一卷沁水雪。
末學眩高文。輒思尋其穴。洪鑪鑄萬化。妙技試點鐵。平生百無戀。師友念獨結。
此意當誰告。剝肝有瀝血。其三云。學雖未可知。氣不甘人下。騏驎騁天衢。吾寧
舍十駕。豪桀摧萬古。庶幾一戰。霸懷此亦有年。獨唱畏人和。豈伊知者希。念之
輒悲咤。顧瞻鄉里親。愛就耆舊話。儼若父祖臨。或者警余惰。晚景迫世變。翻恐
漸凋謝。警欬接所歡。私意珍無價。獨感招致誠。猶幸及親炙。奇才愧昌谷。敢賦
高軒過。心肝嘔示公。所求在譏罵。三詩勃鬱煩。冤末篇直不啻。千迴百轉矣。

仲英有讀石遺集七言長古云。侯叟（乙符丈）示我石遺集。謂光宣來此一人。我知公名始丙辰。越八載今始識真。棄粕吐醜。吸古醇。芟蕪抉穢。絕陳陳。瀆幽。涵遠。何清。新結廬。秋山明月鄰。掬泉蹋石藉。芳茵朱徽藥。鼎坐古春。不知人世。有纖塵。以此持喻。或等倫。儷之斯世。譬鳳麟。更難能者。言靄仁。使我讀之。幾遂。巡同時。陳鄭吾能云。並示爬梳。去翳繁。取材高古。非俗藩。陵蹕凝鍊。不可馴。但恐狡張僨。脈筋馨蘭。自燔東坡論荒寒。不似人世文。淒緊既非中。和言衰季志。危心放奔。誰與挽回元氣元。宛陵香山公所欣。更推南宋非斷斷。筆意陰同固。其因更有神契俗。不聞聖道自漢中。沈淪矯矯唐宋義。始伸涵泳微旨。復性純志粹。氣完心寬。溫發爲聲文。無躁紛。香山遭世多遭迍。聖俞頽躓宋燕跣。自比鮎魚辛酸辛。微有苦語雜笑。嘖皆能蘊藉。無憤噴。不妄悻悻。肆哀呻。惟公養境與之羣。豈求辭語能窮源。捧書讚歎語。遂煩我年十七志皇墳。更貪排比忘朝昏。資荷作鏡。闇不分益之愈。亂如治軍。未甘自棄。做帚珍。欲求智炬。然途遵。因

書問訊鷺江濱。更請安心不二門。海月珠光燦雲旻。何時重照韓公軒。江城握管意存存。篇中兩處暗轉極見結構。余報以一律云。劉生雄鷺孟郊材。凌紙論文怪發來。並世欲推壓元白。古人直遺嬌歐梅。宋唐區畫非吾意。一來詩矯矯唐宋原作有宋。漢魏臨摹是死灰。萬卷有書真讀破。吐醪棄粕快銜杯。

銘吾有讀石遺室詩集。呈石遺老人八十八韻云。有清一代間。論詩首漁洋。漁洋標神韻。雅頌不敢望。歸愚主溫厚。詩教非不臧。然或失而愚字缺。挾風霜是皆傍門戶。終莫拓字疆。壽陽祁相國。輔以曾湘鄉。壽陽宗杜韓。春海相頡頏。湘鄉詩若字。低頭豫章黃。杜韓蘇黃間。緩翁目助張。邵亭巢經巢。列宿森其旁。諸公丁世亂。雅廢詩將亡。所以命辭意。迥異沈與王。窮者秋蟪館。並世伏敵堂。詩人信以窮。詩道於以昌。石遺老人出。揭檠號同光。雙井孕散原。半山孳海藏。叟菴於二者。亦頗扼其吭。節庵工超逸。中晚多感傷。乙菴喜詰屈。深語難淺商。觚菴學簡齋。杜味得蒼涼。香宋比陵陽。精卓莫低昂。劍丞視伯足。長者或徐行。博

麗門工巧雲門共龍陽噉谷迨觀槿后山步趨踰蒼虬起後勁陳鄭觀傍徨
 (散原嘗云此世有仁先使余與太夷詩皆不免為僭父) 壬秋守漢魏舊派衍
 湖湘公度五七言謝翽欲與翔喜蘇不喜黃南皮一文襄各不為地囿道分而
 鑣揚諸子自一時石遺實兼長石遺持偏師能以弱制強石遺揮巨刃大道闢
 榛荒石遺拗禿筆有時放毫芒每每一語鍊於百鍊鋼生澀者平易平易者
 微茫微茫者冷峭冷峭者鬱蒼池館恣閒適江山助悽愴風雨供馳騁鳳鸞接
 高颺詞約而事備貌柔而氣剛視孟窮纍纍視韓富穰穰窮可醫肥俗富可饋
 貧糧有如一老樹著花自芬芳又如老雄雞爪觜獨擅場橄欖初苦澀啖之甘
 回嘗洪鐘無大小扣之聲鏗鏘白日忽飛動大風翻巨樟攀躋既非易摹仿焉
 可常云從皮陸入畢竟多皮相用心已到聖直逼夫子牆近人盛宗宋時服炫
 古粧根本不盛大謬云欲祧唐學人與詩人大抵非殊方往持詩教者大官坐
 廟堂石遺位非高大力鄙小倉小倉結公卿遂令天下狂公獨潔其身俗士踣

且僵公身雖獨善。公名乃彌彰。品詩軼鍾錄。話詩凌滄浪。徵詩逾南山。評詩壓兩當。仲則有詩評一卷。說詩淵無盡。千頃波汪洋。誦詩如聞政。尤能振紀綱。庚戌客宣南。偶見長短章。丙辰過申江。公名震書坊。立志學公詩。此願久不償。雜報乏胥鈔。剪探貯奚囊。雖未窺全豹。清詞沁肺腸。厥後常知公。講學居上庠。慶曆胡安定。元和韓侍郎。今歲侯乙符。言公壽而康。言公工琢磨。琢焉成圭璋。言公斂槎枒。不肯露鋒銑。儕輩偶疵謬。舍公孰相匡。後生偶造請。公語必精詳。侯子言未終。而余起肅將。年來詩道衰。白戰方披猖。其中空無有。咀嚼若秕糠。話言謂獨創。寒山實濫觴。謂闢新紀元。擊壤早津梁。自命活文學。病已入膏肓。筌蹄視經史。可嗟不自量。野狐思參禪。野馬思脫羶。野草終獮薙。野火終自殃。際此道掃地。念公愈不忘。惡風日瀕洞。有公抵危檣。途路日紛歧。有公不亡羊。今讀石遺集。恍如飲瓊漿。侯子抱此本。余臂欲先攘。鮫江隔鷺島。一葦幸可杭。篇中振起處。筆意奇橫。

嶺南門人姚君愨

梓芳

外多未見面。石銘吾曾至。廈門訪余。余已回里。侯乙符

節欲來不果。刻又赴南洋羣島矣。乙符生平有詩一二千首。下筆千百言立就。余恐其率易也。題其集後云。短長千百首。頗覺患才多。磨礪新鎚鑿。推排老白窠。云云。蓋潮汕饒有詩人。率宗隨園。見乙符漸事苦吟。多怪詫之。同志者惟銘吾仲英及丁叔正之兄訥菴。乃潛耳。故乙符有春日試筆奉懷石遺師云。傳薪已及嶺南人。饜飶名言簇簇新。詩學一家工手法。筆談千里當身親。文章結構艱辛處。花木園亭爛熳春。老我侯芭頻問字。停車待話去來因。石師惠寄詩文集奉呈云。公詩久風行。小子未深覽。朝日出暘谷。聞見何陋闇。惠我數寸集。元氣味醴醑。豎義必堅卓。岳軍不可撼。名言時領略。契如嗜昌歎。海藏論詩訣。初如咀橄欖。散原務生澀。沈鬱雜哀感。公以老鴻博。精深出閒淡。卅年主騷壇。抗手問誰敢。我讀金石跋。文字歸總攬。詰屈驟難解。會心時一領。近體糅唐宋。廉悍究難揜。持此勤揣摩。丹黃溢鉛槧。籍湜學昌黎。巨刃欲破膽。其二云。十年走

風塵山水拓詩境。一舸江之南。鶯花誰管領。莫愁澹煙波。玄武汎菱苕。半山良其背。平山造其頂。六朝幾陳迹。在在足引頸。放膽動賦詩。罄控肆馳騁。未嘗畏流宕。何以策精警。豈知行吟地。公早摹清景。筆力所揮灑。宏深而俊穎。及茲亟鑽仰。故技庶可屏。趙德爲之師。更爲潮人請。時方函請先生來遊潮陽。句如春日同秋園。閒行云。尋芳風雪後。新題自督課。花意若目成。山影一肩馱。此間安詩榻。餐秀飽寒餓。可以秀色可餐四字贈之。飛霞洞云。羣峯恍列屏。二水如束帶。眼前語寫得出。觀大龍湫瀑布云。四圍峭壁風凜冽。氣象嚴肅意孤危。深山中。奇絕巖壑。七字真寫得出。千步沙觀潮云。其來如捲席。大陸變巨沛。亦寫得出。拙政園用吳梅村連理山茶原韻。居然梅村。太長未錄。

訥菴作詩。力求鍛鍊。造語迴不猶人。茲錄其警闕而復幽秀者。上已雨云。沿岡度陌若無情。坐惜輕紅墮。欲平蠻榼勸人還寂寞。屋山吹霧失晴明。相逢已晚。茶蘼恨且住。爲佳杜宇聲。回首昔年行樂地。秋千鈴索最縱橫。夜坐白蘭花下。

不遺言詩卷二十九
十一
云。退志何卒卒。於此陰林樾。明月不吾戀。而吾戀明月。微涼拂梢來。坐裏香已奪。詎惟鼻知之。且以善宵魄。光光草頭螢。照人共今夕。我欲囊其燄。覓久了。無跡。世事政爾耳。已往安所獲。對伊指牛女。不說河漢隔。塵中自多離。附會寧有益。深夜葉墜露。微微濕巾幘。始覺林際月。移影已尋尺。月既不我待。我亦將遠客。夏日捨舟山行云。水流本無質。人事清濁之。問其所以然。流水亦不知。畏熱覓溪行。不令暑相欺。青山似惠我。潑翠舒我眉。我不識青山。奚其低昂爲。水遠送鷗到。鷗習已無機。信我如鷗閒。來聽吟鷗詩。坐久已忘鷗。亦忘我爲誰。句如吳山早秋云。久客先秋覺。逢僧共影癯。驚濤猶霸國。暮氣欲沈城。閒居云。冷檠遮短夢。急雪定羣峰。枕醒催孤雁。齋空斷百蟲。答逸老云。吾嘗與子言。逃俗猶避漲。重九云。冷雲覆屋不出戶。清坐無花情。自佳次韻曾月樵云。望裏青山無可宅。愁邊黃葉不成題。消夏雜詠云。便面初成暑雨圖。持將涼意扇江湖。所作

名苑存室詩鈔

南通費範九

師洪

常與余文字往來。喜爲詩。張嗇庵高弟也。有讀范彥殊蝸牛

舍詩賦寄云。此事君家有祕傳。遙遙詩脈鎮相連。春風又被蝸牛舍。獨霸淮南

三百年。詩人大率長貧者。吐納江山氣自奇。芳草古祠題句在。何時一櫂弄晴

曦。潘敷安過訪。卽招范彥殊陳保之邵伯言同酌。夜分始散云。春色隨人赴。今

夕清談未忍負。燈光曠懷天地容。孤放到眼滄桑易。老蒼一片鳧鷖僧。舍靜四

圍花柳客衣香。當前縱有千秋想。三十江湖尙稻粱。句如中秋集憶舫云。危尊

待月戰雲邊。月斂清光未忍圓。無復閑謠酬令節。祇餘孤憤散荒煙。語皆清而

摯。

前數年有近代詩鈔之役。故人之作。多未入選。其時方避兵滬上。未遑徵集也。

吾鄉若劉筱雲

崧英

林大年

則銘

其尤稔者。筱雲壯遊蜀中。中年宦江右嶺南。

不得意歸。教授學校。益以賣文鬻字。僅免寒餓。飲量故洪。醉則高歌。醒則孤吟。

盡棄少作。尙有詩數百首。平生口未嘗臧否人物。而觀其詩。不乏憤時嫉俗之

語茲錄其稍自得者。通仙里云：迎仙門北通仙里，大樹長池，白板扉，陋室數間。兩年住，只貪湖上看斜暉。君故自有室廬，而旁妻別居於此。故又有通仙里第二宅落成賦，視同社諸子云：漫營小屋不能深，徙處聊完卜築心。負郭陂塘皆我有，窺樓嶺樹待君臨。暫來警夜馴隣犬，相對忘機狎水禽。咫尺湖西遊冶地，閉門肯許俗塵侵。此於賃屋左近別營一屋，故首聯云云。其地甚僻，有陂池，其屋有樓，可以見山望湖。故二三聯云云。池上雜興云：宅後林塘當小湖，春波微動躍姬隅。晚禽各自發，清唳渾似通名朝。老夫自嘲云：和仲自觀猶可厭（本蘇詩）長貧如我更堪羞。老來彌與酒難斷，運去敢云文易酬。只管浩歌休嫚罵，頗能奇想不窮愁。里門耐作酸寒事，歲課生徒已十周。竹窗雜感云：立苗欲疎竹，欲密東牕正倚遮。炎日閱年舊竹祇許長，豈意新篁乃拔地。寬聊可容攢生，雨足倖乘生氣溢。此時且勿貪天功，歲寒未必不蕭瑟。笑爾後生孟晉多，猶爲先生怨遺佚。筆意婉曲，昔遊詩云：峽江八百里，雪霽攢奇峯。萬態不暇接。

擎空皆玉龍。灘舟駛如箭。猶恐崩冰春。朝發白帝城。暮泊巫山曲。巫山望無極。十二峯相續。三日抵江陵。驚魂始斂束。此少陵追昔遊之例也。詠玉尺山檜云。老檜撐天四十尺。絕不依牆不附石。孤根挺直懸瘦蛟。望之森然無枝格。近梢綴葉非凡姿。離立樹叢寧矜奇。徘徊其下若有悟。柳誠懸字涪翁詩。聞雁云。倦翻昏林盡熟眠。叫羣猶自度遼天。前身不是耽吟客。怎與詩人夜有緣。七月初三晚看雲云。曉出驕陽便若焚。晚來何益見氤氳。未能一雨甦羣喝。任爾彌天不算雲。皆不作人云亦云語。

好句甚多。如寄潘穆荃茂才新嘉坡云。滿島金銀氣。孤燈鐵石人。贈何梅生五古篇長錄其警句云。千鳩與萬雀。啾唧輕相瀆。又云。我肥縱非癡。君瘦較爲福。又云。寒花亂鋪瓶。好書高連屋。首聯言梅生分纂志局。嫉謗者多也。君腰腹甚大。故詩中屢自言之。林劍農飲余江樓云。引杯好與消秋色。臨水能令減暮愁。花朝移柳云。不合羣芳稱壽日。獨爲此樹左遷時。左遷二字用得有趣。和國容

云野燒誰能爲幸草扶桑見說庇強枝和梅生客夜云深院月生宵靜後故人
天遠夢醒時東園雪丁香云年來忘與冰姿熟春去猶爲玉戲看從山僧乞竹
云入世此君寧免俗凌雲底事不如人輓鄭無辯云劇憐玩世工諧謔頗怪論
詩過刻深聞警云裘帶漫言儒將度褻韃難結客軍誠挈熙兒遊西公園云偶
耽稚子嬉春樂稍減衰顏逐歲蒼次梅生韻云得屏囂塵差類隱自澆磊塊復
誰尤病中偶成云漸怯西風成老態暫疏旨酒奈愁腸庭柯云庭柯歲歲添新
葉凡體年年減舊容余舊見此二詩頗不樂酒人至與酒疏素健人至說病往
往不能久未幾年君竟下世次國容根樓晚眺韻云晴多漸靳池塘水寒酷因
思嶺海裘（有弟在粵）聯英社女弟子餉佳菊云風來吹酒增醇釀吟罷題箋
當綺紈道山亭落成重陽日幼癯招飲云肯辜佳日從轟飲緩放黃花似鍛詩
望裏青山稀故態晚來秋色耐遙思閨花朝集舊濤園云長筵攤花羅罇瓶歲
凡幾集消芳馨又云燈光棲壁如明星花影人影交晶屏衆秀可餐香可聽

大年詩名虛心齋。遊蹤所至北燕齊。南湘楚東吳。越率有題詠。而吟朋若何梅生。劉筱雲。鄭無辯輩。多在里中唱和。尤數數。霜夜菊前同梅生作云。先生酒病愛霜天。默坐秋齋意適然。片月不孤今夜好。數花雖瘦向君妍。宵闌清話寧輸飲。老去新詩儘可傳。早晚青山謀小隱。枳籬竹屋枕書眠。再答梅生云。花下吟深月轉廊。與君不忍負秋光。未眠散步幽人慣。敢比蘇州詠夜涼。贈梅生云。不獨年來蹤迹親。愛憎殊俗見君真。安能名隱聊相晦。未悔同清穩得貧。載酒時過揚子宅。閉門且避庾公塵。彌天烏雀紛啼噪。坐任垂垂白髮新。同小雲過蒙泉山館。蔡觀留飲云。雨中嘯侶赴嘉招。三五吟朋話此宵。已自清冷泉更冷。本無塊礪酒仍澆。閒搜石蘚前題在。坐聽風篁醉意消。老去輸君專一壑。卷簾嵐翠挹朝朝。憶杭州舊游云。尙有孤山百樹梅。春風常入夢中來。當時鬢影湖波識。坐歎姿年去不回。君詩氣韻在二皇甫。劉文房之間。有悽黯近冬郎者。如友人約往越王觀桃花。至則已謝云。苦措病眼試相望。枉向花叢逐隊忙。流水愁

邊餘斷片綠陰盡處見斜陽。茲游誰遣來何暮。全盛元知事不常。明日池塘消
一盞。傷心豈獨有冬郎。句如湖樓春暮云。年年春盡啼鶯外。風雨彌天嬾出游。
又云。白髮憑闌能幾醉。不應禪坐下簾鉤。別玉尺山云。好花竟入俗人手。老樹
可完太古春。春雨病思云。偶病不曾將酒廢。少間頓覺此身輕。與無辯飲酒樓
云。長夏與誰商遣日。中年底用戒貪杯。君里居幾無日不醉。有子官京師能辦
酒錢也。宛在堂看雨云。幽禽解語停佳客。枯樹能花絡瘦藤。同雨漁于山觀大
水訪楞根上人留飯云。春色明朝成悵惘。溪流一瞥沒村墟。高僧先掃林間榻。
熟客新嘗雨後蔬。春感云。幾經換主園林在。終覺爭巢鴉鵲癡。陳氏草廬夜飲
云。牆頭樹影如山立。塔頂鈴聲到寺沈。

吾鄉中詩之夏夏獨造不肯一語。猶人者。梅生惕菴可稱二難。然二人面目又
頗不同。梅生作所錄已不少。惕菴則遺珠尙多。夜歸雙驂圖云。草荒徑仄夜三
更。攜影籠東道。廢城境寂多。聞如有遇心懸遠。火卻關情了。知鬼亦不到處。稍

喜園猶。日名。踽踽未須增感概。生人。吳壤本孤。征天遺惠詩答之云。稅屋荒寒暫定居。詣人來客。並稀疏俗聞妙。自施千障。曠曠遙能攬六虛。早付茶。通天下事。忻承語笑袖中書。祇殘一物難消遣。未辦奴星結柳車。二詩寫出所居荒僻。無對景象。心懸本作心孤。以與孤征復爲改作懸。然不如孤字矣。花朝孝泉招飲村店和石遺師韻云。春半南中未見春。高樓歸雁正愁人。厲風誰怒常終日。佳月相。望恐。高塵望海登邱空。意遠讀詩舉酒一神親。二分流。水從無賴。便置除憂去累身。清明有懷寄碧栖福州梅生陀菴京師云。逢辰羌亦欲云云。倚遍句闌易夕曛。疏壤涉春殊未綠。小山負海直能雲。攜家上冢傾城郭。歛寺追花盛展裙。南朔佳時端可念。等閒玄髮數奇分。石遺先生命和荷塘遇雨之作云。連塍界陌見幽塘。雨過田田送水香。未厭無花迎白墮。稍忻有繖貌青涼。高吟誰會嗟呀意。薄植虛云長養方。馮仗東君好回施。南風四月倘爭場。南普陀長至夜望月呈石遺師云。窮日盲風可小休。穹樓寥夕暫舒眸。清光無改頑山

醜暗沙。如將枉渚浮。試遣微吟迴。夙尙漫漫憑節物。追鄉愁。人間鵬鷄真何限。乞示心源學至游。感懷奉寄石遺師碧棲丈福州云。高層徙倚日俄西。似劍羣銑望益迷。又向南天見新月。依然孤處介荒蹊。逢辰集感催宣髮。貰醉馮誰續曩題。雪後看山正同快。里中春雪甚大。夢回不奈曉鴉啼。君詩體格在近人。沈子培陳散原之間。古體之佳者。選入近代詩鈔。不過十之一二。當時未見全稿也。比使補鈔。則所鈔皆近體矣。又石遺先生以和公荆重九詩命和云。半世登高共弟兄。今年獨起異鄉情。羌無萸菊資吟思。劣有杯杓對月明。展轉兵間來七字。和歌海外逮孤生。斜川早嗣東坡法。劫媿從前闕寄聲。此首君詩之最不生澀者。哲嗣達深以廈門大學學生及余門嗜飲能詩。有春盡日旅廈陪石遺先生小飲云。並少殘紅太可憐。送春何處作春筵。樓前綠剩齊腰柳。池上香遲撲鼻蓮。盡醉不妨泥似我。開懷安得酒如泉。東公怪汝輕相別。一倍還人約隔年。

余初至廈門大學。可與言詩者。惟葉生俊生。長青龔生達清。旋屆重陽。同往南普陀登高。俊生先有一律云。微霜昨夜點江濱。歲序推遷感又新。佳節他鄉回溯處。(石師言壯歲後重陽多作客)哀時詞客苦吟身。登臺杜老猶能健。賣賦相如未算貧。(近售稿得數十金)獨有家山增悵望。白雲非復舊思親。(時方丁先大母憂)余次韻和之云。橫舍高樓壯海濱。重陽風日足清新。數峰排闥如相識。冊載登臺尙此身。案有和詩殊不寂。瓶餘濁酒未爲貧。兩生青眼高歌望。昕夕過從倍覺親。達深亦次韻云。追隨杖履鷺江濱。陟彼南山景物新。下望樓船愁老眼。行看瓦礫見金身。(謂普陀寺)逢辰酒盞胸澆塊。累世師門學饋貧。風日清嘉良可念。珠璣咳唾復相親。貧韻最雅切。惕菴數昆季。皆受業於余伯兄。惕菴又將以伊川待余也。

俊生字俊生。後改名長青。字長卿。在廈學。余舉充文字學教員。劬於著作。詩亦絕去俗塵。惟過求生澀。再錄其不生澀者。三日陪石遺師惕菴丈再至虎溪巖。

云。此是從遊第幾回。溪山如見故人來。層巖觀瀑虛前約。清明約遊三節澗。未果。野寺臨流作小陪。大有舞雩風浴意。某校小學生數十來此。可無蘭渚詠歌才。只今俛仰情何限。便遣春愁付酒杯。坐雨終日讀石遺室詩。有作云。書齋課雨兼吟望。不識蕭間堂裏人。知否將公詩徑寸。依公聲調讀千巡。余嘗語俊生厲樊榭燕子磯絕句。爲能學唐人故鄉。今夜思千里。二語而變化出之。俊生體會成此首。昔人論文所謂貌異心同者矣。然達夫樊榭只末二句迴環用筆。此詩則合三句而迴環用筆。尤覺一新。又俊生讀詩抑揚抗墜。能仿余聲調。余家兒童皆以爲逼肖。雨後云。雨後山光數笏青。芒屨一路有詩情。春田處處鳴流水。可想懸巖斷峽聲。贈若掄云。由來遇合豈無天。三載辭家苦坐氈。窮海見聞惟濁浪。野花開謝自經年。心殷兄弟親朋友。地老干戈遠市廛。且喜論交疏酒肉。荒村古木傲蒼煙。題韞玄所著陝西紀遊後云。石鼓東登藐三島。華顛北睇小雙俄。題名竟過高標塔。畫壁應歌遠上河。望氣牛封知尹喜。側身鳥

瞰失秦阿。遙思青主居停處。(西北大學校長傅君聘主講)起喚汀。茫奈汝何。
至鼓山聽水齋云。枕流漱石真成癖。幾度空齋待月明。谷鳥儻知歸樹好。古泉
猶吐出山聲。句如寄公荆云。識荆不恨論交晚。積稟懸知繼業雄。用荆字恰切。
訪梅云。衝寒何處尋高格。寫照誰人善白描。江樓遠望云。雲氣漸隨雙雁盡。濤
聲無改一鷗閒。陪惕菴丈論詩云。著眼用心幾聖處。不重幹軀重魂魄。又云。世
人通病端異此。七步八叉稱巨擘。飲直園寄懷游翰明江蘇云。翰明善詩復善
飲酒兼賢聖。詩豪雄。我亦愛酒兼愛詩。詩料妙手愁空空。遣詞聊從白傅白。陶
情常共紅友紅。

游翰明養遵義人。極慕其鄉先生鄭子尹。年少力學。研究周秦諸子。工詩文。在
廈門校中。嘗呈四律。中二首云。名山著作日星垂。價重雞林未足奇。(美國圖
書館有石遺室近著)吏部精能出天地。草堂元氣入肝脾。正聲刪定詩萬首。
文獻搜羅筆一枝。莫慮壯懷漸消歇。纂修直欲到期頤。避地逍遙當泛槎。一生

強半是浮家。看山有約常攜酒。到處移居必種花。偶爾南圖嘉嶼僻。幾回西望蜀川賒。(最慕蜀中山水。以亂未果遊。)藍輿不藉門生舁。早晚登臨腳力加。可云妥貼排募。餘二首有頌禱語。未錄。年來翰明因家貧投筆從軍矣。

潮州謝幼安倬亦大學諸生。喜爲詩。時作窮愁幽憂之語。善病。忽自謂必死。要朋友作輓詩。余作一絕句闢之云。吳中名士曾求死。海外東坡亦浪傳。我勸伯倫休。荷鍤何方埋骨事。由天幼安答云。曾聞子在回。何敢造物無親古所傳。不道離騷真可反。魂招宋玉向遙天。

王孝泉振先同客厦島。少作詩。有作必穩愜。贈俊生云。久聚不知樂。將離百感生。贈言吾豈敢。勸學子能鳴。風雨猶如晦。波濤壯此行。他年多述作。記共硯田耕。

丙寅三月。重至厦門。學子勸學者。又得兩人。晉江邱立吳大玠。立字豫凡。肆力文字學。時有心得。而罕爲詩。大玠未有字。使余字之。字曰圭峰。詩筆輕倩。最近

十硯老人憶家云。客裏風情薄似紗。倚樓日日望歸鴉。一春長見相思子。不許離人不憶家。厦島滿山皆紅豆。所謂相思子也。句如春日偶成云。花事不多簾影外。春愁無限雨聲中。秋日卹居云。留客宜於微雨後。登樓好在夕陽時。潮平兩岸歸漁艇。葉落孤邨見酒旗。楊花云。一江流水無多綠。三月東風太薄情。石遺師避亂鷺江云。鷺江一片佳山水。暫得詩人作主人。再益以讀書則濃至矣。門人何寶生榮光二十年前兩湖師範生也。自安東寄懷余云。經師回憶事。申轅講座湖堂笑。語溫書局幾經陵。谷變謫觚彌覺斗。山尊八閩文獻歸。叢臺六籍菁華養道根。我是先芬叨表著。豈徒籍湜附韓門。末聯謂余曾爲其尊人表墓。第三句謂余總志局三遇兵亂志稿幾不保。

長青文字骨肉有桂林陳柱尊

杜鹽城陳斟玄

鐘凡

皆考據家兼教育家各主

任江南一大學文科。斟玄遊覽山水作遊記而不作詩。或云有之祕不示人。柱尊亦僅讀一二首。如見桂林山水之奇。登桂臺云。亂石欲飛天。其勢不可制。挺

石遺室詩話卷二十九
作萬山雄。桂臺最凌厲。我來拾級登。山頭小留滯。南望盡萬家。北望窮天際。紅塵飛不到。青天或可至。臨風一開襟。真能雄一世。倉卒下山去。恐與石飛逝。自注山在桂林。句如追題句。漏洞云。洞啓雲常關。塵來風自掃。又徑峭。或傷衣。穴窄時礙帽。又縱未盡幽深。已略明。要妙。又異邦雖信美。茲山更獨造。自注洞在北流。

山陰俞伯敷。以字行。晚始相見於京師。得讀長句數首。知與羅敷菴黃晦聞相稔。蓋不苟爲詩者。中秋次敷菴韻。同晦聞作云。雲外微芒月。暗生起看大角正。纏兵已酬佳節三杯過。難放深宵一晌明。歲久淹留生桂樹。露涼激楚變蟬聲。城南詩客當茲夕。同耐千窮賦短檠。春晚道階和尚招法源寺看花云。辛夷一過看丁香。移病游春似未妨。隔巷市聲驚夢早。入城花擔壓肩忙。衰齡三黜猶強飯。世事千篇已健忘。日日風沙暗雙眼。又隨齋鼓入僧房。二詩體格皆極似羅黃二君。殘臘夜坐有懷云。彈燭觀梅信有情。坐消寒夜賴餘醒。旋添香炷看。

煙上靜對茶爐聽浪生。舊俗漸微存節物。故園雖在廢春耕。青氈有味黃齏好。一蹋緇塵誤已成。此首氣味在放翁後村之間。句如東城臨眺云。大野黃塵古北平。客心愁送雁。南征登臺人去望。遺想入市歌來少。壯聲有談珠江之勝者。云無柳陰中無畫舫有闌干處有青山。

說詩社人多有園。離孫沈冠生有濤園。女夫吳鐵菴錄有吳園。自是林謙宣錄

折營息園。江伯修古懷營雙荔園。馬感漚光楨營及園。各有勝處。而蘇幹寶南

上校獨有宅一區。在丁戌山下軍門前。無所謂園也。一日忽成河園詩一首。徧示同社。索和詰之。則曰。屋後臨河有板橋。達對岸。有地數弓。有榕有雜樹。有短垣蔽之。官所有也。卽假以爲吾園可乎。余首成五言古二十二韻。張之云。昔余客春申。所居旁臨河。臨河籬爲牆。蒙密牽薜蘿。余復抉其籬。以河爲吾沱。一卽池。一每當江月來。穆穆搖金波。更乘江湖上。閃閃紋旋鞞。滿庭皆荇藻。花影方婆娑。損軒濤園輩。車馬時相過。夜談每失眠。欠伸眼屢搓。至今卅餘載。猶憶此

行窩蘇生有室廬頗恨乏庭柯屋後枕河流。可以耀自佗。隔河餘尺地。雜樹高
峨峨。添種幾竿竹。臨風舞。傚傚南窗此。坐對置身儼澗澗。邁逐水通柴門。板橋平
不頗。卽此爲吾園。客來足嘯歌。返照隨船來。估客肩相摩。何異挂西窗。南堂詠
東坡。何異釣水檻。比鄰喧鴨鵝。所以名河園。作詩洗白窠。因此懷舊居。陳迹陳
人多。持較臨河帖。感慨當如何。於是社中人各有詩。哀然成集矣。旣而西園
(陳文翰)鹿莊(陳壽璜)說洲(陳海瀛)如香(張培挺)諸人入社在後。幹寶
則催其補作。督促甚急。西園一首甚有逸趣。云祇園千二百人。俱河園。恆河沙
區區。茲河況復非汝有。從而園之尤近。誣蘇侯與客俱。胡盧循名責實無。乃迂
我言此園特橋耳。蓋以丁戊名之乎。(君宅丁戊山麓)許家丁卯故有例。他年
舉似詩人。廬不然以姓亦不惡。西湖有隄長。姓蘇君言我意殊不爾。平生喙硬
膽氣麤。人皆有園我獨無。入門何以對妻孥。忽然鑿空發奇想。玉津金谷成斯
須。古人牽船岸上住。非園園之曾何殊。園成不難名。不易一字知。費幾躊躇。試

呼河伯出鯉魚開園醉客春風初但周官以九職任民二曰園圃毓草木蓋圃以種菜蔬園以樹果木故毛傳云園所以樹木也許書云園所以樹果也總之有樹木即可稱園不問其大小也

題河園詩尙有可諷者再錄如下陳友漁樵句云奇哉此園寄河旁一步之闊

十步長野梅夾榕榕倚桑疏篁娟娟出短墻知君胸次萬象藏眼底涔蹄心汪

洋南牕正與園相望踞床可納園中涼黃樨觀通光云園地尺與尋河流蹄與

涔中有一詩人其量江海深慎哉彼鄰叟非理故相侵茵溷人間世蘇侯無容

心所以園雖小三上足高吟所以河雖狹仰見嵩之岑中有本事陳肖潔忻侯

句云樹影天然兼水影詩家宛似一漁家幹寶自己句云宅後隔河岸兩樹已

充切其地之小可知矣伯修句云雖無池與沼河水清不涸雖無亭與榭河梁

身可托有河斯有園長足慰寂寞董仲純子良詩云蘇子河園落成久我時適

向錢塘走歸來合眼構意園大好湖山皆我有靈鷲飛來作屋墻煙霞嵌空當

石遺室詩話卷二十一
戶。牖。無。邊。花。木。不。老。春。孤。山。寒。梅。六。橋。柳。湖。光。萬。頃。葡。萄。醅。醉。呼。白。蘇。爲。吟。友。
眼。開。乃。在。陋。室。中。意。之。所。適。忘。好。醜。河。園。河。園。安。在。哉。河。廣。如。帶。園。如。斗。人。坐。
板。橋。如。坐。船。雜。樹。兩。三。映。左。右。古。人。擅。壑。子。擅。河。持。較。意。園。略。同。否。此。真。可。爲。
河。園。解。園。矣。

幹。寶。有。社。侶。小。集。河。園。分。得。約。字。云。籐。床。竹。几。列。橫。約。六。七。吟。朋。亦。寬。綽。河。流。
涓。涓。水。自。潑。岸。樹。陰。陰。枝。互。錯。城。中。三。伏。日。輪。烘。傍。晚。河。壅。罷。焦。灼。擎。茶。把。酒。
勤。獻。酬。說。鬼。談。狐。恣。笑。謔。樹。梢。風。起。水。光。搖。衫。袖。颼。颼。覺。稀。薄。宵。分。更。看。夜。潮。
生。三。五。估。船。行。與。泊。河。園。雖。小。多。可。欣。願。客。常。來。不。須。約。

去。福。州。省。垣。水。程。百。餘。里。地。名。瑄。頭。屬。連。江。界。有。山。如。蓋。其。色。青。翹。然。拔。出。於。
衆。山。之。間。者。青。芝。也。以。其。多。洞。又。名。百。洞。余。十。餘。歲。卽。耳。其。勝。蹉。跎。數。十。年。前。
數。年。始。往。遊。山。乏。水。與。樹。專。以。石。勝。洞。屈。曲。貫。通。高。下。銜。接。陽。羨。之。善。卷。匡。廬。
之。白。鹿。杭。州。之。靈。鷲。煙。霞。紫。雲。皆。遠。不。逮。也。余。未。遊。之。前。曾。爲。人。作。一。記。未。能。

形容其真相。既遊作一律。項聯云。疊空百石穿珠曲。壁立重陁拔地生。亦不過狀其大概而已。幹寶有宿梅花樓與陳彥秋談百洞山諸勝詩。較詳云。賢豪自愛佳山水。山水亦藉賢豪傳。董公去後百洞塞榛莽。蕪沒三百年。陳侯乃繼董公起玲瓏。百洞仍貫穿。董公偏重青芝寺。猿公師子與八仙。至今巖壁遺蹟在。銀鈎鐵畫泐吟篇。深憐虎館遭薄視。似寵衆女屏嬋娟。陳侯導我搜別處。虎館實較石竇妍。履幽蹈險竊無地。窺空睨罅小有天。如蛇赴壑備蜿蜒。如蟻穿穴幾轉旋。陳侯於此補題詠。董公闕憾可以蠲。季綏（陳子兆履）涼生（林子之夏）昔同到。所惜巖洞遊未全。梅花樓頭月如霰（夜微雨）銜杯共聽溪潺湲。留詩我乏葉相句。搜奇侯媿董公賢。百洞山爲明末董崇相待郎。應舉所開闢。葉臺山相國。向高則表章福清之福廬。互相賦詩夸示。然茲山葉相國亦甚稱賞。洞中留有詩刻也。幹寶詩長多於古體。已見近代詩鈔者不復錄。其摯友二人皆能詩。一陳不浮。天聽蹈海死。不存一字。一季綏。只記得二句云。朝詠

不遺言詩卷二十九
二十
清晨登隴首。宵吟微月透。簾櫳皆借用。五言成句。

軍人能詩者。又有一黃挺生。懋和故人子穆先生。敬熙令子也。充海軍陸戰隊

旅部參謀長。巡洋至廈門。聞余在大學。停舟過訪。不見。殆廿餘年矣。握手道故。極歡。次日以詩來云。昔年支社早知名。絕世才華莫與京。海內文章曹子建。江東詞賦謝宣城。地偏難得黃花賞。市遠聊將白酒傾。父執今茲存有幾。摳衣來拜慰平生。家常語。尤見摯愛之情。支社者。子穆與林畏廬李畬曾諸人所結吟社。余亦偶與。急和之云。慣看賓客舊。兒童卓犖英姿。照眼中。難得揚帆能過我。何曾投筆始從戎。幾年索句傳師法。七字耽吟有父風。白酒黃花勞點綴。先施慚愧到衰翁。君至倉卒無以餉客。惟對酌膏粱酒。下以水果餅餌。校中菊花不少。少佳種者。故君有地偏云云。支社專賦七律。故有七字耽吟云云。

續得挺生詩數紙。再錄如左。輓唐庭孫云。戰馬悲鳴失主回。徒令籌筆恨難灰。臨流空灑英雄淚。酌酒長增壯士哀。未報風雲收大澤。欲從夢寐覓泉臺。祇今

血染陳陶水。猶作江頭匹。練來此詩佳。在處處。切此番戰地。第二句是參謀長語。句如贈經夫云。偶得奇書思共讀。久藏斗酒待同傾。馬江夜泛云。潮聲夜入江干寺。蜃氣朝浮海上峰。登長門礮臺云。不與滄桑同換劫。我心深淺問蓬萊。登東山石室云。滄海波濤難渡鳥。遙天風雨欲沈山。君年少治軍。豪壯語自其本色。而花朝句云。燒殘銀燭還同賞。寫罷蠻牋已廢眠。又清言何綺矣。

余敘天遺詩。嘗言樊樊山平生以詩爲茶飯。天遺亦然。說詩社中人。陳梅峯亦庶乎近之。初入社時。每間三數日。必以詩笥至。至必數首。不啻日課一詩矣。先錄其斷句之佳者如左。春感云。似我慣聽僧舍雨。避人還倚酒家旗。如何能制懷歸淚。一箇西湖一卷詩。又云。心隨歸雁穿雲去。詩似寒鶯出谷鳴。晤愛吾云。夢中相見猶肝膽。亂後何須問漢秦。雨意初來深院後。雷聲欲作大江春。登望耕臺云。天公爲破幽人顏。雨隨詩意生。遠山聞東巖。山開詩社云。來遊祇覺風盈耳。入夢頗疑松生腹。行吟時與濤聲和。長嘯能令山鬼伏。西園師見示和舜

卿詩云地僻每思長日臥眼明忽覩故人詩秋懷云三百里頻增客感十餘年漸長吟髭人日集息園云社人初集庚申歲社事中與甲子年問世不殊天寶亂題詩欲續草堂篇修墓云行子坐爲衣食累還鄉況有亂離憂懷壺社同人云春半還山猶未晚劫餘對酒恐難狂和感漚崎江榷舍作云監稅詩人原有例移官亂日爲無田舊耿莊云平池水積兼旬雨繞徑花爭卓午晴飲友人家云止雨喜看燈市鬧入春漸覺醉人多與秀淵虛谷云不爲飢驅寧作吏直排衆論以爲詩和感漚云我說還鄉子閉門半生此願各空存送叔藩云送君便有留君意十里蘭陂水可漁歲晚云珍茲毛羽推孤鶴耐彼風霜敬野梅五言如花朝集半野軒云天桃欲灼人穠李如隔幔盈盈出畫堂盛服以待旦寫得出立春後買花云坐看春意足便算吾年豐春曉云鴉先羣鳥曉蜂占百蟲春全首者如題林楓丹西湖把釣圖云三山之間富山水何處不可容釣徒而君掉頭不肯住去釣於越之西湖一竿在手日卓午蒼茫獨立孤亭孤千章古木

水一曲。晚風謾謾生。菰蒲定知旁。有漁父笑書生之見。何其迂。不辭千里觸熱。至終朝垂釣魚。則無不知君意。別有在故鄉。無此好畫圖。因之著箇似漁而非。漁陳澤觀鳴則亦題此圖云。湧金門外客。夥頤銷金鍋裏誰。可兒管絃車馬日。填咽問君何處垂釣絲。君言三潭印月底。綵繚寒風衣袂起。遊人畏晚不肯留。此地此時意。釣耳不須更問魚。有無興至而行盡。而止何人爲寫好東絹。手捲湖天入行李。歸來坐我高齋頭。耳邊髣髴聞流水。題頗寬廓。二作皆能束之使

緊。

梅峯有觀樓。含章指書云。八口憑君食指。食一指可抵千萬筆。當其興酣落紙時。指揮顧盼風雨疾。有時見指不見書。靜如治絲細引結。有時見書不見指。動如龍蛇走鬱律。張顛以頭君以指。書家創例乃有匹。抵抱撇捺指用四君也。去三用其一。筆工聞之爽若失。有生便與筆俱來。彼中書君可不設指書始於何人。未考樓君名卜雄。諸賢人嘗爲梅峯書聯貺余。

梅峯七律。如林莊約舜卿不至云。漁叢野艇。水平湖來。寫荒莊主客圖。林杪鐘聲搖欲定。門前屐響認還無。江樓春望有懷蘭蓀云。浮嵐輒翠滿江樓。如此春光合出遊。歲始愛聞人語樂。天晴彌覺鳥聲柔。元旦聞雷云。此是開年第一聲。東鄰野老最關情。或云。盛夏憂洪水。又恐中原更構兵。皆聚精會神於上半首。嘗論七言律不易討好。卽在意不足。鋪頌八句。則後半往往妥適而已。其入春一律云。入春事簡早休衙。愛聽家人笑語譁。嬌女斷葱成短笛。雛兒然爆作飛花。漫云小巧終何用。也算靈心漸有芽。鐙節已過須上學。且將紙筆任塗鴉。此首氣勢不及前三首。然卻完全似放翁。

梅峯哭其師西園五古四首。情詞切至。格調不落恆蹊。以頗長未錄。其社集雙荔園懷西園師翌日至林氏祠議師葬期云。棟花白後。詩人逝。荔子紅時。獨客悲。此夕何心數鄉物。明朝有淚對荒池。湖天百尺營無日。香火三秋薦有期。滄海門生淒絕處。江干丹旆望多時。社人議於九日祀西園師於宛在堂云。準擬

迎公祀水濱。瓣香報此苦吟身。後村不作將千載。趙璧而還祇一人。孤鶴難收清夜唳。老梅苦憶去年春。從今躑躅西郊路。湖月林風助愴神。哭友漁社丈云。干戈倥傯謁元戎。肝膽輪囷共我公。亂日理財猶用士。平生抵死不言窮。林亭飲罷荷花白。湖海魂歸荔子紅。最時夜深悽絕處。劍池水滿月當中。吳園觀荷云。南植紅蓮北白蓮。淡粧濃抹若爭妍。吳儂生長湖山曲。用蘇句。管領名花六月天。園近北湖越山第三句借用恰切。

石遺室詩話卷三十

桑溪爲近郊最佳處。余數遊無詩。只有一記。卽同說詩社十數子往遊所作。諸子詩佳者頗多。西園一律云。一冬失計掩柴荆。如此溪光不出城。平野無花霜葉艷。遠山有雨溼雲橫。稍添亭榭真堪畫。便買田園欲退耕。盡興晚歸還縱酒。潺湲猶帶耳邊聲。句云山猶龍啓通文。舊地與東禪聖井連。言閩王與後宮禊遊舊迹也。友漁七言古句云。兩山屈曲夾溪流。溪流如腸石如齒。剗苔剔蘚見題字。文人好事石爲紙。幹寶云。未知溪流處。先聽溪流聲。山迴忽見溪。奔湍何澗澗。溪石列嵯峨。洶湧如吐瓊。褰裳俯溪流。眺詠適我情。

同社哭西園詩。佳者甚多。西園行已接物。無可疵議。而學問切磋。同人交誼尤摯也。黃樺觀云。年來汐社數交期。尊酒論文喜賞奇。寫照臨湖君始病。築樓故里返。何遲番風。棟子傷春日。卒於穀雨後。斜月梧桐絕筆時。昨夜夢中嗚咽起。淚痕墨瀋共離披。樺觀句如人日出園招飲云。又於人日題詩句如坐春風。

長筆花示卻店云。羽毛豈爲卑。栖鍛文字終當亂。日昌和感漚。崎江權舍詩云。羣山高處雲仍懶。一水忙時客自幽。晨起四山皆雪。同人約作禁體云。左鼓不鳴。右旗掩騁子。妍辭事酣戰。嗟嗟世界方苦寒。高處更寒。君莫戀。

余去年別營小園。以其小而方也。名之曰困。困古窗字。多栽桃李花。方春已有開者。宴客於此。其時尙未定園名。故陳說洲詩云。樓屋新成未著名。食單先遣議門生。息園春色終當讓。人日題詩不敢輕。座上衣冠皆舊對。庭前花木有嘉聲。歸來醉墜初無恙。熟視泥塗意自平。飲歸墜車。往歲余多於人日宴客。嗣謙宣成息園。適有牡丹。遂讓其作主人。乙丑年後復歸於我。故此詩第三句云云。亦一故事也。醉墜用少陵詩題恰好。

又余每於春盡日宴客。甲子春盡日客鷺門。有寄懷說詩社諸子云。說詩社中廿許人。一歲飲我數十巡。杯盤肴核束脩意。酒脯言報勞精神。惟逢人日春盡日。匹園主人不作賓。園中花發本造次。一春粧點差紛綸。山穀野斂集諸子。詩

篇明日投鮮新。年來避兵因旅食。樓居望遠江海濬。柳條弄色偶一見。不知幾處花飄茵。今年春盡尤無賴。愁紅數朶度芳晨。不差老去效年少。早共兒女悲沾巾。諸君今日在何許。息園春抑吳園春。有詩定繼賈主簿。誰和寂寞眞山民。此詩社中和者只數首。林西園一首似亦未工。說洲和韻云。李膺孔融通家人。門闌望拜時。逡巡堂堂海內文章伯。驅使萬卷如有神。每從滄趣聞論列。南皮開府舊上賓。可仕不仕名愈重。扁舟散髮歸垂綸。一篇出手傳萬口。餘子駢汗走驚塵。邇來說詩坐里社。靈光下燭閩海濬。酒酣以往聽滾滾。不愁爛醉汗車茵。生郊戎馬花事寢。坐傷龍尾占伏辰。迢迢鷺島隔一水。風流想望林宗巾。新詩遠捧意隆重。故園春盡逾思春。松枝東指歸訊近。佇看近集鐫手民。時說洲初入社。故首從未見面時。說起末辰民二韻。最爲工切。題海南所居云。歲輒三遷似轉蓬。去將安適鼠方豐。東坡詩亡貓鼠益豐。瘴鄉地溼常疑雨。老屋窗虛易受風。啜茗漸教諳世味。灌花聊與補天工。牆東容我須臾臥。堂上俳優舞。

未終。

昔劉知幾言修史文字有貌異心同者。詩亦有之。余往在京師。遊慈仁寺。有句云。眼中春物百胚胎。曾剛甫極賞之。說洲於乙丑。人日。匹園招飲。有句云。春前新意湧如泉。七字只一春字相同。而結想則大同小異。一寫北地之春。一寫南方之春。冷暖異也。

說詩社中詩才敏捷者。有伯修謙宣。

林葆所

感漚。伯修謙宣皆有詩數百首。感

漚詩未多見。然頗有長篇。茲錄其近體數首。丙寅上巳。西園同年入祀宛在堂。與祭感賦云。經年未與西堂祭。爲汝千秋始。一來花樹有知應。憶舊（曾同西園評花湖上）湖山無色若銜哀。是日陰雨。流螢門巷人何在。西園有門前人比流螢。少句。斜月梧桐夢不回。夢時我還家。落日搖江楓。醒時我在客。斜月明梧桐。爲西園絕筆詩。賸有瓣香酬晚集。奠餘掩淚幾低徊。流螢斜月各句。范德機所謂語太幽。有鬼氣者也。今適供感漚一聯。詩料何等渾成。

何等悽惻。不再論於西園名下矣。示劉伯遠都轉云。文采風流。故自賢。白頭淪落。豈關天美官。不換三竿日厚精。何如數頃田。濁世功名投溷上。照人肝膽見花前。祇今若作平生錄。醉舞狂歌二十年。同天遺箔屋介菴湖上。看月四鼓而歸云。疏林澹月舊朋知。適意平生得幾時。春夢已隨流水去。煩襟欲借好風吹。酒醒鬢影空相惜。人靜湖光若可私。生事明朝渾不管。偏看三匝鵲無枝。次如香湖遊晚歸韻云。野草繁花自鬥妍。短程多事著先鞭。別留面目看湖水。浪擲文章換酒錢。俯仰意超臺閣外。嘯嗚氣盡簿書前。勞生何似閒身好。爛醉場中自在眠。句如苦熱云。惡木盜泉時自審。焦頭爛額亦徒然。不信麾戈能卻日。只除舉扇與遮塵。皆陳蘭浦所謂不同。困臥紙上者。

謙宣長篇。以輓江杏村侍御。爲最妥帖。排纂云。伯父文直公。四十轉御史。一疏獨批鱗。申飭奉嚴旨。再起益敢言。南荒貶萬里。潮陽與夷陵。時論持相擬。公亦列門墻。直聲真可比。戊申客宣南。階前識杖履。公方入烏臺。特達百寮底。朝野

不遺字詩話卷二十一
二

慶得人想望風采。始行人避馳馬。婦孺識直指。惟時臺諫官。仗馬寒蟬耳。而公獨嶽嶽誓必肅綱紀。本初竊國柄。早已懷不軌。手握畿輔兵。目睨帝王璽。公首揭其奸。奏章震遐邇。風雨已如晦。雞鳴猶不已。同惡有慶父。最不飭簠簋。苞苴夜進門。詔命書出已。爵如羊頭濫。官皆驍頭鄙。公謂此巨惡。不去難不止。瀝血以作書。剝肝以爲紙。伏闕至三四。自分無生理。冲聖憐汲黯。但把多衣襦。溫詔返詞曹。猶近天顏咫尺。主恩自優容。臣母已暮齒。請乞骸骨歸。一慰門閭倚。權貴交相賀。謂莫余毒矣。詎知善人去國步。卽傾圮。橫涕望西陵。孤吟滯九鯉。空山甲子年。臥病遂不起。我忝附通家。束芻寄哀誄。地下逢文直。定爾訊猶子。爲道落江湖。種種髮如此。近體如林西園入祀宛在堂云。重修禊事及春三。雨歇風漪接。遠嵐度地待。營香火社。時議建設詩社。招魂先妥水雲菴。此堂風月無邊好。一盞寒泉分外甘。算是湖山眞作主。年年兩度拜詩龕。一片時占作湖山主。西園句。一試燈節集息園。呈石師並示同社云。客子歸裝欲浣塵。一與師均

歸自夏。直園先占息園春。人日事。舊醅人日初開甕。是日開八年舊醅。
佳茗天心試入脣。余方得天心巖奇種。燈影還如前度好。鬢絲卻較去年新。
高樓尙待湖西築。來歲題詩滿水濱。句如聞石師說青芝之勝云。咽喉保障資。
防海巖洞深幽別有天。湖上偶成云。水暖人家初放鴨。草薰野徑漸聞蟲。石磯。
得雨長新綠。村店沽春發。醉紅以薔薇贈林紀洲云。如此春光不容惜。亦知來。
日已無多。雨後同林鼎燮張秀淵澄瀾閣茗坐云。柳色自青吾髮白。雨聲乍歇。
夕陽斜。大風雨同伯修師晦飲開化寺云。風雨不違前日諾。湖山收入早秋詩。
同秀淵伯修飲洪橋酒樓。將遊塔江寺云。策杖來尋臨水寺。登樓先看隔江山。
過橋合讓誰題柱。遯世何妨隱抱關。洪塘道中云。一塔江心知有寺。數家水曲。
不關門。土人能說張經略。里社猶傳翁狀元。挽王俶田云。已將世事還能者。爲。
問伊誰是。可人次西園來韻云。典裘買宅真奇絕。卻爲藏書拓一窩。九日飲息。
園云。世亂無如貧賤好。城危差幸室家安。烽煙未熄笙歌起。幕府高開井里寒。

同觀心玩月云疎影梅花容我補傷神詩句得秋先料君別有難言隱對此蟾
光覺太圓過濤園視觀心云此情於我成陳迹偕隱輸君未棄官時君與觀心
皆經悼亡也陪螺江太傅遊石鼓云今宵崇讓里明日給孤園小雄觀瀑返大
頂宿雲屯皆穩切大略律詩注意中二聯流轉可誦者多題栖隱村云茲山未
聞名惟子乃得專子名日以大山名日以傳當時鄭夾漈（村有路通夾漈）今
日陳莆田又云我家在城市所恨遠溪山子家近溪山乃復居市闔請將栖隱
村換我水流灣

往者林贊虞侍郎

紹年

喜山水游而罕作紀游詩令子子有

傑恆

提學無游不

從侍郎逝後子有時出游亦未讀其詩近從其從弟謙宣抄詩一束見示喜錄
數首沅叔以九日出遊將由祕魔厓道香山以達大觀寺卻寄云記踏京塵又
七霜登高幾度過重陽馬蹄得得成孤往雁影年年負故鄉坐對黃花認佳節
可無紅葉作秋光幽懷輸與藏園叟排日藍輿叩上方重陽後一日挈內子恩

姪文女游祕魔厓獅子窩觀霜葉云。霜風獵獵展重陽。舉宅藍輿叩上方。濃翠樹如爭晚節。殷紅山漸鬥妍粧。老妻解說看松好。弘德寺前有松數株奇絕。稚女渾知拾橡忙。似此刑于良不惡。一邱何日課耕桑。不知者必以刑于二字爲腐。不宜用之於詩。然少陵詩云。山鳥山花吾友于。董文友詞云。山鳥刑于山花友于用之。正見其趣。展重陽係十九日用之。重陽後一日亦無不可。句如謁先文直公墓云。壯健江聲仍隔岸。青蒼松影漸參天。艱難萬里爲歸客。離亂重來定幾年。次卓爲登高韻。寄謙宣弟云。茱萸例作詩人料。松菊懸知舊徑荒。雲梯庵云。人語落松顛。不記有人說過否。尚有寄園落成五古數首甚妥帖。以有刺時語未錄。

說詩社中以詩爲性命者。無如林西園。初西園未入社。余見其秋日雜興二絕句云。中原此局算衰殘。蕭瑟江關活計難。白髮黃金雙怪物。看人老大與飢寒。肯損秋齋一夜眠。望空微喟擘瑤箋。七分星月三分雁。占斷東南萬里天。此

等落想不凡。似惟東坡集中始有之。又二首云。朱顏綠髮舊風姿。笑向秋霜一
致辭。大勢今年侵略盡。鬢毛直下又吟髭。未敢人前詔獨醒。霑膺小飲本無名。
一杯一石同時醉。紫蟹黃花爲不平。則誠齋放翁有之矣。西園初學昌谷間。以
玉溪生入社。後盡捐故技。一意爲雅健沈摯之詞。佳者不勝錄。摘錄其警句如
下雨後至湖上云。孤亭斜日望悠悠。不爲殘鐘定去留。天遣雨師驅俗客。我將
炎暑當清秋。答仲純海嘯紀災作云。獨使書生憂水旱。幾聞官府念飢寒。送春
云。何方不遣晨鐘動。分付前山解事僧。游鼓山云。舉家來遊佛不嗔。佛以山色
爲施。捨此行意在山水間。禮佛齋僧皆虛假。又云。懶僧長以水撞鐘。古佛惟將
石作瓦礫泉。爲耳謀清涼。風葉著身飾幽雅。和謙軒息園落成作云。吾家豪俊
世所驚。卜宅酒術常清醒。又云。藏書萬卷不屬意。意在梅譜兼鶴經。題秀淵知
非齋詩云。能作雋語似王孟。能使勁筆如韓蘇。一家之言不足學。死守門戶真
庸奴。幹侯四十生日索詩云。今之爲關能賦詩。未有詩人習爲暴。所憂索詩如

索逋。搥門向我搜括。到歲暮。政求雞犬。寧腹貧。自笑筐篋。倒人日說詩社。初集
息園云。人如社燕。重尋約。詩似春雪。未發聲。寒雨撲簷。髡樹立。雜花照酒蠟。燈
明。李生爲作秋山行旅圖。並以詩來云。邱壑不關年少事。畫山只合贈山人。觀
製造鑄幣及槍礮云。酷哉富媪至不仁。是生五金鑄萬惡。貝幣不行錢法起。矢
石無威火器作。又云。我來有聲發屋梁。雷公風伯紛搏攫。輪扁何時掣萬輪。追
奔定折夸父腳。又云。弭兵之事今所難。聚鐵未爲鑄大錯。看君造錢如泥沙。一
揮可填萬谿壑。看君造兵如山陵。昆吾爲墟若耶涸。九府論功駕桑孔。四疆作
戰資衛霍。聞石遺師談百洞。山之勝云。說山說皮不說骨。鬼斧神工寫未出。夷
者拓爲梵王宮。奧者造成虎豹窟。木貧石富水絕無。鬼面焦枯見凹凸。此山當
以怪動人。左旗右鼓空齟齬。古藤花曲云。公館不合栖虎貌。繁條礙路花豈知。
將軍斫花如斫賊。威猛有過封家姨。末云。願君惜取斫花手。迴轡斫賊清。四陲
感時云。行邊無數龍淵劍。道是橫磨卻未磨。送師範學校講師歸日本首云。天

石遺室詩話卷二十一
六
雞引吭若木顛。蓬萊萬里來飛仙。佩囊相向出丹藥。能換凡骨登九天。中云國
家文獻歎衰謝。擔荷絕學勞仔肩。神州史事不可道。緘口欲學磨兜堅。坤輿一
日蹙百里。俛仰圖籍應涕漣。仙人胡爲亦不樂。一指烏石辭青氈。說史莫說甲
午。後畫地莫畫東南邊。末云國仇師恩本二事。隔海相望山娟娟。過薛公池云。
學貴普及今所聞。載當以車量以斗。十年以後斯道危。六經駭視如蝌蚪。觀頤
和園云。一花一草中人產。爲土爲沙太府錢。以上數題皆語意之近沈痛者。
全首如過必隆刀歌云。過必隆刀七寶鞘。黃門跪進黃袱包。錫比麾鉞專征勦。
重器不屑剗犀蛟。待吸頸血貴人顛。紫光勳臣斬蒿茅。白頭解甲鳴金鏡。懸之
太廟球圖凹。殿上貔虎寒不號。乃孫不肖弓裘拋。祖刀斬首懸竿梢。至尊輟朝
后。徹庖方今疆圉蹄跡交。風雨漂搖欲危巢。管蔡啓黷矜魚然。安得請刀太廟
誅羣。呶此爲端莊二王興義和團作也。格登山御碑歌。筋節音節俱好。以稍長

未錄。

西園悼亡之作。沈痛中尤有想入非非處。淑慧哀詞云。來無所住。去何依。夢裏頻伽得並飛。一十七齡壽者相。升天入地兩非非。靈臺無礙極周游。修到泥犁不易修。解脫恆河沙數劫。菩提樹下駕春虬。維摩十笏現樓臺。卿爲人間苦惱來。就我造因渾不了。生生有我住塵埃。哭淑慧云。嫁得文簫解畫眉。崑崙石爛總堪疑。平生不信銷魂獄。直到天荒地老時。土花蛛網滿羅帷。十二筠簾月上時。眉目肌膚都想見。癡心還是生離句。如天上長河海上山。夢魂未忍覓紅顏。騎鸞爲我呼箕伯。吹散情天萬種愁。欲併一生千斛淚。勻泥作墓葬文鴛。丙午五月初一日句云。昨夜夢化人。導見枯骨枯。千八十年前。花貌將雪膚。中元節祭先室人云。一念幽冥動百哀。中元法食望歸來。杯盤悔乏齊眉舉。衣髻惟餘伏枕猜。又絕句云。一杵霜鐘百感灰。漸知貧病是輪迴。萬錢營奠曾何益。要補山門幾樹梅。

其他警句。如中秋夜陰雨云。何時吐明月。不使黃霧塞天上。無蝦蟆。天下無盜。

賊春夜渡揚子江放歌云。我將舍舟尋岩嶠。倚樹爲挂箕山瓢。藏光韜形避帝堯。勿以萬乘臨漁樵。不忍池魔窟歌云。萬人爲鴛。萬人鴛。日日看花花。花曰否花。不如人人看人。薔薇嬌。罌櫻桃口。除夜有成云。木有怒根能揭地。雲多怨氣欲熏天。末云。約略平生如意事。醉呼殺賊夢游仙。聞都中大僚死事云。本意閉門觀鬥蟀。卻賠一命殉山河。七月初三日喜雨云。颯颯似聞天。雨粟彎彎不記月。如弓聞陳一齋先生入祀宛在堂。寄鑑寶云。邊事雖非吟事在。平生此意愛蘇南。題陶靖節圖云。典午雖亡粟里存。宋未爲得晉未失。此巾曾漉鄰家酒。此服未入督郵室。又云。國亡不忍看禾黍。歲晚何心飽粳秫。五言如積書傲將相。不讀亦解顏。天意造離亂。似如此公閒。吾儕有創論。作詩勝餌藥。對花夜坐云。花意勸行樂。無爲傷時艱。海天閣云。白雲挾出山。一臥事不易。

閒適句。如草痕界斷雙江路。山色粧成一橐詩。做美天收初夜雨。運行人戀故鄉山。繫馬屢愁山雨至。易衣時覺酒痕新。萸酒醉呼山鬼共。風箏響並塔鈴高。

有確似長吉者。如一雙鶴。鷓立不叫。枯枝久絕樵斧迹。我哦楚騷心膽涼。石幢忽墜蟾蜍魄。有故作趣語者。如閒與老妻同一權。自矜湖上載西施。

詩有不甚費力而自佳絕者。如陳友漁宿雪峯寺云。遠寺峯巒出水蓮。又如百獸護參禪。野雲歸後鐘初杵。林雨收時月上弦。說法老僧八十歲。開山古樹一千年。沙門也喜邀游客。蟹眼新煎卓錫泉。第二聯使人讀之不厭。明遠樓雨中望石鼓云。雷雨翻空屋宇震。溽暑中來涼一陣。黑雲接山作山形。石鼓驟高數百仞。大峯小峯皆茫然。如懸瀑布如湧泉。萬松化龍得雲雨。何不掉尾吟吾前。此首則似乎師子搏兔。用全力矣。然看去亦極自然。春感三首之一云。花朝底事負良辰。藥鼎聲中百感新。問世心隨春色謝。思鄉意到病時真。纏愁欲祝蠶無繭。愛靜生憎燕作鄰。尺素遠來多晚輩。始知身已老風塵。聞石遺師談青芝之勝云。夢中曾過萬松關。耳食如經百洞山。遊客詩詞題壁在。先生杖履帶雲還。石多怪異嶽峩狀。人歷玲瓏剔透間。名勝豈能皆眼見。聊將想象當登攀。時

君尙未遊鼓山。故首句云然。過鼓山禩院云。院後羣松欲化龍。院中寂寂不聞鐘。過門已識閒僧懶。一任疏蘿上破墉。花朝集半野軒。因病不與云。風塵息影早知難。偷得閒來病亦安。已覺連朝逃酒陣。豈惟今日避詩壇。新雷破夢燈光小。夜雨添愁藥鼎寒。又是池魚長尺許。不堪欹枕念春盤。重九日伯修哲菴招飲。卻店樓云。高風吹我上高樓。小樹陪人占小橋。筆架暮城聲隱隱。茱萸歸夢路迢迢。吳園有酒江園醉。三月名花九月嬌。櫻桃忽開。遊篋歸來剩何物。秋光猶帶廣陵潮。時君方遊江浙歸也。君年將五十。始肆力爲詩。其深造如此。高達夫未能專美於前矣。惜見其進未見其止也。遺稿名丘園。

友漁斷句。時有力避。凡近者如登海天閣云。大石兩旁題作碣。閩江萬頃縮爲池。又云爲報京華遺老道。苔痕不上落成詩。生子戲答肖絜云。爲人牛馬如足賀。一飽還讓君先施。時肖絜亦纔生子。集濤園有懷社侶云。松濤欲捲新詩去。社燕相思舊侶來。公讌陳太傅云。重來聽水東山屐。俯視滄洲百尺樓。月夜

由白沙泛舟而下云。兩岸漸平。江漸闊。一輪初掛。汐初來。登金山云。北固山垂江岸。盡中冷泉對寺門。清焦山秋望云。江樓借我消殘暑。天塹供人入小詩。五言如月夜登貴庵山云。拾級叩廟門。攜月想入室。初夏冶亭小集云。及時聚三益。垂老學詩囚。憶栖隱村五排。以稍長未錄。

題棲隱村圖詩。同社皆作幹寶作極爲自然云。畫中風景吾能說。一度幽探老不忘。最好橋邊添酒旆。未應山腹失僧房。急流投澗雷聲大。怪樹擎雲鬼臂長。有屋數間田十畝。此鄉不隱何鄉句如特觀云。溪魚味美羸封鮓。山芋年豐異采薇。梁芬敏禹瓊云。君家栖隱村。隱者在何許。惟其人不傳。有之乃千古。芬敏近長齋。皈佛並詩亦不爲矣。伯修云。君看天下山水奇。終須詩人幾首詩。

秀淵

張葆達

善評詩甚嚴而當。自爲詩亦務求剝膚存液。常欲以少許勝人多。

許余已選數首。入近代詩鈔。近出其年來所作。則矯健無前。如七月初九夜大風雨和鹿莊作云。風雲雷雨日月星。一元默運天蓋高。哲謀肅乂過則玩。於秋

行刑無可逃。帝乃震怒。命風后。汝位東南。權其操。又命汝龍爲之。貳爲朕髮。櫛而苗。薶臣后。臣龍拜稽首。千乘萬騎。揮弓刀。山移海倒。沙石走。雖有巢窟。誰堅牢。含沙射影。在在是。山都木客。時時遭。伏莽則蝮蛇豺虎。吞舟則蛟鱷鯨鼈。下至蒼蠅赤蟻。醜附臭穢。以爭腥臊。凡爲民害。殺無赦。如掃枯柢。如燎毛窮。簷何知坐歎息。四壁滲漉。聲颼颼。非常之原。爾勿懼。從來永逸。當一勞。因嗤蘭臺侍從陋。雌雄貴賤。陳滔滔。又怪漆園莊叟誕。衆竅大小。詳踈濠。豈知迅烈。有必變。聖也修省。況吾曹。亂國重典。古有訓。嗚乎安得士師。咎嗚乎安得士師。咎題友漁。栖隱村圖云。四山夾澗。泉潺湲。晴耶雨耶。迷雲煙。樵夫牧子。三五輩。山上村落山下田。披圖我疑非人世。欲往從之路。渺然匡廬金焦。豈不好。終覺俗物汗林巒。何如茲山。落荒僻。魚鳥花樹全。其天山人在山。山自幽。山人出山。山更閒。世無知者。子勿惜。縑鑿須防謝山賊。和吳哲庵遊山遇虎云。聖王不作。暴物熾。冥穴翬剪。無專職。豺狼橫道。蝗蕃田。殺人害穀。日千百。有虎有虎。名雖暴。荒山

窮谷自成國。飢食藜藿渴飲泉。於世何尤人。何迫子不戒。慎犯其境。虎寧怯懦。
爲子匿。威能攫人。不用威力能吞人。不恃力始知大豪巨猾賢。猶勝煦仁子。義
賊夷狄則進門牆。揮斯義吾當斯虎。直風高月黑林莽多。目睛夾鏡爪牙磨。一
聲長嘯千巖過。人間弓矢將奈何。

近體如冬感二首云。大雪南方猶未雪。斷風無力雨霏霏。陰晴預課簷前鳥。寒
煖頻更身上衣。書爲授兒溫。漸熟詩將寄友看。還非去年今日豹屏路。秋後霜
林映夕暉。入共朝餐出晚鐘。官齋隨伴又經冬。事稀顧我猶多愧。秩散於人倘
見容。宿雨能青深淺竹。閒雲欲暝兩三峯。莫嫌風物歸蕭瑟。拾自詩人意便濃。
二詩雜諸劍南集中。殆不能辨。和感溫崎江榷舍之作云。士不功名臺閣間。何
如吏隱返鄉關。五年官舍科羸絀。一權江流習往還。力可十千呼美酒。醉輕百
萬買紅顏。浩然更有湖山興。野鶴沙鷗相與間。原詩有但祝篝車如願後。湖
西日暮一扁舟。故云。昔沈子培論詩以爛熳爲最佳境。以上三首近之矣。此

首起調獨生新。次韻無競上巳日社集娛園兼呈如香云。無競風情落幘巾。閉門索句不知春。如香才調紛珠玉。掃徑迎賓更可人。一醉借名三月節。孤吟自斷百年身。直呼花氣相推激。更遣燈光照苦辛。和芬敏屏山晚眺云。山連北城壯樓與白雲齊。此地十年到吾詩。七字題臺洪江上下。旗鼓嶺東西。未敢多延佇。天陰戰鬼啼。以上二首洒落不羣。前一首格調生新。同芬敏翼才如香暮遊北湖云。環城一泓水。隔水幾家村。婦剪抽畦菜。童收臥地豚。虛舟待野客。趁渡傍林根。點點山鴉盡。重重嶂日昏。此首亦是放翁。

陳西園詩善於斬關奪隘。如題栖隱村圖卷云。前人結茅傍山麓。本願子孫守樵牧。陳侯生世誤。讀書塵土功名悔。馳逐懷歸寫此青山青。眼中雲氣栖窗櫺。慢藏一旦發。局祕譙讓正。恐來山靈吾州名勝略可匹。卅六洞天得第一。逢人未敢誇。桃源今當戎馬縱。橫日此其下半首也。南臺志社詩樓成詩以落之云。高高越王臺。月照作詩苦。顧茲窮事業。只合託賃廡。羣公雅好事。拓地作豪舉。

慘。營。此。樓。歸。然。瞰。平。楚。山。川。信。壯。闊。雲。物。供。區。處。秋。聲。正。西。來。江。流。自。東。注。
此。其。中。段。也。四。十。初。度。感。賦。云。吏。俗。賈。人。賤。其。志。將。毋。同。而。我。不。自。愛。兩。役。嘗。
兼。充。一。旦。俱。舍。去。快。如。鳥。脫。籠。只。無。儋。石。儲。何。以。閱。我。躬。獨。共。庭。樹。語。天。不。輟。
嚴。冬。本。實。苟。未。撥。何。歲。無。春。風。答。梅。峯。冬。日。感。懷。云。十。載。困。抱。關。自。拔。苦。不。早。
吁。嗟。兩。少。年。幾。共。析。聲。老。我。既。幸。脫。鞵。君。亦。悔。戀。阜。夜。寒。放。膽。眠。裳。衣。免。顛。倒。
如。何。鮮。旨。畜。出。處。復。草。草。以。上。二。首。皆。工。於。嗟。歎。者。題。鹿。莊。哀。妹。辭。後。云。比。雪。
能。香。比。玉。剛。見。危。授。命。事。堂。堂。九。壇。誤。祭。洪。經。略。生。死。殊。途。各。反。常。詩。共。四。首。
命。意。頗。不。猶。人。此。其。末。首。

陳鹿莊

壽璠

天懷甚坦。向所爲詩。歡娛多而愁苦少。近出一卷。則婉而多風矣。

如凍鶴云。乘軒夢冷臥青田。風雪瀾漫歲晚天。孤立不爭雞鶩食。茲寒一任甚。
堯年感事絕句云。肚皮滿不合時宜。有癖耽吟徹底癡。至竟老妻最解事。輕裝。
爲附劍南詩。亂至辭官計已疏。閉門未許賦閒居。匹夫無璧誠知罪。深悔當年。

石遺室詩話卷二十一
十一

誤讀書。兵戈滿地。世堪哀。歲暮爭投避。債臺不爲居。貧爲辭。富輕劬。我亦渡江來。西崦人家靜掩扉。大難賓至竟如歸。終朝一飽無餘事。帶眼多應放舊圍。不愁寒也不愁飢。散步長廊覓句宜。歸去自佳留亦好。偷閒日課兩篇詩。白頭翁云。山河危涕未曾收。雙鬢星星隻百憂。野鳥那知興廢事。等閒霜雪也蒙頭。暴雨云。濃雲潑墨勢如傾。飛鏃縱橫猛可驚。驟至料無終日理。看看簷霤且收聲。除夕云。騰騰爆竹一年終。城市山林約略同。也與吾家存漢臘。更兼遺俗襲幽風。明年租稅先期了。今夕杯盤盡意豐。定爲舊題無好句。故教守歲草廬中。村舍雜詠云。柴扉換新符。倒置君莫笑。識字憂患多。荷鋤飢可療。風較城中大。月比城中多。宜冬不敢知。宜夏夫如何。雄雞從其雌。得蟲輒疾走。行行若倡隨。爭食忘其耦。野步云。草木及春萌。看山趁晚晴。歸牛知路窄。側立讓人行。散步前村云。兵塵不到水雲鄉。家住桃源日月長。野老那知新服製。笠簑未改舊時裝。邨翁邀往前山觀桃花云。一叟前行拄瘦筇。度阡越陌幅巾從。天公早把丹青

筆點染山頭春色濃。以上兩三詩頗有野趣。

舊詩留余處者。再擇錄如下。立春後六日。西湖公讌。並度地建說詩樓云。人日佳招欠一詩。立春又泛息園卮。大難風雨同羣集。自古樓臺近水宜。亂後祇餘文字樂。醉中不問別離期。(鄂樓謙宣將遠行)湖山也有留賓意。濕葦寒庖飯。熟遲林西園。同年入祀宛在堂云。昔日湖堂共倚欄。瓣香今作古人看。清尊惆悵幽明隔。遺集區分內外刊。(石師爲分作內外集)但使幾篇成。膾炙不辜半世嘔。心肝此問片席還。乾淨末座能參亦大難。二詩皆眼前語。說來頗有味。題友漁栖隱村圖一律。中二聯亦自清妥。擬只留首尾。改作截句云。大隱逃名栖碧山。邨名亦恥落人間。遙知結屋西崖者。養得苔痕日掩關。登樓看山雪。約社人作禁體。本十韻七古。擬刪節只留七韻云。昨宵雪來五更時。重衾不煖吾先知。羣山萬壑失蒼翠。大筆粧點誰執持。老梅作花見強項。新柳展葉成龐眉。南中得此誇壯觀。語之北客爲所嗤。擁裘吾輩猶覺冷。懸鶉百結哀窮兒。忍寒索

句成何事。雙肩山聳。寧非癡。人生泡幻。春雪耳得錢。沽酒無復疑。句如展墓云。松是去春栽。葱葱不數尺。草是去秋鋤。離離復如昔。墓草日以青。兒髮日以白。又云。子孫寧。路人一來逾。半年真語不能僞。作讀昌谷集云。當年嘔心事。苦吟探視錦囊噴。阿母寄言母。兮且勿噴。心肝不隨骸。骨朽末七字。警語欲追長吉。晚湖云。老圃今年秋更瘦。危亭獨立影何孤。

壽寧林隆山

棟

禮部

舊贈其所著梅湖吟稿一冊。未細閱也。近始知爲西園婦

翁。則下世已數年矣。國變後還山。詩多幽趣。夏日山居卽事云。世事千山外。山深許讀書。風來窗自啟。蟬唱意何如。午日永松陰。遙天低草廬。未須方管樂。但願侶崔徐。浩詠出門去。白雲如我閒。好山常獨往。樵子偶同還。茅舍春新葺。竹扉宵不關。園蔬頻餉客。未覺野人慳。句如題梅湖圖云。陳醪新茗閩川冠。豆腐花豬天下無。湖頭泛舟云。野鳧波暖將雛出。溪樹春歸逐水高。贈山中老人云。久居窈谷長林裏。便有洪荒太古心。其夢到家作一律。則尙滯都門時也。云八

載長安踏軟塵。今朝喜見故園春。小孫迎戶呼翁至。雛燕入簾窺客頻。萬戶侯封多壯士。一村花事屬詩人。宅柳休擬先生柳。身是無名太古民。

天下有其名甚大。而其實平平無奇者。蘇州寒山寺。以張繼一詩膾炙人口。至日本人。尤婦孺皆知。余前後曾得兩絕句。一云。祇應張繼寒山句。占斷楓橋幾樹。楓實則並無一楓也。一云。算與寒山寺有緣。鐘樓來上夕陽邊。實則並無鐘也。桐城方賁初守彝有絕句云。曾讀楓橋夜泊詩。鐘聲入夢少年時。老來遠訪寒山寺。零落孤僧指斷碑。殆亦與余同其感想矣。

門人龍榆生沐助詩。叔寶神清而仲宣體弱。年少專攻選體。爲所束縛也。近多看陳簡齋集。近體漸有變態。苦雨云。日日窮陰壓小樓。冷風吹浪打汀洲。寒侵書幌歸雙燕。雨閣疏簾見一鳩。幽興漸同花黯淡。好春惟與夢沈浮。爐峯翠色應如染。爭肯飛來赴客愁。沈陰如昨悵然重賦云。幾見汀洲故更新。高樓獨立海之濱。飛花又過寒食節。欹枕忽憶江南春。燕子呢喃欺客夢。東風料峭上吟

身嘔心不作。驚人句一度。搜腸一愴神。初夏集美寓樓玩月云。淡淡遙山見黛痕。寶珠嶼似阮公墩。縱然不及湖煙好。他日猶應繫夢魂。

又九日天馬山登高一律。頗有悲壯之概云。犖确何嫌一徑微。故山風物記依稀。極天烽火悲重九。撼地寒潮逼四圍。無佛稱尊聊復爾。有花堪插亦忘歸。傷心懶數南飛雁。獨立蒼茫念昨非。曉行集美村遙望金門島云。羈思愁永夜。臥聽百鳥喧。被衣起視之。殘月已無痕。宿霧籠衰草。牛羊出遠村。紅光發荒島。千林捧朝暎。翩翩估客帆。欲蔽海東門。澄波鏡面平。炯炯入望昏。陰晴山向背。依約雲吐吞。萬變豈終極。幽懷渺若存。飄搖委輕軀。沈潛固靈根。秋色盡堪娛。匪獨菊可餐。庶保養生術。悠然返田園。此首兼學陶謝。並得其氣味。前半確是集美村景物。後半確是自己思想。

黃晦聞詩弟子曰。何達安。之兼江右人。榆生摯友。同教授集美學學校。工填詞。嗜詩。詩才極清而苦瘦。如寄素昭云。匝月愁凝闕。寄音故鄉兵。氣正深深一春生。

意風前盡數載。歡。棕。物。外。尋。已。斷。衆。緣。成。獨。往。乍。凋。雙。鬢。爲。誰。吟。經。秋。不。見。應。
無。恙。難。解。年。時。蘊。結。心。今。之。少。年。往。往。好。作。苦。語。固。緣。世。亂。而。早。爲。客。亦。一。時。
風。氣。所。趨。也。

南通劉松之

元弼

文似孫可之。教授集美兩載。辭歸別榆生達安云。天涯磊砢

兩詩人。從此相望重愴神。直似去官猶戀闕。不知何處著吟身。肺腸結轡憑誰
省。肝膽輪囷覺汝眞。別後新詞常寄我。江干明日輟征塵。松之艱於生計。故言
之。憮然又寄陳鳳五休寧云。獨客數千里。西風一雁過。書從天外落。愁是客中
多。體病吟仍健。心雄鬢已皤。相憐兩憔悴。焉得楚狂歌。

門人譔湛溪。貴州平遠人。學礦學。爲礦師有年。充廈門大學教授。相見已隔廿
年許。自言舊日所知舊學。曠若隔世矣。然喜言詩。令出所作。則生澀似學古樂
府。以逮謝臯羽。答黃禮卿云。天孫分巧太支離。半偈微茫不自持。禪意百千惟
一指。新粧長短誤雙眉。試收甘旨禦冬日。莫作衣裳爲嫁時。揚子江頭商女泣。

泣云。日日只悲絲。其二云。漫道悲絲未展眉。開箱檢點又支頤。天衣難補當新製。襪線差長莫自疑。金粉湖山銷越艷。東南光彩耀吳姬。（謂蟄仙季直）明朝有詔裁宮錦。尺剪不教胡女持。代內贈云。一到人間百事非。百年人只送春歸。關山有意添新夢。衣帶無情長舊圍。井桃未知天月遠。蓮心敢信藕絲微。蝶飛此夜九千里。欲織回文不上機。答內云。結髮至今二十載。細思相聚無多時。太常何事愛幽獨。季子重遊輕別離。學劍學書消壯歲。不鳴不躍豈男兒。待到高適能詩日。相攜入山偕老期。寄秉農山云。漫道仙心十有八。桑田夢到飯胡麻。黃泉幽路滿荆棘。（客歲輓錢浩如下聯云）君今長眠地下。我今長工地下。靜動雖異。各從世外到黃泉。（白日長安足黽蛙）傾身豈竟刑天舞。持簡盍窺阿母家。欲問葛洪丹鼎事。故教青鳥入南華。數首皆有寄託而無俗韻。湛深與農山同學摯友。而農山絕不作詩。廈門別後見寄云。華岳三峯石削成。一回瞻眺一心傾。未知四度秦川眼。何似陳門立雪情。

陳省吾

煙嬌

入說詩社最晚。以詩十三首爲贄。錄數首於後。次無競感賦韻時。

丁巳祀竈日云。歲闌無夢逐繁華。流落江湖似出家。有句難醒司命醉。負暄不分夕陽斜。後時益遣思佳日。得氣偏教讓雜花。桃李爭妍人自槁。春風多事到天涯。和鄭稚辛宛在堂秋祭云。後時益遣念佳辰。可奈重陽臥病身。石壁廿年空醉墨。湖堂終古屬詩人。無多飲啖猶關分。一昨兵塵總愴神。生晚讓渠名字大。還輸曾作太平民。珠江夜月句云。世忘急景嬉殘夜。天以清光被客身。均感慨有味。輓嚴又陵先生句云。高文當代推嚴樂。合傳何人稱孟荀。頗切當廣州西園酒家古木棉歌云。自我來嶺南。七閱嶺南春。春風風人已如醉。人日況復逢佳辰。南園北園夙載酒。惟見羣卉爭妍新。牡丹深紅辛夷白。香豔徒與供笑。嘔。今來西園裏。木棉絕可喜。參天廿丈閱卅年。造物留茲示奇詭。不然六榕無一存。淨慧寺僅去尺咫。西園主人斟叵羅。勸我試作木棉歌。獨漉已往翁山死。才薄將奈木棉何。我歌先問樹。一根胡兩柯。中間各銜癭。纍綴如蜂窠。得毋植。

物有圓覺並榦連。理能諧和鷓鷯之禽。距蛩獸微生亦解相佐佑。然其煮豆習成風。胞與何人真在宥。我作木棉歌。更爲木棉壽。材大不中爲棟梁。質美寧容作薪樗。居於才與不才間。莊生木雁言非謬。春初花尙孩。春半花盛開。虬枝作勢向空闊。點綴億萬紅瓊瑰。定知其間可巢鳳。凡鳥誰足相追陪。經春涉夏還作絮。衣被南服休疑猜。酒家得汝名不朽。會須酌我美酒三百杯。木棉花漳泉以至嶺南多有之。福州則未之見。花大如杯。紅如玫瑰。並未見其作絮。不知何以稱棉。據此詩則作絮矣。廈門所植高者常兩三丈。廿丈者無有也。此詩意態頗似粵人宋芷灣之作。余嘗謂廈門樹木特別者三種。紅豆刺桐木棉花。湊一絕句云。滿山盡是相思樹。老乏風情只憶家。獨坐高樓誰是伴。刺桐花與木棉花。

梅峯近有二絕句。甚似其鄉先生劉後村立春後一日冒雨至湖上觀梅並寫照云。討春已過立春辰。春在青山綠水濱。細雨絲絲風片片。梅花百樹著吟身。

翼日同仲起至湖上寫影時有微雪少來遊者云與我相從寂寞濱梅花如雪
草如茵此中風景君須記十里西湖屬兩人後一首末句與葉損軒之只算寒
山尋拾得一無人處兩人行取徑相近又句云聚及早春商社事老猶異縣作
詩人入座莫言離亂事銜杯便算太平民公事忙從初日白詩心生及夜燈紅
皆佳

福安鄭守堪

宗霖

有西園入祀宛在堂七律云早知君復必傳名豈爲湖堂有
重輕先輩於今同位置故人到此了平生來遲未與寒泉薦夢覺真成落月驚
絕念詩龕將享日師門哀感那勝情追紀天遺老人入祀云晚於湖上日相親
香火分明認夙因蕭瑟平生雙老淚蒼茫天地一吟身高風汐社同理恨片月
西江未洗貧百本梅花千歲鶴閩山亦有姓林人第一首首聯爲西園占身分
自是確論第四句不勝淒黯第二首第二聯似不過一窮老詩人通常寫照而
於天遺之一生別無他好只嗜吟詩而所吟之詩無首非一雙老淚者字字恰

切貧韻尤切。天遺一官江右，不名一錢末韻。安貼渾成。又將曉下半首云：「瞑猜世局魂都悸，默數年華意漸平。笳吹隔牆喧不息，恍疑身是落邊城。」寫得出警句如秦皇焚書恨未盡，留得種子淪賤貧。餓死溝壑聖所賜，腐腸曷怪成枯鱗。又雁鳴能引人呼嘯，蛩語如吟世亂離。閱盡滄桑還不死，太平何日問希夷。天遺詩爲小西湖而作者十居六七，湖雖一勺之水，然吾鄉可遊處甚寡，會心良不在遠。孟尉之投金瀨，其細已甚。坡公得穎十日而九日，河之涓，故余爲其遺詩作序。援樊榭老人以相況也。（樊榭詩爲西子湖而作者十居五六）石遺丈歸自鷺江，因病久未趨謁。昨過開化寺，回首往歲偕游諸處，悵然有作云：「不是西湖景物非，欲持故目與心違。未涼殿宇皆秋氣，偌大亭林賸夕暉。來日逆知黃菊損，背人靜看白鷗飛。舊游空在思何益，再會能無感式微。」起兩聯秋氣滿紙。古人云：「遂爲詩人所覺者此也。」三月三日宛在堂春祭，到者五六十人，可謂盛矣。喜而有作云：「湖上斜陽一倚欄，天晴猶自帶餘寒。平波如掌殊堪愛，雜

卉無名不厭看。討勝幸從詩。老後薦馨聊結古人歡。今年此會滋生色。風雅依稀舊晉安。次聯非真有山林氣者。說不出所謂會心不在遠也。二詩收皆減色。君詩末多衰颯。余常憂其與晚景有關。後果然。湖夜云。獨遊興味易闌珊。道左忻逢素所歡。夜半西湖如我醒。月中清景當詩看。歸人欲盡心逾爽。寂處容地尚寬生。受涼風能幾許。車塵明日又漫漫。此殆天遺詩之最適者。無辨所謂明日。天遺定有詩。詩中定道月光奇者。正在此時矣。晚赴敏生約湖上飲酒。相與泛月歸。呈石遺丈云。荷風散晚涼。湖氣滿亭子。舉頭未見月。月意先在水。酒闌扶醉行人靜。景愈美。夜幽燈力微。時有鷺禽起。平生江海志。晚歸弄清泚。身世一扁舟。且作須臾喜。草樹已望秋。冰輪缺如此。一似早衰人。憔悴不自理。悵然攜影歸。遇我清冷底。(家臨河上月夜輒看水久之)湖遠月依然。未嫌在城市。

天遺嗜好惟對酒看花。余小園稍有花樹。人日春盡日必招飲。必有天遺其餘

花朝上巳寒食各佳辰。不出遊亦必置酒。花開遲早。天遣往往以詩來探飲。則必有詩。卒之歲。招之飲。以畏冷辭。強之至飲。亦不暢。余方慮其不能久。及秋下世矣。卒前兩日。寄陳香雪有云。黃葉已乾行且落。可容少待看秋光。真乾且落矣。春盡日。石遺丈招飲。匹園云。晨興喜新晴。忘卻春垂盡。招邀得寸紙。陡覺新題緊。日斜過匹園。花淨樹留影。主人如春風。入座意先醒。相將上層樓。煙嵐出屋頂。金山餘一片。可惜無多景。(丈云烏石山被人占盡。只有此一片耳)悵然下呼酒。咄嗟足蔬筍。尊前六七人。餞春須痛飲。一年幾佳日。獨讓詩人省。繁華事易非。淚落還強忍。春去行復來。人老長酩酊。莫問落花時。桑海亦俄頃。人日石遺丈召飲。云。草堂人日有佳招。坐遣風花不寂寥。佳處園林歸一老。百年文獻話先朝。食單可許門生議。春色從難白髮饒。歲歲強歡拚美飲。差強身世是漁樵。匹園海棠二株。一自十月至今猶盛。一則不作一花。感作呈石丈云。海棠能作先春花。占斷流光處士家。滿意正當全樹發。向隅別有數枝斜。苑枯各自

參消息。種溉元無辨。等差同在東風噓。拂裏讓人獨秀幾。嗟呀此詩君。蓋別有
寄慨。余急次韻慰之。有攀折也。歌金縷曲。沈埋猶在玉鉤斜。云云。君又有久不
到匹園海棠諒已花矣。回首去年悵然有作。次聯云。想見春風依舊好。自憐殘
客再來遲。余家海棠三株。樓前二株。高已過牆。此花本絕豔。而君詩總說得悽
黯。殆罷官後境遇蕭條之故。然君狷介自持。可取卽在此也。

守堪好詩甚多。佳句尤夥。幾不勝收。如次競字韻五古云。吟事譬兵事。此論古
已競。老兵律必嚴。新兵氣恆盛。例如兩師出。衛青霍去病。疊韻云。閩詩今大昌。
壇坫盟爭競。古追漢魏晉。律邁初中盛。烹炙六籍精。研磨四聲病。次梅峯冬日
感懷云。城居先衆寒。屋小朔風早。古無千歲人。念之頓忘老。梅意與我同。花開
葉任槁。題陳友漁栖隱村云。我家草堂有一樵。與侯同名稱。健者和幹寶。宛在
堂吟集云。江山亂亟。詩逾健。文字緣深誼自長。感漚生日云。富貴壽考爾何物。
糞土猗頓殤。彭聃人日集息園云。蟄居感衰亂。渾忘歲已春。六日不出戶。惘惘

逢茲辰。忽聞息園集。勃發春精神。又云。生落人日後。萬事宜。後人又云。同社得諸子。大若晉。楚秦而鄭。葛爾國焉敢爲等。倫和鹿莊。茱萸邨云。避亂寧知論。魏晉哀生。忽已沒。黃虞和如香。秋陰云。涼風自弄。衰花影濁。酒難豪。白髮心獨抱。牢愁向誰語。離墻呼出倦。飛禽弔畏廬云。一代畫師入能品。百家詞派洗閩人。乙丑除夕云。披猖榛莽山間盜。零亂松楸夢裏親。丙寅元日云。椒觴在手聊堪醉。吾意須臾見太平。題虎口餘生圖云。蒿目世無乾淨土。天不生人恣生虎。題山與樓云。樓爲君所獨。山爲人所同。與君不與人。毋乃山非公。君笑曰。否。否。山豈與吾厚。與人人棄之。遂爲吾樓。有又云。山與本山意。詎吾力能致。與樓非與吾。吾更安得棄。

詩情幽。詩筆峭。者其人多瘦。

培挺

瘦人也。秋懷四首云。好秋如高人。隔

歲才一遇。人苦入秋悲。我愛留秋住。開軒迎爽氣。林葉過無數。回飈約之歸。似指迷途誤。疏花明晚照。瘦蝶不一顧。幽香貴自持。奚足獻遲暮。靜觀得物情。去

去復何慕。窗明日影橫。秋熱猶難觸。黃昏得一雨。殘暑失其酷。繁聲集破蕉。分潤上棋局。高枝渴鳥蘇。調吭如鳴玉。園居太寒窘。頗憶看湖淥。得涼情稍慰。失月意未足。還期入宵晴。清光照杯醪。夜起看秋旻。片雲薄如楮。廊虛星光涵。曳履停蛩語。流螢出叢篠。開合若相佇。風過聞笛聲。詩思在何許。連夕逢秋陰。待月過更殘。今宵得霽月。待我白雲端。有如故人來。呼酒急爲歡。懸蛛曳風簷。寒蟀吟井闌。窗竹篩涼影。歷亂千琅玕。池荷明露珠。不惜傾盈盤。羣物爭涼夜。清輝私誠難。頗思乘風遊。玉宇專高寒。湖遊云薄暮。詩愁理不開。林陰深處幾徘徊。討春細事還人後。桃花過始一來。暮春云團紅糝綠。眼迷塵太好。春光亦惱人。花片半檐苔。半院一分春。勝十分春。皆詩瘦。如其人矣。宛在堂春祭。云誰謂窮愁。便不名。詩家麟閣勝公卿。仆碑發墓尋常事。著眼千秋意自平。送伯修之秦寧云。莫向層霄假羽毛。未容曲巷翳蓬蒿。出門誰詡非投暗。惜別惟期免廣騷。末世深交還盜道。窮途謬賞亦人豪。君詩原帶幽燕氣。躍馬邊關調更高。

如香故家子。年少登科。家有林亭。以不善治生。漸卽窘境。送伯修一首。可謂借他人之酒杯。澆自己之壘塊矣。題鹿莊聯軒作。後半有云。我生孤露兄弟鮮。庭荆三折傷同根。敝廬反顧等破甑。難支一木供豪吞。過軒令我心如焚。歸來抽毫坐。夜分叫羣冷雁聲。落雲匡牀無對那。忍聞幾使人不能卒讀。然有此美才。未必詩終能窮人也。

江伯修

古懷

亦最不善治生者。以舊館職降志爲邑宰。脂膏不潤。且以失其官。

亦可謂拙宦矣。買地築一園。舉債纍纍。至從軍於數千里外。又不得久安其身。有人日寄林息園句云。戰後有家還樂事。天涯到處盡驚魂。兵氛天地無春色。歸意江湖有夢痕。可以知其近況矣。伯修南至南詔。北出榆關。行數萬里路。有詩千餘首。佳句甚夥。余曾爲作序還之。全稿在其行篋。無從多採。八月十六日。集沁園云。荔支樹下池水清。虛堂照水光晶瑩。涼風颼颼起天際。斗覺屋外皆秋聲。昔年此地不可問。過者惟聽寒蛙鳴。主人築屋不數楹。已數易主爲今名。

滿堂賓客十有二。一老說詩最可聽。酒酣耳熱夜繼日。月色恰比前宵贏。月臨池上色。逾好風平水定羣。魚行羣魚若解說。詩意魚我之樂庶。其平謙宣以牡丹盛開招飲云。爲愛新年強自歡。連朝春酒慰春寒。小園共有蘭成賦。一著翰君有牡丹。清明日西園招集冶亭云。臨池長憶舊遊時。課讀餘閒弄碧漪。隔院書聲還不斷。千年劍氣定何之。林花亭角春剛半。尊酒燈前夜任遲。難得良辰兼雅集。豈徒勝地繫人思。末用靈運四美說恰合。冶亭在越山歐冶池上。古蹟之最古者。沁園本荔水莊。爲李蘭屏先生奉親地。古蹟之甚近者。在福州皆不可多得之勝句。如同張八陳大登大夢亭云。春色不辭來。禿樹水邊猶得聚。浮萍。

陳澤觀

鳴則

年來從事水利局。亦多小西湖詩。如出郭云。出郭行行日向西。身

閒路熟。景清淒。絕無滯穗田成坼。剩有團焦屋較低。鳥避草人飛上樹。童窺水馬坐臨溪。豆棚瓜架歸零落。更數炊煙晚未齊。寫出一種荒寒蕭瑟之景。恍於

石遺室詩話卷之二
二十
秋冬行福州近郊諸處湖上探梅句云北雪南風爭勝仗東臯西崦息勞薪社人燕集鏡湖亭兼約勛夫友漁云不解爲雲去逐龍同州異縣始相逢從知客是登樓粲頗訝師如倒屣豈夾影湖光開一鑑犁眉月色照千峯如何中酒催歸去未聽山門午夜鐘

林雪舟

宗澤

喜表章他人之詩而懶於自作有作皆絕去點塵如西園仲純招

集苑在堂云雨裏斜陽畫不成坐看一月出高城清光一片真佳絕惜欠煙中打槳聲此景分明合有詩可能不睡向風漪人間何處無燈火不是今宵對酒時是能以少許勝人多許者同社招集荔水莊舊址云西園三百載二老最風流金石成新錄圖書認舊樓可堪文藻地空賸草堂秋太息城西水銷沈到白鷗自注二老鹿原榕園雪舟最熟鄉邦掌故言之如數家珍荔水莊已數易主君言其水木之勝乃小集於此

陳肖絜

所候

法律專家喉舌復辨才無礙壯歲得貞疾幾於僂而伏行則專意

學詩進境甚速。而自謂了無長進。有志愧三絕句云。自是凡胎已著埃。百回辜負道場開。蚤知佛法無邊大。敢向山門喫棒來。夢裏陽臺若有情。醒來雲雨一天清。美人僅隔盈盈水。只許相思未目成。東風著意護羣芳。穠杏夭桃鬥一場。不是海棠卻沈睡。闌干寂寞總無香。三首皆設譬之詞。後二首尤趣。謙宣息園落成云。富人築園窮丹青。詩人築園先正名。不待園成名曰息。可知詩人非干榮。吾身息偃亦云久。吾園未辦空復情。俛仰茲園一動念。眼中樓閣何崢嶸。憶昔與君同游宦。意氣有若黃河傾。聞人懷居輒齒冷。私謂天下不足平。吾今久病且成廢。君縱多才難畢呈。有園無園同一息。此中奚復論重輕。長才抑鬱借題一吐其慨慷。未幾遂下世矣。傷哉。句如半野軒云。暝痕曲折環山合。月意模糊隔樹看。寫景曲肖。

仲純自號意園。又自號弓園。實未有園。一弓之地。何處蔑有也。不多作詩。而詩筆跳脫可喜。答謙宣招飲賞牡丹云。也作詩人也。作官也將隙地拓來寬。新懸

齋匾顏中隱。欲富春光買牡丹。杯酒快陪元已集。盤蔬況勝腐儒餐。此花自昔
吾州少。定惹鄉鄰接踵看。答梅峯招集環碧池之作云。我悵春光留不住。匹園
餞送有餘思。何期環碧飛觴日。緊接花光索句時。宿酒雖醒猶作病。舊逋未了
又催詩。長篇說盡池塘景。險韻雄詞敢鬪奇。

哲菴家有池館。突過龔氏環碧軒。詩筆故自清俊。如半野軒社集云。柴門雖設
亦常關。花竹蕭蔬相對閒。城市山林原一樣。綠陰深處卽深山。盤飧閉戶差兼
味。老圃池塘足取資。未免豚蹄抱奢願。詩人一飽可無詩。如所言亦足樂也。而
以家累用不足。日僕僕爲升斗之謀。亦可慨矣。

舊歲陳愛吾乃元訪余於廈門大學。始相識。今歲以書局事。同梅峯枉過。昨梅

峯出示其舊作二首。登同安天馬山莆田有天馬山。故以同安別之。云。化工
爲山累土石。山足山頭撐山脊。昂頭奮足欲奔騰。羈約不施鬱奇迹。漢家烈士
鄭將軍。雄據此土爭寸尺。謂鄭延年。嘶風久已不聞聲。毛拳細草穆穆碧。我

行躍馬立其峯。俯視鷺江一練白。美人（峯名）含笑侍其旁。豪氣柔情共脈脈。
呼童攜酒逐我行。遊山何須雙不借。興致未闌日已西。暮煙四合迷古驛。歸來
墮馬笑樵夫。髀肉欲生感今昔。筆氣豪邁白韻尤壯。除夕道上遇雨云。一聲爆
竹歲華闌。沐雨長途感百端。空谷雲封人語響。故山夢入筍輿寒。有懷投筆雄
心在。無力掀天熱淚彈。偏是客中斟臘酒。明朝春色馬頭看。殊有關山失路之
感。次聯能寓情於景。

侯官林韻芳女士芳。四川循吏戟門先生振榮之女。適邱卓生茂才。中年而寡。

能詩文詞。下筆敏捷。邱本故家。有池館名小荔灣。吟榭中落後。三子僅支持家
計。韻芳教授女學校。鬻文字以養九旬生母。今之黃皆令也。十數年來。逢余生
日。必以詩爲壽。有甚雅切者。余詩話例不錄壽詩。今只錄雜詩數首。讀石遺先
生遊山詩。因之神。往次韻奉和云。令人神往。晚春晴入畫山光。覽勝行身健。多
應天所賦。名高更與世何爭。遙知笠屐傳幽致。只恨釵裙枉此生。自有暮年好

不遺三言詩卷之二
詞賦江關不數庾。蘭成初夏召飲。匹園疊遊山韻云。恰喜清和雨乍晴。山深好作聽鶯行。著書歲月人長健。驚座才名世敢爭。鐘戀殘春賈島。佛花飛高閣玉溪。生齋廚櫻筍多宜酒。金谷題詩任不成。直園新築成。召飲鳴謝云。未能載酒及師門。許坐春風宴。直園一飲。渾如十日醉。買絲端合繡平原。月底聽歌帶醉回。(姬人能歌)梅花爛熳草堂開。明朝人日題詩寄。只當巡檐索笑來。芳昨於半野軒折得海棠數枝。因念花光樓下正在盛開云。想見當時燭底粧。耐人樓下看花光。折枝何似三姝媚。笑靨嫣然勸舉觴。百尺高樓幾度來。幾生修到此銜杯。名花自喜名流賞。越向風前得意開。句如一閣花光詩絕唱。三山荔譜志兼修。以上皆未免過譽。然才調自不可沒。

余生平見人失子。每爲異常作惡。以爲此人生至逆之境也。前歲此厄既輪到我。作一聯語輓之云。我何人斯。乃繼孔仲尼。卜子夏。鄭康成。朱元晦。而哭汝壽。非福也。請看傅青主。顧黃公。竹垞翁。查初白之暮年。海內朋輩及門人。以詩哀

輓者且百篇。擬彙爲哀錄。刊之以冠激楚堂遺集。卒卒未就。今先錄其最沈痛者數首於此。陳散原云。殘年未減思兒淚。今與而翁共此悲。我只吞聲延氣息。而翁猶及費文辭。互爲藥誤天難問。獨許才強世所期。料得九原憐二老。兵戈相望更何之。蓋前二年散原方喪其長子師曾。師曾與洎兒同官京師。甚相稔也。夏劍丞云。送君歸閩日。問君相見期。君言別暫耳。寇至當復來。果來必避寇。八九可揣猜。奈何從北至。一棺載兒骸。此耗初未聞。聞之驚且駭。念君有佳兒。方舉拜慶杯。伏中帆瘴海。竟爲寒熱媒。微祿忍曹官。錄錄斂其才。以是處亂世。何朕召飛災。君往一撫視。羣醫力難回。君歷舉古人。自況以塞哀。孔聖至近賢。十輩命等儕。老皆喪首子。報施謬是非。辛酉我哭子。至今有餘悲。慰君無一言。自慰辭多乖。一面別君去。對坐無好懷。

李次貢三首云。我從石遺師。鬢舍初執經。洎師歸故山。乃始識公荆。邂逅酒座間。以意度姓名。肖師在微尚。非辨貌與聲。詩腴人則瘦。欲淡官自輕。佐師脫千

石道宣詩話卷二十一
稿下筆氣崢嶸。哀哉此便已。君書有未成。壽夭原不常。公荆無死理。閒關謀壽觴。往返輕萬里。力疾作家書。猶自諱不起。與父訣。須臾艱難。忍死俟命。淺親恩深。言在無言。裏生死操諸天。天有不可恃。以孝傷其生。何以勗爲子。奔哭視吾師。百慰無一可。忍淚撫君兒。乃僅離襁褓。師謂老而頑。汝壯反不保。百年人事長。衰殘反負荷。行挈汝妻孥。歸理汝遺稿。文字有淵源。人肯惜梨棗。不朽在令名。何必爭壽考。

榆生亦有輓暨兒五言二章云。久不得師書。念師若飢渴。如何五月別。開緘轉悽咽。平生哭子淚。又爲今茲熱。暨也長而賢。蒼顏森竹柏。奈何知命年。乃不可說。測奈何。乞巧夕。巧與老親訣。敢曰詩窮人。胡乃有斯厄。吾鄉老散原。此痛亦同轍。賤子兩豚犬。衆鬼紛攫奪。雖則懷中物。恩情豈斷絕。我有千結腸。利劍不能割。我有九逝魂。風波不可越。願師廣其虛。獅吼爲我發。願師轉悲心。拈花爲我說。浩然本大空。解脫亦虛設。我今黯無言。開帷鑒寒月。缺月浸疏篁。破碎弄

光輝悠悠。一枕夢。夢繞匹園。飛彷彿。初夏時。微風搖雙扉。過庭有鯉。趨似聞語。依依鄰雞。忽已唱嚴霜。亦已霏。宛爾有生滅。覺來無是非。間用韓孟法。仍是選體氣味。

李審言云。石遺一門自師友。婦如梁端王。照圓晉有壽。髦浙文。盎公荆。嬾之無間。然秦女乘鸞向煙霧。才子今復凋。天年蓮蘇（青主孫名）。桐稻譽貽厥。那得文度依膝前。鳳毛漸老苗。結實中道橫。實尤灌焉。吾觀暨也。犯不祥。獨於文字工鑽研。草亡木卒。鐵崖語。主司奮墨輕相捐。擢犀擢象自有策。漢書僻如南華篇。汝暨落第固宜耳。人窮如此天方憐。廣桑山與白玉樓。擇一畀汝。期高鶩。尚餘老父七十翁。頭童眼闇窮丹鉛。曝書亭集霜紅龕。依例附汝。千秋傳。師曾哀後哀。公荆惜吾老友同。後先吾家長男亦久逝。豚犬兒耳非汝賢。

宗孟死至可哀。僕有五言一首哀之。頗爲解脫。後讀拔可作。則吾所不如矣。亟錄之云。朝爲法曹長。暮和乞食吟。相君削瓜面。誰知不祥金。抗志數長者。爲文

非刻深。軍旅未嘗學。稱戈豈所任。何故喜用短。納交違初心。措客席未暖。二毛翻遭禽。吞炭語患難。南冠終土音。死固不擇陰。神州行陸沈。雪池共一飯。羣兒如梯階。那解失怙悲。還隨戰骨來。爲位縱野哭。淚眼聊一揩。奪得烏鳶餘。權爲狐貉埋。死者已忘死。生者未忘骸。向來狗名人。甌患夙所胎。脫命亦歧路。望門誰見哀。爲厲苟殺賊。猶勝千徘徊。但念左輪殷。悼此不世才。

吳小鏗素亦苦吟。祕不示人。惟梅生偶見之。謂近四靈體。近見陳弢老代書一楹帖云。蛙喧池自靜。鳥衆樹能容。頗有寄託。梅生之言可信也。

石遺室詩話卷三十一

近於書堆檢得堯生舊作一首。戲和瘦公贈酒。未收入近代詩鈔者。急錄之云。
羅侯不飲能好客。客中往往有酒癖。酒半羅侯擲客去。兩腳盤山踢天碧。酒人
十九無酒錢。各盼羅侯轉雙屐。宣南雪花大如席。一夜西山玉龍白。賴逢溫尉
解痛飲。遂要楊子長安陌。液中闌入便宜坊。羅侯見之當蹙額。天生羅侯故難
測。歸自盤山攜玉液。將詩送到一爨香。謂有千年老松節。羅侯官閒手詩冊。丈
室焚香老禪伯。酒國如何通掌故。是酒恐出迦音策。亦如羅浮君未識。終日千
山說。泉石羅侯指酒向。余笑汲井何須辨。泉脈人生無事無來處。若不昏昏當
自責。我聞再拜羅侯賜。羅侯詩似峽泉劈。自今仗馬老不鳴。甕天當入盤山籍。
萬愁且以酒澆之。酒盡還尋半塘宅。屈曲恣肆恍共都門雪。天痛飲情景今生
恐難再矣。半塘王幼遐號瘦公。寓其舊宅也。

閨秀能詩者多未深造。以真肆力者少。脫不了女兒口氣也。同邑劉秀明。有都

門出遊遇雪云。花飛六出。晝漫漫。踏遍瓊瑤。不畏寒。梅爲爭春。新璀璨。松堪耐冷。老盤桓。得時自覺平。吳易乘興。何嗟訪戴難。且趁良辰。娛美景。慢將高臥學。袁安次句。有易安居士在建業城上披簑戴笠氣象。後二聯有議論。與但工寫景者不同。秀明極喜看雪。自言居京都數年。大雪必出遊。嚴寒不怯。雪詩最多。南歸則無此樂矣。故又有西山回首路漫漫。偃蹇喬松再見難。及三分詩興人無寐。一載時光指暗彈。靜夜沈沈香縷縷。春風紙閣雪花攢。各云云。皆追憶詞也。七夕後二日。風雨大作。卽事有感云。忽似驚濤半夜生。天公慣作不平鳴。雨摧電桿燈無焰。風震山樓壁有聲。大木拔教橫逕臥。飛花捲向隔牆縈。幾多茅屋無乾土。愁倚危床坐到明。竟有杜陵懷抱。誰謂女人不可作。丈夫語耶。秀明所居樂幽樓亭臺高敞。不以獨樂而忘世。若此春燕云。乍見瀟湘隱落暉。俄焉新月上荆扉。幽居那識春何許。喜聽梁間舊燕歸。與李易安梁燕語多。終日在薔薇風細。一簾香。二語情景極相似。韻琛大妹抱恙作此慰之云。一感微風病。

百端蕙蘭弱質不禁寒。詩心當與花爭發。書味休隨蠟共殘。詠雪才華珍重惜。浮雲世事等閒看。瘦生倘爲長吟苦。隨意觀書莫染翰。頸聯勉勵語有興會而未韻頗難指詞收束得法樓居和外子韻云閒雲歸岫碧天寬眼底風光欲畫難。遠樹春山濃潑翠。小樓獨坐捲簾看。蓋樓外平疇千頃南抵高蓋山方山又遠出高蓋之上東望石鼓圓頂兀立絕無依傍與他處所見不同也。

王子仁余嫺姪也。兩少女娟秀嗜書史。行七者名真號耐軒。行八者名閑號堅廬。皆能畫能詩文詞。幼從鄭無辯何梅生學。梅生並誨之。琴子仁官福建外交司長。所居崇樓臨臺江。爲置書萬卷。實焉滿園。高樹幽花。皆詩料也。二女每自恨作詩不脫兒女子口吻。所游僅吾鄉石鼓。杭州西子湖。都門諸名勝。無名山大川。盪其胸次。然梅生詩詞幽遠精深。一時罕有其匹。真詩人之詩也。二女經其陶鑄所作雜置梅生集中。幾不能辨。分別言之。耐軒根柢陶韋王孟。下逮閬仙四靈。而絕句有極似荆公后山處。意筆能力避直致也。蟬云抱枝飲露自甘。

心不爲風多減。卻吟猶恐晨朝攙。俗韻滿林唱徹五更深。全首從義山詩翻出。自甘心三字用和靖語。身分恰合第二句。又所謂不惜十指絃爲君千萬彈也。梨花云。漫言桃李鬧紛紛。不是梅花未許隣。猶似惜梅香。故在和香除卻任清真。此首用意用筆不止。后山真誠齋矣。彼繞屋吹香併是梅句。恐前賢猶當畏後生也。尙有前一首末二句云。羞與餘花爭俗艷。故將白雪點新粧。的是梨花斷非梅花。然視後一首之追進一層。則止堪作前馬矣。春陰云。春陰日日怯登樓。只向芳園小作遊。迎著桃花成一笑。要渠去我眼中愁。別爐云。留寒卻暖恨無因。夜火殘紅意最親。桑下苦除三宿戀。別爐滋味也。如人寒食云。紫陌依然御柳斜。春城無復五侯家。漢宮寂寂聞啼鳥。日暮東風猶落花。何梅生批云。漁洋學唐之作信然矣。余謂此首乃耐軒壓卷之作。以二十八字寫盡亡國景物。義山之半作障泥。半作帆牧之。隔江猶唱後庭花。不能過也。耐軒閒關入都。不虛此行矣。抄詩入夜云。曾因弱病累心驚。每爲翻書問幾更。今夜悽然燈下

坐猶疑隔室喚兒聲。此憶其亡父之作也。耐軒憶父作甚多。此首最真切。又有感云。撫置也曾從膝上。悲涼今只有傷神。此見他人之父。撫愛其子而感傷者。山行有感云。此邱彷彿馬鞍邱。一望淒然淚不收。溪上幽花堤上草。臨風盡作蓼莪愁。馬鞍邱其父葬處。登羅漢臺云。羣峰橫翠各爭奇。一片江天落照時。若使此中來白傅也。應卽景寄微之。無題云。當壚吟到白頭詞。織錦回文也可悲。若道有才終著恨。無才有恨阿誰知。句如靈源洞云。高岩著綠生新色。細草吹香入舊情。無限遊心淒欲絕。靈源石上似三生。睡起聞茶聲云。不似人閒風與水冷。冷別有一家聲。最是幽牕滋味好。擁衾懶起聽茶聲。此二聯與先室人燈影不負菊茶聲無讓松一聯異曲同工。靜夜云。吟窗幽絕處。月瘦近簾鉤。與先室人衫袖風添襜。簾櫳月當鉤。一聯亦相似。魚池云。行到池邊吟望久。舊欄干處長新愁。亦畫欄今已朽。何況倚欄人意也。夜牕聽雨云。今夜枕邊何所夢。松江煙裏一簑衣。花朝云。蜂蝶忙飛俱有事。臨風獨著一閒儂。亦不肯直致者。探

梅云。一路幽香聞不斷。著人似作十分親。晚園云。何處詩情來眼底。綠陰深裏一花開。墻花云。東風不管人閒事。又放墻花數朶紅。望晴云。還坐小窗殊未愜。聊拋書卷學吹笙。臨水登山無一可。裁詩覓句總難成。小齋云。琴裏心閒原自領。書中味足更何加。暮春云。閉門非爲春深病。生性由來嬾是真。夏日幽居云。幾卷道經消永晝。滿簾竹影快新晴。送春云。靜坐聽鶯鶯語老。捲簾待燕燕歸遲。皆不減放翁者。靜坐句從周美成詞語來。歲晚思家云。誰識片雲頭上黑。催詩不至只催愁。與得枚丈石屋山見憶云。欲向湖山尋舊迹。春風恐并舊愁來。用意略同。

五言如野望云。流雲有禪意。到處不依依。夜香云。靜極難爲適。閒中有未忘。賞雨云。焚香何所賞。夜雨是深禪。車行云。春風憐我意。爲送到湖邊。論交云。彈冠終有以。結襪豈無因。早起云。花開如昨日。月落已今晨。山遊云。林泉一適意。萬事風馬牛。風止云。君看昨夜風。驚心而動魄。來時何其威。此去無遺迹。世事無

不然縱暴亦當畫。能見其大晚。雨云園。麩寒不住。凝想坐難睡。雨後海棠無恙云。我無塵念。牽爾不遭物忌。歡言愜清賞。孰云非天意。二詩一憂一喜。具見懷抱。樓夜云。空階疑雨聲。落葉勢漸猛。春晴云。不解賞春晴。詩思何由起。山遊云。卻於芳草裏。尋得白雲心。齋罷云。高峰隨雲出。雲積半岩閒。岩亦不隱雲。推雲上林端。到山云。玩景苦不盡。趨途如作環。回顧我徒侶。隱約翠微閒。雨夜云。倚床渾不寐。欲作通宵賞。倚欄云。秋削羣峰瘦。雲開一水寬。詩情無限好。只在倚欄干。五言多能得詩中靜趣。他如新燕陳莊所居樓。日對劣巔峰。屢言遊未果。過網百擋等作。通首皆佳。限於篇幅未錄。

堅廬詩閒適自喜。專學陶韋。曉月云。高樓曠野氣。憑闌好時節。何以慰寂寥。愛此下弦月。素星已半落。清輝猶未絕。懸嶺疑有無。依雲欲明滅。曙色正相催。佳景幽難說。往嘗論少陵工詩。首在寫景。逼肖風林。纖月落未上。弦月也。殘夜水明樓下。弦月也。懸嶺十字。實下弦以後之月。五更始出者。蘇堪舊有擬謝靈運

怨曉月賦。手稿藏余處。寫景甚工。惜一時覓不出。未知視此詩何如也。秋室卽事云。四鄰寂無譁。斗室卽邱壑。望江云。欄外何所見。長江煙中出。翠靄蕩夕霏。急流碎寒日。苦熱云。或思坐幽篁。或欲依松柏。廢書無所爲。猶未爽胸膈。樓上對月云。夜來無所爲。憑樓廣幽意。明覺天宇高。涼疑露華墜。清輝寐欲無。靜賞情更恣。風止云。園樹葉摧殘。綠陰非疇昔。牆頽卽可營。樹茂非朝夕。晚雨云。窗外何所有。細雨如煙至。村墟明滅見。青山次第異。以上多近小謝。近體閒詠云。琴弦時卜。雨花影乍迎。晴小室云。江出重重樹。簾開面面山。瓶花供白業。尊酒伴朱顏。閒牕云。佳氣生春袖。斜陽半夕扉。暮江云。畫欄通夕倚。爲愛欲明天。七言小窗云。莫怪旁人笑我狂。小窗無事也添忙。欲鉤湘箔風偏緊。纔減羅衫晚已涼。爲愛青燈初展卷。卻憐微雨又焚香。蕭寥夜坐疑無賴。辦得微吟趣便長。似劍南登樓云。黯淡春江日欲沈。高樓西角獨登臨。青山廻繞閩州地。不斷天涯萬里心。倔強可喜李贄皇之。獨上高樓不免日暮途遠矣。松云。不爲風霜損。

綠陰深藏空谷。自甘心與耐軒之飲露。自甘心可謂同心之言。望晴云無奈天公作意奇。雨來偏向有花時。初晴晚步云花香細坐吟。因久草碧閒行步。自遲萬松岡晚步云。不是詩人未許知。天風淡蕩夕陽時。十五夜云。爐冷花寒夢乍醒。冷然露氣滿中庭。此與木庵先生花濃月皎四更時句同意。

江右都昌黃養齋

福基

次純仁基

鷓山樵隱百我司曹

錫明

之喆嗣也。往者胡

詩。廬學詩於散原。而面目不類。其師養齋風格似詩廬。而面目卻肖散原。茲錄其不甚似散原者。讀散原精舍詩云。肝肺槎枒。陳吏部吟噫。風莽觸胸奇。冥搜元化幽。荒氣自浥靈根。曠古姿詭語。橫天窺罔。兩貞懷濺雪。耿須眉。荷衣不與頽流老。國論淵淵。是可師。第二句及第五六句。仍似散原。讀近代詩鈔。有懷石遺先生云。一編流轉到山阿。山氣靈光與盪摩。脫手風騷關世運。抽身塵土息勞歌。亭懷野史中州在。社續吳溪變雅多。千里陶江寒浩淼。晚窗秋葉近如何。贈余詩者多矣。往往非不及。卽太過。不如此首字字切實。包括余一生行藏。起

筆說從僻處讀到詩鈔甚得勢末句用余坐黑晚窗思寫遠吟黃秋葉紙悽迷
詩事也爲散原作者似散原爲余作者則甚似余亦異矣園居云未肯遨嬉向
江海。耽人花石與清疏。長嘯中酒春無礙。瘦鬢鐫詩水。不如香散藥欄。一簾雨
青分梧几。半園蔬登樓稍覺橫山近。日日白雲來起予句如除夕云顏顏短髻
支殘夜。濁酒園蔬剩舊貧。末三字佳書感云寥寂自傷醒似醉是非微覺曲成
弦。寄純弟南昌云徑自癡頑凝道氣可能淡定養詩魂春盡日貽珠樓茗坐云
小檻人稀花獨秀。高樓春去雨無聲。暑氣初成循簷得句云身容萬綠中閒住
詩引千洄澹泞思雪晴曉望云山氣氤氳春欲動溪光明艷日生東過幼時讀
書處云井華分硯初懷舊苔壁留題恐近名胡侍御沒後三年重過退廬云亂
後幾枯銜木淚我來三聽辨亡論重九前五日純弟約遊橫山云因亂轉能親
骨肉登高何處避寒飢清明莫說尋山便還望秋霖漲涸池末二句饒有後樂
之念病起云能貧能病還多事野舛齋糜更苦吟五言如雜詩云萍苻菱芡藻

未減萬柄荷。園居云。劇筭香留。鋪餐芹綠。漲盤病中作。云。林居雨自佳。臥聽殊了了。向來好雨聲。况復病溫燥。雨喧人自寂。聽雨忘達曉。此雨倘未休。我病或可好。此與蘇堪一聽虛堂雨。知君病漸蘇。同工矣。全首有雪中放歌。淡如寄示新刊詩卷。均佳。稍長未錄。

養和詩顏鏤冰室。次純名清餘閣。次純詩無多。而可采者不尠。寄酬和兄云。鈴語。淒清攪夜眠。歸思偏發麥秋前。衆雛含笑親應健。花萼留風詩可絃。透甲筍香知餉美。緘書箴石接燈妍。吟魂每抱明蟾影。映取西堂曉夢邊。假歸渡姑塘。遇風云。急裝赴晚渡。賴是新月生。篙師怪我頑。輕與長颺爭。跳波忽化雨。沾衣凝作聲。感此舟一葉。孰若吾生輕。時危謠易盛。念母心忤忤。不惜顛簸苦。但傷老淚傾。誰爲照肝膽。三兩寒星明。絕句尤多有味者。泛舟至三村看桃花云。同來打槳指深幽。飄水衣香一舸浮。知否摘花須問主。幾家生計在枝頭。發家書更綴一詩贈內云。陌上言歸柳暗初。排愁以夢計終疎。累卿月下浣紗手。爲攬

石遺室詩話卷二十一
六
清光讀此書。塗埠車中云。秋漲凝寒菰葉齊。推窗獨對萬鴉低。我行已在匡山外。午夢還應誤向西。留別吳君云。計時君已不多留。及此留人始欲愁。但乞茅檐三日雨。蓮波萬疊阻歸舟。訪友不值云。佳話相期竟不然。空教剝啄破輕煙。逸妻掃葉紅纔了。正是晚霜收。相天句如月色滿襟殊未覺。萬蟲呼我起招涼。桂花山路應堪踏。楓葉江頭又此行。倦擁村書無限好。稍談家國不能長。備盜禪房餘朴陋。忍飢游客怯崔嵬。寄余五言古一首。曲而至。稍長未錄。

鷓山樵隱詩都昌黃百我部曹錫朋著古詩皆選體律詩妥帖排纂者居多與胡瘦唐侍御至契嘗合陳伯嚴李梅庵朱艾卿喻庶三列諸五君詠秋感八首所謂梅尉辭官失諍臣指瘦唐也與漱唐同年夜語云交味釀於公瑾醴吟情孤似伯牙絃卽瘦唐敍百我詩所謂聚首都城過從甚密者也閱湘綺樓詩集絕句云秦灰吹盡問耆英九十傳經見伏生豔說扶風絳紗帳累人清節是才名早時歌曲動皇都曾詠圓明涕淚俱此日江亭拚一醉未堪回首盼蒼梧蒲

帛誰云晚見招。自傷白髮已蕭蕭。樓中鐵笛留餘韻。腸斷廉夫客婦謠。絕不爲皮裏陽秋矣。山居感懷云。薇蕨應非周草木。桃花未識漢山河。詠菊云。一生俱淡色。香味三徑就荒歸。去來皆名句也。遊廬山暮歸云。辨色忽已暝。迷蹊苦難迴。碎玉山泉鳴。清馨池荷開。耳鼻皆識塗險夷。兩無猜。六句寄託遙深。自命不凡。憩舍北大樹下云。貧家廢營構。安有臺沼樂。求之虛寂中。意造足邱壑。此新名詞所謂精神上快活耳。

近來詩派海藏以伉爽散原以奧衍。學詩者不此則彼矣。若樊山之工整。祈嚮者百不一二。六橋閣公其最也。遼陽黃黎雍式微有詩一卷。名松客集。遠道寄余。則散原季直亟稱其才。推許甚至。而與陳鶴柴縞紵最密。然其詩與散原數子絕不相類。而頗似樊山。過清舊宮云。倚虹堂外柳如鬢。玉水琤琤一道斜。目斷青荷中。婦鏡心傷白髮上。陽花枝頭鸚鵡懷。唐室園裏蝦蟆泣。晉家留得鈿墀纖步影。金蓮往事不勝嗟。句如呈柯鳳老云。一世令狐德棻學。十年司馬子。

長書題馬蓋卿遜園云。仲雅新居三影閣。文淵老住二薇亭。地於萬舞千吟裏。人在三休四適閒。山夜懷澹谿云。峨峨鼓就高山操。惻惻歌成上堵吟。適齋去職將歸吉林云。三葉不遷顏駟老。五噫初就伯鸞歸。三十初度自述云。叔子寧如銅雀妓。沂公本是木魚僧。濁世難逢開口笑。醜人工作捧心顰。越百步緊登三十三天云。峭崖百丈高。裂此盈尺道。則散原海藏之佳處矣。

今年春閒。余有三疊晨韻詩。因損唐先有詩。五疊釋戡韻。速余北游也。詩云。素心誰與共宵晨。著述流傳已等身。書到尙將思子淚。春寒苦憶閉門人。逢辰簪勝何曾老。繞屋看山未是貧。至竟長安行樂地。高歌日日動梁塵。關切之意。深於桃花潭水矣。其疊貧韻答秋岳云。吟來詩好君應瘦。話到才難世已貧。信筆疊人韻云。從赤松遊原易事。爲蒼生出待何人。皆工曹纒衡疊韻見懷。下半首云。吟觴應憶宣南盛。書局差同洛下貧。不信津梁公欲倦。還堪騎馬踏京塵。亦苦盼北來之意。

與堯生音問阻隔者。又三年矣。近忽得其一書。三詩。大賞余獨眠及斗室二詩。嗜好真在酸鹹之外。其見懷有無故思。君切每醉將君說。懷舊出詩看等句。真吾兩人相念之切。到無可奈何時。跳不出此幾句白話詩。亦惟堯生能寫得出也。

戴聖儀寄到黃巖七十四叟柯輔周

驊威

四時讀書歌四首。可謂耄而好學。急

摘其雋句。以爲年少者勸。春時云。問我讀書胡狂嘯。歲歲逢春老猶少。夏時云。勿云夏日炎可畏。長如小年貴於金。秋時云。四顧天宇滿商意。喜有心花秋不凋。冬時云。問我讀書何其勇。歲寒逼人神爲悚。

青浦沈瘦東

其光

介李審言寄瘦東詩鈔一小冊。審言云。瘦東詩私淑其鄉先

輩蘭泉侍郎。繙閱之。則五言古皆選體。七言古皆步趨北宋。近體佳句獨多。大雪寒甚。空齋歌嘯。念生理窘迫。且與老飢相抗。賦此自嘲云。空階積雪夜來深。曉起窺園凍不禁。衰柳似人髡短髮。寒鴉如葉點疎林。忍飢判作溝中斷。得句

猶矜爨下音。閉戶未妨高臥樂。古人先已獲吾心。第四句從紀阿男。栖鴉流水點秋光。愛此蕭疏樹。幾行二句化出一幅倪迂畫本矣。題春澗紀遊畫冊云。雲溪洗硯墨花春。自寫鴻泥證昔塵。萬水千山行得得。一生長作畫中人。眼前語甚妙。無錫公園云。池面春波漾縠紋。林閒亭榭絕塵氛。我來未覺風光晚。才落梅花一二分。極似放翁後邨得意處。除日云。俗塵袞袞逼人來。花下雙扉懶不開。別有歲除閒況味。手攜刀剪剔叢梅。初夏遊曲水園云。草合渾無徑。荷香不在花。視金冬心荷葉繞門香勝花。尤不費力。曉起云。斫竹思開徑。看山擬毀牆。與黃秋岳壞牆能見翠微山句。異曲同工。常州飲鄧子春澗四韻堂云。君詩不獨清而妍。亦有妙筆迫荆關。邇來作計頗不左。畫山卽賣還遊山。吳中山水天下絕。一夜東風萬梅發。昨從玄墓銅坑歸。畫本詩篇盡冰雪。遣興云。桐花落盡尋方麴。梅子黃時買步泥。遠似樊榭近似樊山。遣悶云。喜有吳郎過舍好。許同朱老喫梅來。倚樓云。新晴鵲噪東西屋。平野秋橫遠近山。題半野亭壁云。酒熟

開尊香滿屋。詩成書竹紛黏衣。立夏云花留晚萼。迎朱夏。燕領新雛語。綠陰幽居書懷云。湖尊出水。蝸涎滑山笋。掀泥犢角尖。皆新穎。蒲褐山房詩話中所不多有也。至哭淮安段笏林。何減蘇堪。哭子鵬。哭求珩。何減蘇堪。哀東七。以過悲不錄。

瘦東詩侶吳縣鄒尊瑩。湛如寒夜漫興云。燈小影逾瘦。衾寒夢更清。曉立云。苔因礙路時。刪綠花爲依。牆倍襯紅。有感云。樹高偏易黃。秋色心直無。難白故人。寄潘省安農部云。小牀書似亂山疊。老屋梅爭仙骨臞。亦皆蒲褐山房詩話材料也。湛如有甕廬詩鈔。

寧德陳襄侯贊助率其哲嗣景綱來見。以詩爲贄。詢諸西園。蓋苦吟有年所者。

別後寄來數首。一律最雅飭。云。蒯侯短劍落江湖。曾記趙超謁大巫。杜老肯將花徑掃。阿咸許附竹林無。說詩有眼瞳人活。飲水知源肺葉蘇。光怪歸裝人早料。此行定探得驪珠。(蒙賜尊著)句如得石遺集云。捧讀鴻編尊所聞。然燈

石道三言詩卷二十一
九
說法獨殷勤。敬恭一瓣香。誰爲鍛鍊諸家火。要文文韻佳。景綱字希舉。有見贈詩中數語云。昨夜夢見公。豐鑠未華顛。問公壽幾何。公言我少年。尙有萬首詩。付與萬口傳。噫噫。汝來前授汝。以真詮。亦黃仲則張亨甫輩家法也。

黃玉樵

廷璋

寧德人。襄侯詩弟子。望月懷襄侯師云。詩腸生白露。望眼逐流輝。

寄懷孫梅伯云。苦語零星動客悲。近來不畫入時眉。村居卽目云。衣桁數家收落日。書燈幾點傍荒邱。皆好句也。

達清嗜酒。懶作詩。而時有可喜之作。園居懷石遺師云。橫庭松石影交叉。尙有蒼蒼一徑斜。此景真堪日日醉。鄰翁未許時時賒。行書想又百十幅。木筆今開第幾花。擬向虛堂娛獨坐。攜詩索醉一喧譁。十五夜在廈。大映雪樓憶石師云。海濤拍岸夜深時。坐月銜杯聽講詩。風景不殊天各一。眼前何物可相思。前首天真爛漫。後首則倒戟而出之矣。其從弟觀禮亦多余門。亦嗜飲能詩。夜泊白水營云。舉杯成獨醉。澎湃聽江流。亂夢千山雨。漂身一葉舟。安知今夜月。不滿

故山樓慙愧運租者。高吟消客愁。

默園自武昌寄示近作數首。余最愛九日過抱冰堂結聯云。登高預計明年處。廿載江亭。幸放還遊覽地之多。以北都稱最。江亭雖不過一小邱。而二百年文酒所萃。景物別有一種風味。久寓北都者。率未能忍置也。

永定賴岐生

維周。

才筆兀傲而刻摯。文似黃石齋。李寒支詩直是金亞匏苦語。

使人不能卒讀。亦其遇使然。非無病而呻者比。多錄之。亦以知亂離有至於此極者。丙寅紀亂云。辭家既兼旬。親語猶在耳。老母送我行。痛惜意難已。豈期到南州。亂發不可止。八月十三晚。大亂從此始。翌日人語喧。大軍滿城市。擾攘數日間。後禍誰能揣。其月十八晨。賊遂全師潰。越戶恣飽掠。當者輒飲七。喋血通衢中。民命等羊豕。我居邇市廛。賊至寧可避。傾我橐中物。盡我室中器。但能償賊眼。莫復論細碎。分賊看既盡。哄哄去如矢。遣我以兀然。有身無地置。蜷伏樓闌中。憑高互巡視。稍聞推戶聲。便起如着魅。飛奔屋脊上。雖險了無忌。一夜奔

鄰家不復知何地。主人起肅客。世亂無彼此。滄茗意自慙。留宿情尤摯。天明越戶歸。驚定還拭淚。同鄉偶存問。謠詠不可紀。飄然出戶去。滿眼淒涼意。秋風抱湖吹。鬢舍面目異。行行過吾師。推戶久乃至。開門辨客聲。喜極忘所以。後會期將來。擄劫豈足齒。歸來才一朝。賊潰無留趾。聚此賊萬千。背城聊一試。九月初三日。圍其東南。鄙積漸圍。既合四至。成礮壘。但見煜煜光。砉然彈過矣。玉石既不分了。無生全理。攻守久漸弛。圍解偶得出。街衢往復還。十九餘毀堦。民食看盡。賊來忍不昇。初猶索米鹽。繼則必佳。哉所願。寬一死。區區敢惜費。老幼空巷逃。婦女尤憔悴。呼男喚女聲。聞之氣亦餒。念此無辜民。顛沛至如此。昂藏七尺軀。對茲寧不媿。猶有環城居。萬家扇威熾。餘威不可逼。屍臭欲酸鼻。我居幸得全。所差僅尺咫。當時檢行裝。勉作火廬備。鄭重告諸弟。火至死無二。生當共此逃。死當共此死。死死亦何所。悲所悲吾親。爾哀哉。兩決絕。此恨誠無比。攻殺近一月。十事憶難四。我欲不紀之事。過恐失墜。紀之傷我心。哀痛如何制。且當冥

萬念歌以當哀誅。南昌圍解逃九江。云九月十五日。狼狽圖一走。同行十許人。舉車數千口。蟻命懸旦夕。可哀尤諸婦。男兒死。卽爾賊餒寧。可鬥車行。一何遲。情迫愈覺久。懷憂復忍飢。內熱成昏瞽。窗間偶張望。屍敗蹲羣狗。傷哉且歸座。卽死知誰某。明月皎以潔。初過涂家阜。萬籟不復聲。起視亦何有。才聞兒啼聲。既又喚其母。似聞拍使睡。語細不可究。我時覓隙地。僵臥如醉酒。闖然出九江。此睡酣無偶。頗怪胡芝甫。醒我何其陡。星河曙耿耿。去矣此賊藪。此亦內寅作也。逃兵問云。爾兵幸來前。吾將一問爾。爾豈無父母。爾豈無妻子。一旦南方來。半爲飢寒始。富貴期所求。遂爾以命市。誰知戰禍開。不死亦斑痕。朝爲秦人兵。暮作楚人土。當夫鏖戰日。又何論爾彼。平生固無仇。此日爲誰死。模糊血肉軀。十九埋螻螻。舍此姑不論。苦毒旣難比。譬如今季冬。嚴寒徹骨髓。衣單冒雪風。間日飽糠粃。趨敵幸生還。不然如宰豕。爾主則何如。珍羞必盡美。夜闌焰赫初。妖姬欲敗視。鞞鼓喧郊原。主臥猶未起。晉秩誰得知。堂哉呼電旨。死爾千萬人。

官一人而已。同室而操戈。實出野心。使戰而未必勝。勝亦未必仕。退伍尤可悲。得之必飲。七爾其速歸休。食貧修來耜。父母與妻子。尤可知其喜。始得家書報。鄉亂云消息。既日惡。客懷漸冰炭。羣言不可衷。疑信終參半。要當決家書。解此久懸案。今夜燈開時。赫然堆眼畔。持此不敢發。厚楮非常翰。倒我兩眶淚。鎮我百病漢。嗚呼此厚楮。是中寧忍看。明明封面書。欹斜事必亂。不然驚顫餘。倉忙震兩腕。哀哉數十口。奔迸知何竄。牆根唧唧聲。豈其家人嘆。剪下傷心肝。此事誰能斷。九月廿八日。賊始敗永定。兩賊互犄角。此賊走捷徑。吾村號千戶。正復起賊興。賊首劉志陸。翻騰不及鐘。疾馳五十里。遂爾無留乘。所餘羸餓卒。賊命不一聽。散擾入民居。萬物皆夙訂。但能賞賊眼。破爛亦頗稱。因而沿路居。比戶無一贖。貧家幸無恙。云以米鹽贈。諒哉祖考恩。積德一朝應。吾家賡丞翁。父子鄉里望。國亡猶禮賢。古人實可尙。不謂賊徒來。報施至此妄。翁則縛林間。刀鎗昇其上。頗恃蚨鏹力。僅得逃懲創。令子擄陣間。以之攻前仗。人言必無幸。善行

語皆誑。天奪逆賊心。黑夜敗山嶂。遂爾逃荒山。幾幾歸藁葬。寄語賢父子。當爲鄉里亢。強暴有時焚。爲善終能當。南山有少婦。夜半聞賊至。慌忙懷嬰媿。還復肩細碎。后戶旁山林。夜昏雨翻隧。摸索迷東西。眼眩心乃魅。踵滑身遂傾。槎枒洞其鼻。但聞兒啼聲。兒啼母漸斃。淤血蔽衰顏。眛眼翻愕眙。一命歸窮泉。兒啼欲誰飲。賊來兩晝夜。去當初一晨。天陰雨滂沱。騷擾定無倫。頗聞某家郎。擄去近浹旬。死生莫可卜。父老家尤貧。但願信再來。爾旣歸爾身。汪李竄咸同。千里絕炊煙。聞之先大母。亂後空無鄰。但見牆根石。略可辨前闔。飢民咽松毛。甚則啗死人。往昔聞此言。夜夢驚吾親。當時無良史。遂令痛長湮。只今賊過處。刮盡地上塵。吾鄉尙如此。他鄉寧較馴。縱敵在一朝。遺禍貫全閩。嗚呼事可知。吾歸欲何詢。一年兩大禍。此禍寧能堪。憶我六月歸。請述母子談。四月初七日。聞賊心漸悽。忽然蔽山來。空村無一男。貧家唯母守。鎮日抱孫探。舉家遁山中。萬鈞一身擔。賊來如隄潰。食盡乃無餼。其去以月杪。但聞賊漸南。當時道路言。使我

石遺室詩話卷二十一
成昏。愁母言猶信宿。鄉亂遂再酣。粒米貴於珠。坐令賊賤。餒何况繼以劫。後患尤難勘。民生在衣食。鄉人將何貪。牛哀必化虎。昔聞今見之。嗚呼八閩人。就死當無期。不見申包胥。一哭破吳師。丈夫誓許國。恩仇豈不知。要能報大仇。亡國何足悲。生平恨古人。閩亂史無辭。遂使後之人。披志不可治。歲月積既長。巨痛忘曩時。行當作信史。留以貽後支。公羊大復仇。古訓不吾欺。此乙丑作也。匹園謁石遺師云。平生抱恨居山縣。更值家貧少冊書。及事名師時既后。况逢衰日亂之餘。堂堂此老天。能健草草來遊。願未虛。准擬閉門修舊業。紛爭蠻觸且憑渠。此丁卯冬日作。岐生尚有論詩絕句二十八首。亦嗜好與俗殊。酸鹹者限於篇幅未錄。

松之本好吟。遊杭所作尤夥。余已饒有甄錄矣。近生理益困。寄來詩文一束。第真有窮而愈工者。納悶云也。欲買牛無劍。賣茫茫前路復何之。又云行廚淡飯皆鄉味。瘦筍春盤是食單。續定龕秋心詩云。便過一生吾也得。莫愁此腹不能。

枵喜到家云。不隨羣動緣真懶。總有千愁付健忘。石師報書謂近作可入摘句圖。並贈詩文續集賦謝二首云。萬點桃花尺半魚。阮亭曾溢美其徒。魚蝦黃葉無多子。那辦張爲主客圖。大集從來不持贈。憐貧破例具深心。殘年嗜好無他物。當作劉叉許攫金松之有書。至自謂必死。欲乞先爲墓志云云。昌黎薦士無救東野之窮。餘慶憐才庶免閔鄉之厄。願天下尙有鄭餘慶其人者。詩有逝者如斯一擲梭也。知去死已無多。陳徐鬼錄庚庚在梁宋。吹臺惘惘過等語。不忍卒讀矣。

南通詩人張季直范肯堂父子外。則門人劉松之均選入近代詩鈔若詩話矣。費範九師洪近始見其淡遠樓稿一卷。乃知其爲季直詩弟子。詩卻不學季直之生澀。平潮市同善堂落成云。名堂仍舊說。饗客要新詩。屢徙花當檻。多斟月入卮。心惟諸佛護。事必百年期。望望桃村上。濃陰共覆之。的是此題語。和顧時輔雪襖詞云。遙想趨庭春正酣。移園詩說滿淮南。從知陸橘姜魚外。佳句娛親

味更甘。寫得佳句。值錢處。喜奚度。公自江浦至。云瀟灑江城五月天。相逢豪氣落尊前。好風先送瓶梅句。一先晤錢笑。吾爲述君詠瓶梅有問誰試刀翦強汝媚。軒窗句。一笛當窗弄碧烟。鳴琴百里才原屈。典冊三年道自新。浦上容君成宦隱。萬山青翠擁詩人。度青余故人。甚工詩。尙未見其瓶梅句。讀此深如黃祖腹中矣。內子來江寧。因同游諸勝。云故鄉常覺山嫌少。今喜山光亂入城。紅樹參差秋滿地。與君攜手畫中行。西去芙蓉一徑幽。澄澄雲水上。簾鉤六朝環。珮多於雨。祇賸空湖號。莫愁余舊有題馬通伯圖卷句云。潑眼山光一縣城。與君山光句頗相似。亂字好。平潮市西北豐利寺。宋代古刹也。有銀杏樹二株。蒼然古茂。蔭可數畝。今改建國民學校。爲賦一詩。付校生護之云。寺經六百載。兩樹若相持。風雨聞龍吼。人民付鶴悲。森森叱樵斧。穆穆護書帷。千尺昂霄氣。諸君幸與期。第二句寫得出。第四句沈痛。太倉許九疇來避亂。相見旅舍云。執手倉皇淚欲吞。亂離賸見一身存。腥風血雨江南地。何計能收劫後魂。沈痛句如

秦淮得月樓閒坐。云女牆。舊月尤可人。見慣塵沙換。珠綺舊月二字經用鮮明。
寄祝程子大徵君六十云。宇宙猶容雙眼大。兵戈不礙一身貧。題季弟士惟遺
象云。士能殉學他何問。天不憐才昔已然。聞顧延卿丈病逝云。直以著書窮歲
月。況當流涕對山河。皆飭。憐而不衰。颯陳心銘約游靈谷寺。樹木叢茂。誌公塔
高出樹杪。塔額有張齋庵師題字。一文曰。真空真住。一。流連至夕而返云。一偈
真空古塔存。巍然猶見誌公尊。夕陽西下諸峯悄。滿袖松風出寺門。余遊靈谷
于今四十年矣。讀此猶宛然。

江逸雲（已見本詩話）堯生詩弟子。詩清到骨。酷似堯生。但不多作。近得其
南遊雜詩一卷。銷夏灣云。風送荷香月上時。扁舟搖曳入玻璃。人生安得鬢年
再。復與羣兒作水嬉。勉兒送媳赴長崎。雲仙養疴云。新拓林泉我未經。海天六
月共揚舲。登高惜汝非能賦。歸說雲仙與我聽。莫干山旅舍云。斜風吹雨散林
霏。竹裏看山碧。四圍菽水養親身。自在棋枰斂手局。全非涼生草樹蟲。先覺日

落簾櫳燕未歸。獨把村醪花下坐。細聽巖溜已忘機。三詩皆天真活潑絕去。雕飾者。句如留園云。客子爭誇泉石好。主人翻愛市朝喧。玄武湖云。湖心彌望皆蘆葦。賸此蹄涔水。可憐五言如秦淮夜泛云。宵涼宜有月。水遠自生煙。天池寺云。風來先就竹。雨過當澆花。細綠沿陂草。初黃滿架瓜。皆足供清風。

高迪菴

贊鼎

梅生詩弟子。詩卻是海藏派。而不甚如梅生。殆近與海藏倡和故

也。雪中與嘯麓同訪太夷丈云。起看萬瓦白如銀。因念高樓賞雪人。四壁墨光增慘淡。一庵夜色轉精勻。論詩信有通天識。寫景教傳下筆神。乘興門前來共立。迴風還爲舞冰鱗。仍用夢鞋韻留別嘯麓云。此身已入全家夢。數宿高齋始回鞋。戴月而來乘雪歸。詩力信堅能禦凍。客中流景催殘年。清歌別酒心黯然。日邊桃杏空春影。天際樓臺永後緣。首句可謂單刀直入。句如仲雲約同履川遊雞鳴寺云。莫話前朝興廢事。江南賦就戊辰冬。戊辰冬三字恰切。舟抵南臺云。城郭人民事事非。翻用城郭是恰切。

石遺室詩話卷三十二

語言文字。各人有各人身分。惟其稱而已。所以尋常婦女。難得偉詞。窮老書生。恥言抱負。至於身廁戎行。躬擐甲冑。則辛稼軒之金戈鐵馬。岳武穆之收拾山河。固不能繩以京兆之摧敲飯顆之苦吟矣。軍人之能詩詞者。近不多見。涼生榦寶種菜閉門。其佳什已略論次。及余門者。尙有黃挺生少將懋和。永福十研老人族孫子穆大令少子也。子穆詩祈嚮吳祭酒。挺生承其家學。而年少崎嶇。兵閒足跡。幾遍各行省。其客路諸作。如書感云。弱冠從戎筆。早投當年原。不作書囚。終南風月吟。邊路薊北山河眼。底秋對影徘徊愁。把盞思親憔悴懶。登樓何當一舸家鄉去。烟靄微茫弄釣舟。關東道中云。夕陽古道草萋萋。萬里征人駐馬蹄。薄靄遙連滄海闊。遠山斜枕塞雲低。平湖新雨留鴻跡。一時從西湖返京。旋赴關東參謀旅行。一茅店。殘春落燕泥。縱使今宵頻有夢。夢魂知否到遼西。鄭州旅夜云。欹枕挑燈夜氣清。迢迢長路若爲情。愧無詞筆吞三峽。剩有離

石遺室詩話卷二十一
懷到五更幾處鳴笳驚曉夢。一春屈指數行程。浪遊銷盡輪蹄鐵。空負湖山昔日盟。由西安赴京。輞川道中作云。鷄聲茅店攬征衣。薄靄遙天一鳥飛。輞水鶯聲空嘒嘒。灞橋柳色獨依依。敢因世亂思歸隱。總爲親存擬拂衣。獨有長安忘不得。幾回立馬對斜暉。古田雜詩云。十丈牙旗赴上游。馳驅何以拯民憂。雲從絕磴危邊出。水向懸崖坼處流。不斷濃陰天欲暝。無多清籟暑先收。行行又過荒村道。父老猶聞祀李侯。(唐開元二十八年。都督李亞邱始奏設古邑。)其二云。開元入版舊封疆。御史文章日月光。漫道溪山多樂土。寧知兵燹半荒村。(周蔭人李生春軍隊先後皆經是邑。)澄清未許遲來日。攬勝居然到上方。寄語玉田賢令尹。莫栽楊柳好栽桑。皆與秀才從軍故作壯語者不同。年家子李釋戡宜偶拔可從弟亦軍人之肆力韻語者。余已選其詩入近代詩鈔矣。釋戡無他嗜好。喜顧曲遊山。近京師改北平行省。景物繁盛大不如前。釋戡疊寄來數詩。余最愛其九日攜家人登香山。遂過自青榭云。晴秋山色鬥春

妍盡室來經玉乳泉已辦餘生窮勝景稍從佳日感流年千林霜葉紅如燒一
壑風松老未專絕羨自青好居士湖陰水竹似斜川通體冷然善也第三聯尤
佳第六句尤屢讀不厭自青榭亦年家子卓君庸營別墅於玉泉山側以奉親
余曾爲撰記者也兩窗云秋雲亦解送輕雷暗雨催成恨一堆坐覺桓靈猶盛
世枉思燕趙有奇才連邊故壘添新骨往日名流半死灰二十一年彈指過祇
餘殘淚記金臺（近方續鞫部叢談）釋戡晨韻元唱次聯云不隱不官寧有
道自哀自樂豈關人中秋次聯云稍疑北月輸南月不覺中秋已暮秋皆不打
誑語

世只知潘邠老以滿城風雨近重陽一句得名而不知其在黃州業酒店早交
東坡又名列江西宗派圖中陳起在臨安開書坊而選刻江湖小集邠老本福
建長樂人起有謂亦閩人者南臺多巨商少詩人翁蕙卿李星村林畏廬其最
著也畏廬有友居闔閩中營配鹽幽未之業能詩而絕喜余詩從畏廬借余詩

本去累月始還。此四十年前事也。余久客四方，未見其人，亦忘其姓名。比歸聞其人已死，不獲錄其一字。畏廬又逝，深呼負負矣。近乃得一林楓丹密，精理財學，經營貨幣，而能文工詩，積書萬卷。余甚愛其江樓玩月句，云：出樹冰輪觀自在。隔江石鼓認分明。必不能移他處。看月用使錄舊作數首，將采入詩話。而楓丹匆匆攜家出遊，寄示紀遊諸詩，如入姑蘇云：悄別杭州去，姑蘇更問津。土肥諸可樹，水嫩一如人。吳越風微異，江山迹已陳。由來歌舞地，容易著兵塵。中秋夜，西湖泛月，云：看潮先此看，湖光佳節攜家忘。異鄉明月滿，船容我載微風吹。酒不多涼，釵香幾陣疑。丹桂笛響誰家傍，綠楊潭影悠悠人。影散三更猶戀水中央。二詩頸聯名句，得未曾有。句如赴杭車中，卽目云：幾灣小港三叉水，一片平林萬本桑。又云：篇詩卽景吟方就，迎面青山已到杭。的是滬杭汽車上風景。食紅萊菔云：秋中萊菔已生兒，疑是丹砂染作皮。可謂體物瀏亮。

余初見楓丹詩，爲其次韻和梅峯四律。凡錢兩韻云：朋交如命看垂老，情性於

詩見大凡欲約白頭同負荷。劉伶鍤與杜陵鑿。酣南兩韻云。位汝水曹身始稱。
看人槐國夢。初酣將軍誰是終。湖上大長今寧一。海南皆工穩。林社徵詩七言。
古開手云。郡國安用諸侯王。皇帝與二千石。良突兀結云。禮義廉恥四維亡。天
下再莫逢。龔黃嶄絕中。警句云。翰林主人能文章。甘辭金馬居黃堂。又云。踏青
豈徒多巾裳。裙釵襦祿相扶將。似蘇。

全首者如匹園師花朝召飲。以園花分插十瓶中。懸吳倉石所繪牡丹。寓花王
意。命卽事賦詩云。今年花朝花如何。城中匹園春較多。春風用意寫錦窠。千朵
萬朵供婆娑。玉容縞衣疑素娥。紅粧鬥艷胭脂坡。移春妙手舞天魔。壁間呼出
劉師哥。一天彭牡丹譜有劉師哥一種。如聞天香紛曼陀。使諸弟子參維摩。
破禪同醉金叵羅。望湖樓社集遇雨云。疾風過山來一霎。雲脚低湖重欲壓。菰
蒲相戰柳自顛。一片寒漪萬鱗甲。奔騰雷雨勢莫當。如龍破壁虎出押。爾時游
人各星散。不敢仰視心膽怯。豈知天公命詩題。更許披圖授畫法。詩人意自與。

石遺室詩話卷二十一
三
衆異相對銜杯笑。言狎滿樓涼氣疑入秋。歸挈篇詩欲忘筭。歸來月色還微明。
旗鼓依然半天插。和息樓間中苦熱元韻云。野人驕我無一錢。清風消受松根。
眠。膏梁醉飽轉足汗。何如喫菜和寒饘。城中夏日最可畏。望如火。繖非黃棉。二。
子晝夜吮膏血。無分肥瘠。無後先。上天無雷乖號令。耿耿不寐憂如煎。會須散。
髮復赤脚。在湖之湄山之巔。如何鄰家襍穢子。還來相約嬉秋千。老雨云。老雨。
過春放霽遲。道塗見骨已無皮。玄龜曳尾違巾笥。白馬傷心化鐵驪。民力曾勞。
千版築。一南城已毀。人間誰造一泥犁。吾儕還有柴車出。多少行人淚暗垂。
豹屏山陶器出土。蔭亭有詩和作云。毀城想見築城時。城下纍纍塚不知。出土。
於今還有器銘幽。何氏竟無碑。千年朽骨疑松化。一例傷心感黍離。如許祕藏。
終必洩。昭陵誨盜更何癡。

沈文肅公生平不作詩。子姓能詩者。濤園墨藻冠生。余既錄其詩於詩話。及近。
代詩鈔矣。冠生尙有從弟劍知。觀安。年少美才。工書善畫。詩格雅近梅邨阮亭。

而時復沈摯蒼老自秣稜沂江赴蕪湖潮逆久不至云牛渚望不見蠓磯念更
愁長江千古水何事只東流末五字專爲蠓磯說更佳登石頭城云昏鴉殘照
與徘徊金粉南朝夢幾回隔岸山如胡騎列兼天浪送蜀船來漫言形勝非疇
昔恐有英雄尙草萊立馬危城問身世中原萬里起黃埃和林向炯久客江南
有感次韵云雷雨何年化壁梭等閒義馭著鞭過功名無分垂垂老師友相期
負負多下馬空能爲露布迴車盡見是朝歌那堪更上長安道懷古徒教賦馭
娑初飲息園贈主人云停筇欲問主人居喜見門前長者車（石遺舅祖先至）
一尺山光春挽髻半樓風片晝翻書園中草木詩無數腹內韜鈴酒不如未敢
虛聲取蕪菜岩菰味更勝鱸魚昔人嘲宋末詩人動言柴扉藜杖因欲易停筇
爲停車既而思今之少年無不攜文明杖遂仍之奉酬翼才肖團見和感春元
韻云平生浪漫次山元江海歸來幸自存獨抱影形投夜寂難搜字句答春溫
花非落盡將誰惜酒欲醒時轉不言只管流年如水逝便消多恐也無魂送月

云。纔上欄干。便自斜夜深閒煞。半庭花不辭。更爲須斯立。送汝量移。過別家。此
上弦月也。寫到恰好地步。江瑤柱（以海參威所產爲冠）云。花瓷照座捧玫瑰。
瑰飽送無勞酌婦催。（日本倩好女壓酒。謂之酌婦）值得荔枝低首拜。世間
何物是楊梅。海蜘蛛（產海中。以形似名）云。雪花如掌壓船轟。勸我尋眠就
酒壚。去國不知身萬里。朝朝飽食海蜘蛛。二絕亦漁洋枳壳花麝囊花之例也。
車過西京望富士山云。雪色雲端積萬峯。爲汝低不辭相送遠。已過舊京西。亦
漁洋風調自題胡服小景云。中原文物衣冠盡。卻愛胡兒短後裝。愴聞可卿病
亡云。最有曉風殘月恨。紙錢誰弔柳耆卿。其人蓋花叢過一生者。故云。與孟韓
長兄除夕坐雨云。稍喜共聽連夜雨。其如又老一年人。登鎮海樓云。天生形勢
鎮名州。列嶂長江若環堵。的是閩江濟南云。畫船月落藕花涼。水巷風迴菰蒲
語。水巷二字極肖大明湖。五言答萼樓索畫云。因癡聊作畫。多病未工詩。題息
園云。耆欲役其身。園林匹金紫。能見其大苦熱云。蚊悍來爭榻。螢閒伴繞廊。繁

星垂火齊靜樹列。干將後十字如觀雲漢圖矣。

建甌王德齋子懿詩頗饒生趣。如匹園花朝宴集云。詩人愛花本成癖。今朝況
植花生日。匹園爲花張壽筵。恨無花王美不全。花王寫真吳岳廬懸之。不覺爲
畫圖。海棠梨杏盡北面儼一小朝廷。規模偶然游戲都成趣。假借詩題爲嬉娛。
世人祇知慕富貴。作如是觀真亦僞。椽燭高燒照酒紅。坐有詩人矍鑠翁。壽花
花解爲翁壽。滿園桃李醉春風。大雨下半首云。陡添山色千峰沐。新漲江流兩
岸平。遙想村農大觀喜。安排驅犢事春耕。宛在堂春祭中兩聯云。展拜詩龕如
學子。安排春宴付庖丁。湖波蕩漾新翻綠。吟草商量待殺青。說詩社詩正擬

發刊

陳寄今

爲銑

十餘年來馳驅世路。鞅掌簿書。初未見其爲詩。偶讀其贈逸才二

首云。湖海吾家有妙才。文書官燭喜相陪。偶因小極勞存問。稍接清流愧挽推。
郊墅討春歡。把袂市樓醉。月浪呼杯恠。君官味平生淡。曾共黃花入世來。逸

才九月生日。滄海歸來意欲禪。起予長句識君賢。新詩淡似吳江水。白酒清於九月天。邊塞當年行萬里。茅廬無地築三椽。相看短髻兵戈裏。一髮中原共惘然。風調可入漁洋感。舊迦陵篋衍集中也。連日勞碌宵來睡甚酣。適云堆案文書日百忙。久將黃嬾味都忘。宵來一枕間風月。樂土人間算睡鄉。可以想見其塵勞矣。寄今以福建度支使總祕書常代庖使事。吾鄉財政枯竭拮据。將茶無寧晷也。望湖樓社集風雨驟至。云山藍水碧浸欄干。付與詩人袖手看。樓外雨聲偕客至。燈前髻影先秋寒。是晚景物寫得出。

永安黃蔭亭

曾繼

弱冠畢業法蘭西里昂大學。而夙耽舊學。其師法國老博士

某。甚器之。使著中國周秦諸子哲學概論。著錄巴黎圖書館。得贈哲學博士。中國人所未有也。歸國從余遊。致功詩古文詞者甚摯。詩工絕句。如到南平云。玉屏杉翠塔尖迷。海鳥驚疑返故栖。倦翮欲休休未得。舊巢更在萬山西。與養清弟同宿青州云。襟期湖海樂長征。勞燕東西歲十更。誰意青州三月暮。弟兄茅

店聽鷄聲到沙縣云土語虬溪混故鄉城西孤塔插天長到來渾忘身仍客此
去家還五舍強（離永安百六十里）到家云歲歲還家夢始真還家景物太愁
人可憐一隻遼東鶴小別才經十五春歸舟云閩江水勢瀉如傾船似蠶叢峽
裏行一過洪山回首看滔天巨浪咽榕城看菊云秋圃忘憂恍舉杯夕陽遲我
共徘徊羣芳爾怨風霜酷風緊霜嚴菊始開秋夜云荒園料峭病槐黃缺月雲
陰吐晚涼我與寒鴉共蕭瑟更深來此對秋光取勢皆不平衍古體音調多悽
惻蓋蔭亭早失怙而留學異國數載喪其配偶歸家始知故到家一首云然秋
夜五言古云夜闌羣動息明月生樹端多情入我懷起坐爲長嘆憑欄一東顧
關塞路漫漫涼颼吹衣裳百感摧心肝家家御棉纈吾家衣葛單離亂雙親老
江湖一雁寒粗糲苦難飽安敢祝加餐巖霜更凜冽摧折九畹蘭愧無漆園達
一念一汎瀾嗟哉五年別恆沙量悲歡萬緣蚊聚散獨剩此心丹落拓男兒事
肯譎行路難中悼亡語亦沈痛哭賴靜軒云常存嚶求意欲罄天下才幾人得

石遺室詩話卷二十二
六
如君使我懷。抱開氣同性。絕異相得殊。怪哉平生喜。縱酒挈徒飲。巷隈畏酒常。
懦。我顧喜邀我。陪笑謂天下。事付此酒一。盃嗒然真。喪我玉山方。將頹吾雖味。
茲樂竊憐君。志灰黃鱸復。經過此路爲君迴。西州華屋淚。今始知其哀。長安勢。
利藪。朋友干戈媒。人琴渺何許。繞屋空徘徊。筆意倜儻不羣。遊攝山云。言訪桃。
花澗。披榛更越巒。五峯屏四面。一山有五峯。一壑徑千盤。旁午如將暝。觀天。
似未寬。一綫天在桃花澗。左俗緣渾忘卻。林鳥共忻懽。又句云山靜蟬逾。
噪。翻前人語視一鳥。不鳴山更幽。較便。

莆田多詩人。近又得黃仲良。

祖漢

詩味甚足。用造語輒可誦。題友漁樓隱村圖。

云。故鄉有箕穎。真隱待何人。地極溪山勝。君猶奔走身。深潭收瀑布。老樹作龍。
鱗。應許丹青裏。他年與結鄰。壺社同人集。泗華書院云。出城兩三里。滿耳水聲。
喧。溪遶疑無路。林深欲隱村。臥看天際鳥。醉打上方門。一酒後遊某寺。一覽景。
誰先去。詩成山色昏。次韻磊芝病中見寄云。孰向中原解亂絲。東樓高臥欲無。

知偷閒。長日惟看菊。卻病良方是賦詩。萬木凋零山瘦盡。片雲掩映月明遲。人間何世君休問。一部南華且自隨。君有一部南華是我師之句。北郭迎西園。櫬至山與樓感賦云。天縮千峯雨。是日雨意甚盛而竟不雨。迎君入北門。故人扶病骨。佛心師扶病出迎。野老有啼痕。迹渺詩長在。樓空鳥自喧。不堪頻苦憶。縱酒醉黃昏。過山與樓云。地僻林荒宿鳥投。重來何物不生愁。逡巡猶自扶牆聽。疑有吟聲出小樓。讀以上二詩。使我悽然。過雙驂園云。烏山富奇石。樹木亦清麗。雙驂占其西。老屋間古荔。敲門久。乃磨藉草聊一憩。地高便築樓。路曲或爲砌。風雅曾幾時。堂堂此深閉。舊題半掩沒。叢竹空搖曳。落葉作新泥。日暮朔風厲。負手欲成吟。寒翠壓雙袂。書冊連宵爲鼠嚙。破一詩韻。一放翁詩集也。戲作云。書冊無多到處隨。曉看狼藉費猜疑。吾齋饑鼠何風雅。不愛殘羹只愛詩。人日石師招飲聞雨樓下。賦呈云。寒雨漫山集此堂。是日適有雨。擁爐酌酒紫蘭香。不知師意還天意。詩味由來帶冷長。

石道言詩話卷二十一
春日行汀州山中云。千巖萬壑迴旋處。處處觀天總不寬。樹色能消三日醉。泉聲眞養一春寒。鳥堪對語寧嫌寂。道可攀登未算難。惘惘西行吾亦得。尙餘詩句落吟鞍。峯市道中云。已覺山中寒。更遇山中雨。萬泉趨一溪。激石白於乳。人稀路正滑。林暗鳥獨語。暢遊吾何曾。茲行且自許。村村山所圍。儻是仙人處。脚疲叩紫荊。謀醉問餘醕。歐齋夜飲水。漲至臥室云。摧竹傾梅夜未休。歐齋一雨得涼秋。五更笑看燈前水。臥榻眞如臥小舟。

望湖樓賞雨云。登樓非看雨。雨至絕可愛。遠從蓮花峯。峯峯失所在。瀾漫及石鼓。雲低如束帶。西南還蒼然。暝色疑無礙。忽焉寒撲面。咫尺起萬籟。雷電震其威。風勢前驅。屈鳥魚皆驚伏。摧樹損畦菜。破空倏通明。轉眼返昏曖。一雨亦尋常。頃刻變百態。三更蹇衣歸。我意寧云敗。予過長隄。古寺送鐘。喟句如遊鼓山云。盤磴人行深樹裏。高樓鐘打斷雲隈。上方清淨僧偏俗。題句縱橫石有災。雜感云。人到世人皆欲殺。此才惟有少陵憐。今年裘敝還無礙。臘月霜風未釀。

寒寄蕭艷公云。萬事只應詩膽大。一生惟望酒錢多。小樓獨坐云寂寂。生涯誰作伴。青山無數入窗斜。皆佳。

劉仲英近頗詩窮。所作多似散原。讀之不歡。再錄其舊作兩首。一廣州雜詩。六榕塔禮東坡像云。獨與盧敖遊汗漫。南荒九死勝生還。人間快意成奇絕。心折西泠陸講山。潮州西湖云。山北有鵑南無鵑。舊栽官柳已飛綿。當時枉有騎驢意。不向山靈乞墓田。自注湖爲洪兆麟所修。工成後三載。洪被刺於上海舟中。華髮久不見。以詩來。近書詢牴牾二字。末附一絕句云。物盛爲災滿必傾。好文貴老本。非平雞雍枯梗。猶相帝虞世。南兒那可輕持世者。可以審矣。

福清縣福廬山。專以石勝。天下殆罕其匹。而著聞甚晚。明萬曆間。葉臺山相國始表章之。詳余所著福建山經中。毘連有靈巖者。與福廬實一而二。長樂施涵字景琛。孝廉。改名爲施山。作歌。張之有序略云。福廬山。余旣倡修。並作歌紀之矣。距福廬二里許。有靈巖。綿亘相屬。首尾相望。蓋一本而分支也。二山皆以石。

勝而巖於石稍遜。獨林泉視廬爲勝。巖前松風不同。凡響蓋風蓬蓬。自谷中起。將至巖爲石所掣。不卽散。以故松輒聲。聲移時而濤不息。此林之勝也。入山澗水潺潺。澗中皆盤石。屈曲數十丈。此泉之勝也。巖而曰靈。未知何據。明天啓間。陳宏已游靈巖。記有云。巖之名不知起何時。惟增其勝而廣其名者。則自施孝廉兆昂始。陳氏之意。地以人傳。功固在施氏矣。昔定襄之山曰神山。金元裕之讀書於此。因號遺山。明晉王崇尙元裕之道德文章。改神山曰元山。示景仰前哲意也。靈巖爲孝廉公讀書處。吾擬援元山之例。改靈巖曰施山。與元山後先輝映。亦表彰先德意也。歌長未錄。錄其施山二十景絕句。尤勝者以爲好遊者先導。靈泉云。施山小志。議新修。明月清風恣取求。夏玉引人先入勝。清涼散作四時秋。湛如石云。一片玲瓏不滓身。落花流水武陵津。無絃共道琴逾好。日夕空潭自瀉春。天會岩云。中秋爭說幔亭峯。笙管華筵幾度逢。此亦羣仙游讌地。仰觀星斗自羅胸。穿雲峽云。松聲挾雨偶聞猿。絕似三巴斷客魂。自是孤舟穿

不得芒鞋竹杖踏雲根。清虛洞云。棋子丁丁響一杯。小奚箕踞對茶筌。河山割據尋常事。舉世沈酣黑白爭。雌雄松云。雌雄秀挺最稱奇。一結子一不結子。大壑深山兩介眉。三友何須梅與竹。天然偕老歲寒姿。留月臺云。詩瓢酒椀夜沈沈。今古嫦娥共此心。一磬山門諸籟動。玉蟾墜澗花深碧。霞洞天云。五色雲邊見晚晴。洞門一角夕陽明。別饒異彩疑松翠。那管人間有赤城。慧日峰云。往歲扶筇劣。崱峿峯松關才動五更鐘。模糊遙認流球島。垂老登攀意未慵。離垢洞云。軟紅十丈憶金華。走馬春風倦看花。此地庾塵吹不到。絕無煙火但煙霞。千頃雲云。瀟湘望眼碧如煙。詩畫兼收入輞川。新筍登盤堪佐飯。山家種竹當良田。涵字尚有福廬山歌甚雄邁。篇太長未錄。

梁和鈞

敬錚

年少嗜學。能爲梅村體歌行。有雙栝行。哀林宗孟也。宗孟寓京師。

景山下。庭有雙栝。中警句略云。主人才高好儀宇。每挹雄談傾衆吐。典章文物出襟袖。將相王侯斥簿鹵。此時吾栝亦有神。怒榦繁枝鬱鬱春。又云。關外忽傳。

